

## **NATIONAL ASSEMBLY OF SEYCHELLES**

*Monday 28<sup>th</sup> November, 2022*

*The Assembly met at 9.01am*

*National Anthem*

*Moment of Reflection*

*Mr Speaker in the Chair*

## **MINISTRY OF HEALTH**

### **MR SPEAKER**

Bonzour tou Manm Onorab e bann zofisyé Lasanble, nou piblik ki swiv nou. Byenveni ankor enn fwa. E pou travay ozordi nou kapab pas direkteman lo travay lo Bidze. Komite?

Bonzour e byenveni Minis e tou bann zofisyé Lasante. E Minis Peggy Vidot Minis pou Lasante, Dr Bernard Valentin PS pou Lasante, Mrs Marie-Josette Louis Direkter Zeneral pou divizyon *Substance Abuse, Prevention and Treatment.*

Mr Ibrahim Ali *Acting Director National Institute of Health and Social Studies.* E nou annan osi akote Mr Majid Anette *Senior Human Resources Officer,* Mr Jude Barra *financial controller.*

Lo kote Minister Finans, nou swet labyenveni ankor Ms

Astride Tamatave *Comptroller General* e sa voyaz Madanm Liza George *financial analyst.* Mersi zot tou pou zot prezans e zot partisipasyon avek nou.

Nou pe pran premye Bidze Minister Lasante ki lo paz 367 ziska 375, pou en total R106milyon 307mil. Remarke ki nou pou annan lezot antite Lasante ozordi, alor i enportan ki nou disteng sa trwa antite, pou nou pa melanz kestyón enn pou lot.

Minis nou a konmans avek ou Minister e nou a ekout ou lentrodiksyon.

### **MINISTER PEGGY VIDOT**

Bonzour Mr Chairman. Mr Chairman, *Leader Lopozisyon, Manm Lasanble Nasyonal,* tou dimoun ki pe ekout nou, bonzour. Pou lannen 2023 sa morso Minister Lasante ki konpri Sekretarya Minister Lasante, lekol pou letid lasante ek sosyal ek Divizyon pou Prevansyon Labi Sibstans, Tretman ek Reabilitasyon, i anvizaze resevwar zis par lao R106milyon me parti dan trwa programm prensipal ki'n ganny renonmen konman programm 1, 2 ek 3.

43poursan sa larzan i pou programm 3 - sa se Divizyon pou Prevansyon Labi Sibstans, Tretman e Reabilitasyon. 26poursan i pou programm 2 lekol pou

Letid Lasante ek Sosyal. 31poursan i pou programm 1 Sekretarya Minister Lasante. Pou konpansasyon travayer pe pran pros 45milyon e byen ek servis pe pran 51milyon aprosan e proze kapital i aprosan 10poursan.

Sa larzan ki nou pe demande pou lannen prosen, i en pe plis ki nou ti servi an 2022. Lasanble pou konstate, ki nou'n demann larzan adisyonnel pou nou bann pou nou kapab kouver 13enm mwan saler pou tou nou bann *staff* ki merite.

An sa ki konsern labi sibstans, an 2023 nou anvizaze konmans konstriksyon en sant lasante olistik dan milye Victoria, pou adres bann size lasante mantal e maladi adiksyon.

Adiksyon avek adiksyon avek ouswa san sibstans. Nou pou konstri sa sant avek enn nou bann partner etranze. Sonm ki sa sant pou koute pa'n aparet dan sa Bidze.

Pozisyonnman tou nou bann profesyonnel lasante mantal e adiksyon dan enn menm sant e pa tro lwen ek klinik Larivyer Anglez, pou permet Minister Lasante mye itiliz sa pti gin resours imen ki nou annan.

E osi ede elimin serten tabou, ki asosye avek izolman bann servis lasante mantal. Sa sant i pou en sant lasante

olistik, ki pou get sa et imen dan son totalite - pa zis son size mantal oubyen adiksyon. Mr Chair 2023 pou osi prezant nou ek en loportinite pou revwar nou plan direkter nasyonal pou kontrol drog.

O kour sa lenplimantasyon sa plan aktyel, nou pe war serten defi;- par egzanp bann target bann pa'n ase byen defini e pa ase konsilitativ, pou nou vreman montre sikse direk oubyen labsans striktir direk. Nou bezwen kontinyen fokaliz lo nou bann endikater endirek.

Labank Mondyal ek Lorganizasyon Nasyon Ini pou Drog ek Krim, i an kontak avek nou pou etabli -non selman en obzervatwar pou bann size drog, me osi pou devlop en meyer programm swivi ek evalyasyon, pou tou nou bann programm prevansyon tretman ek reabilitasyon.

Mr Chair fodre dir osi, ki i annan en odit performans fer par Oditer Zeneral, ki pe pran plas an se moman lo programm *methadone*. E sa odit pou donn nou bon lenformasyon lo bann lafors e febles pou nou nouvo Direkter Nasyonal Kont Kontrol Drog ki nou anvizaze konmans devlope an 2023.

Pandan 2022, Divizyon pou Prevansyon Labi Sibstans, Tretman e Reabilitasyon, in koz avek bokou partner lo size drog. E

divizyon pe travay ek tou bann partner, pou nou war kan mannyer nou pou anmenn sa bann programm devan.

Apre ki nou ti konmans reouver servis lopital lizour lo Mahe, nou pe aprezan travay pou prodwir sa servis lo Praslin e pli partikilyerman Anse Boudin, dan en fasilite ki Gouvernman Lokal e Zafer Kominoter in byen zantiman met a nou dispozisyon.

Nou pou bezwen resours pou re amenaz sa landrwa, me nou pou osi kont lo travay pratik pou bann kliyan, konman parti zot terapi. Minister Lasante pe anvizaze ki apartir lannen prosen pou annan de *counsellor* Labi Sibstans lo Praslin, ki pou deservi sa rezyon Praslin-La Digue.

Nou pou bezwen osi fer serten renovasyon kot nou pe delivre servis an se moman. E en sonm preski R7milyon in ganny *allocate* pou sa. An sa ki konsern NIHSS, keksoz prensipal ki pou arive an 2023, se ki pou vin dan son nouveau alokasyon permanan o bor lopital, apre plizyer lannen ki ki'n North East Point.

Nou tou nou'n apresye sa zoli batiman ki'n preski konplet, konplete. Ler bann etidyan i antre dan nouveau batiman, pou osi annan en sanzman liniform ki etidyan zot menm zot in swazir. Mon

ti a kontan remersye Prezidan Larepublik ek lakonpannyman Vijay Patel, ki'n fer sa nouveau lekol posib.

Mon ti a osi kontan remersye lekol Lar *and Design*, ki'n ed nou konsevwar en nouveau liniform pou nou bann etidyan NIHSS. Dan NIHSS nou'n obzerve ki i napa ase programm pou letid sosyal. Sa i bezwen sanze dan bann lannen ki pe vini.

Nou'n deza demann NIHSS pou devlop en *curriculum* konplet pou bann *counsellors*, ki annan en gran mank dan nou pei. Pou fer sa NIHSS pou bezwen fer lyezon avek Liniversite Sesel, pou anpes ki i annan diplikasyon.

Byento pou annan 19 *staff* pou konmans letid liniversiter lo zesyon lasante e zafer sosyal. I annan programm dan domenn sosyal ki NIHSS i kapab e redvelope. 2023 dan Sekretarya Minister, nou pou entansifye resers; nou pou amelyor komunikasyon entern ek ekstern. Nou'n aste osi en *printer* endistriyel, ki pou permet nou ranforsi nou zefor, pou fer bokou plis materyo promosyon lasante.

An 2023, nou pou annan en nouveau zofisy legal. Nou pou kontinyen lo nouveau partenarya *both* entern pei e menm a leksteryer. Enn bann legzanp se, avek *Malta* ou si

non avek *Pakistan* ki nou pe travay lo la e ranforsi bann partenarya ki ti la avan, parey avek *La Reunion* ek lezot.

Mr Speaker avek sa detrwa mo, mwan ek mon tim nou ti a dispozisyon Lasamble, pou donn plis detay e leklersisman lo nou proze nou Bidze pou lannen 2023, ki nou ti ava demann zot pou donn nou zot sipor. Mersi.

### **MR SPEAKER**

Mersi Minis. Bon nou a pran kestyon bann Manm. Sa i en size ki bokou Manm i annan kestyon, alor annou reste lo de kestyon par Manm. E osi evit bann stetment long avek bann kestyon. E mon a demann *panel* osi pou nou gard respons direkteman lo kestyon, pou nou kapab *manage* letan.

Bon mon annan Onorab Esparon premye, apre mon annan plizer Manm ki'n lev lanmen ansanm. Onorab Esparon i kapab komanse.

### **HON REGINA ESPARON**

Mersi Mr Chairman. Bonzour Minis avek ou delegasyon e tou dimoun a lekout. Mr Chairman mon premye *query* ki mon ti ava kontan demann Minis, anba *strategic priority* 2023-2025 - *bullet point 4*, i annan “*increase* dan *production, skills and deployment of human resources for health.*” E letan

mon'n regard zot bann *goals* - en “*goal in the national development strategy in modern and effective healthcare.*”

Konbyen larzan anba sa Bidze, ki zot pe prozekte pou *recruitment*, anba *personnel emolument?* E si zot annan osi plan a lavenir letan zot pe *recruit*, zot annan plan pou *recruit* en *health economist* ki pou ed zot ek zot Bidze?

Dezyenmman Minis, mon war i annan en gro konponan dan sa Bidze ki 46milyon 138mil, ki pe al pou *drug and abuse prevention rehabilitation.* Lannen pase zot ti ganny zot 57milyon letan ti fer revizyon *mid-year*, zot ti'n servi 32milyon.

Mon kestyon se, ki Minister pe anvizaze fer a lavenir pou ki sa bann kliyan ki lo *methadone* i ganny met dan en lanplwa? E ki dyalog i annan avek Minister ek Minister Lasante avek Minister Lanplwa, pou ed zot kapab fer sa?

Parske mon war poudir sa gro konponan ki la, Gouvernman pe zis depanse e an retour i pa pe anmas nanryen avek sa bann dimoun ki lo sa programm.

E mwan mon ti ava swete war ki sa bann dimoun ki lo sa programm, zot ganny met dan lanplwa pou rekiper en pe sa

larzan ki Gouvernman pe depanse avek zot.

Parske sa 46mil nou ti a kapab met li dan en lot *area* dan Lasante pou benefis lasante nou popilasyon. Mersi Mr Speaker.

### **MR SPEAKER**

Mersi. Mersi pou ou kestyon Onorab. Minis zis sinal mwan lev ou lanmen si ou ki pou reponn oubyen endik en Manm ou *panel*.

### **MINISTER PEGGY VIDOT**

Mersi Mr Chair. Mon ava demann *PS* pou reponn sa bann kestyon lo la.

### **MR SPEAKER**

*Thank you. PS.*

### **PS BERNARD VALENTIN**

Mersi bokou *Minister*. Mersi bokou Mr Chairman. Bon lo size rekritman an relasyon avek sa ki dan *strategic plan*; - *strategic plan* i pou Lasante an antye. Donk i enkli *strategy human resources* dan Minister li menm, dan *Health Care Agency*, dan *Public Health Authority* e dan pei an antye. Akoz sa i en size en plan, en plan stratezi nasyonal. Donk larzan pou rekritman pa pou Sekter Lasante an antye pa neseserman paret dan sa Bidze, ki zis en morso Minister.

Rekritman ki pou arive dan nou sekter - dan sa morso Minister ki nou, nou pe koz lo la bomaten, i sa bann pos par egzant nou le rekrit en *Executive Director*. Nou le rekrit en *legal advisor*, nou le rekrit bann dimoun koumsa ki aparet.

I en pti porsyon sa rekritman ki nou bezwen fer dan Minister an antye. Bon be selman lo kote stratezi resours imen parey nou pe dir, nou pe form bann dimoun kot *NIHSS*. I annan en kantite programm formasyon. Sa i pou adres nou, nou mank resours imen, petet taler Mr Ali a koz en pe lo bann programm ki nou annan pou formasyon. E nou osi annan avek *ANHRD* ki ti egziste avan, nou'n anvoy en kantite nou bann travayer - nou bann travayer e osi bann nouvo dimoun ki pe kit lekol al fer bann profesyon lasante.

Donk tousala ansanm i adres sa stratezi resours imen ki ou'n mansyonnen e ki trouve dan nou plan stratezik nasyonal, pou Lasante. Lo kote *methadone* ek lanplwa, bon laverite se ki lamazorite dimoun ki lo programm *methadone* i dan en lanplwa. I pa neseserman en lanplwa formel tou le mwan, par egzant rezon ki nou donn *methadone* granmaten dan serten landrwa, se ki i annan

dimoun ki bezwen al travay lo por, eksetera.

Donk lamazorite dimoun ki lo programm *methadone* aktyelman, i deza dan en lanplwa. Menm si i pa en lanplwa kot ou ale tou le bomaten 8er ou retournen 4er - zot travay e zot kapab ganny en *income* avek sa travay.

Mon pa konnen si mon'n reponn kestyon Onorab, me mon'n ...

### **MR SPEAKER**

Zis si ou kapab zis dir li ki ou annan plan pou *recruit* en *economist*, mon krwar i ti'n demande - zis ...

### **PS BERNARD VALENTIN**

Wi absoliman nou bezwen en *health economist* dan Lasante. Me selman problem se ki bann *economist* ki vini zot pa mazin Lasante premye, zot mazin al travay petet *Central Bank*, al travay dan Sekter Finans.

Donk i annan en formasyon *health economics* ki fer pou bann dimoun Lasante swiv. E nou annan Dr Shamlaye par egzant en dimoun ki'n fer *Masters* dan *Health Economics* dan Minister Lasante. Me selman nou bezwen plis. Nou bezwen plis dimoun avek sa formasyon dan Minister Lasante pou kapab ed nou avek bokou

keksoz, ki nou bezwen fer dan lasante.

Par egzant bann evalyasyon *benefits* eksetera, eksetera, bann programm ki nou fer. Wi nou bezwen *Health Economics* dan Minister Lasante. Mersi.

### **MR SPEAKER**

Mersi. Wi Onorab nou bezwen gard bann klarifikasiyon kourt silvouple. Yes.

### **HON REGINA ESPARON**

Yes Mr Chairman. Zis en pti klarifikasiyon, petet mon pa konnen PS i kapab pa reponn sa zis en sizesyon. Petet sa bann kliyan *methadone* ki pa dan en lanplwa formel la, se sa ki mon ti pe koze.

Ki ou ganny zot pou al dan en programm lanplwa ansanm avek - konmsi annan sa lyezon ek Minister Lanplwa pou met zot dan sa lanplwa formel. Sa ki mon ti pe koze lo la. Mersi.

### **MR SPEAKER**

Mersi. PS a not sa rekondasyon silvouple. E mon a pas lo prosen kestyon. Mon a pran Onorab Gabriel.

### **HON CONRAD GABRIEL**

Mersi Mr Chair. Welcome Minis avek ou delegasyon. Bonzour tou dimoun a lekout. Minis nou rekonnent i annan bokou *challenge* - bokou defi

dan Minister Lasante. Premyerman mon ti a kontan tous en pti pe sa size North East Point.

*North East Point Hospital*  
Minis, mon panse mon pa konnen si zot in fer provizyon dan sa Bidze la, pou regard en pe son *staffing*. An zeneral son servis Minis, i en pti pe deplorab e mon ganny en lapel ek bann ners - mon'n laba wikkenn pase *by the way* - mon'n al war en pasyan, en dimoun en pe pros. I en pe deplorab.

Mon pa konnen dan sa Bidze la, ki zot annan pou adres en pe sa problem. Sirtou lo kote zot Polisi ki mannyer pou pey sa bann *staff* zot demande en keksoz Minis.

Par kont aswar, zot in averti mon poudir aswar i annan en ners e en asistan *for the whole hospital*. So mon ti a kontan ou donn en pti leklersisman lo la.

Mon dezyenm pwen i lo kote farmasi. Mon konnen ou'n sey dir i annan problem *staffing*, me selman Minis i en pe pa akzeptab letan en dimoun i fini war dokter *let's say* dan 10er diswar, i ganny son papye *medical* be selman farmasi i fermen. Petet elabor en pti pe i ganny dir pou vin lannmen maten *this is a bit* en pti pe pa akzeptab. Mon ti a kontan ou tous en pti pe lo la.

### **MR SPEAKER**

Mersi. Minis, eski sa i tonm anba ou sa antite la ki nou pe konsidere oubyen oule anvoy li. Mon a les ou.

### **MINISTER PEGGY VIDOT**

Mersi Mr Chair. Lo bann kestyon ki konsern servis Mr Chair mon ti ava preferé ki nou pran li letan nou pe diskit *Health Care Agency* apre midi. E tou le de lo size *North East Point* avek size farmasi i pou tonm ladan. Mersi.

### **MR SPEAKER**

Mersi. Zis rapel mon krwar kekfwa i kapab en pe difisil, i en pe difisil pou mwan osi mon admet. Me selman zis rapel poudir bann kestyon lo lopital, klinik servis dan bann antite Lasante, i tonm anba *Health Care Agency* ok bann Manm? Mersi. Mon a pran kestyon Onorab Vidot.

### **HON AUDREY VIDOT**

Mersi Mr Chair. Bonzour Minis avek ou delegasyon, tou Manm Onorab, zabitant Roche Caiman e Manm piblik ki a lekout. Minis mon kestyon an referans avek Bidze pou programm 1 lo kote administrasyon pou Minister Lasante. Zot ki fer *monitoring*, evalyasyon, lo bann *core* servis travayer Lasante e son departman. Eski zot kapab

asir pep Seselwa ki anba sa programm 1, Bidze ki zot pe ganny *allocate* pou vreman adres bann defi reel?

La nou pe koz zeneralman *from* Minister anba eska bann lezot servis ki pli tar nou pou zwenn bann *heads*, pou adres lo nivo standar. E osi lo kalite ki swa lekipman oubyen servis, ki departman li menm li i konmans de-koul depi anler ziska anba kot bann lezot Lazans?

E osi lo laspe bann lezot Lazans, zot ki bezwen asire ki tou sa bann Lazans ki tonm anba departman Minister Lasante i annan bann konponan vreman enportan, bann zouti travay ki pou zot kapab fer zot travay byen.

Eski sa Bidze ki zot pe gannyen, i permet zot pou 2023 adres sa bann defi, ki nou konnen bokou sa bann departman pe rankontre? E zot lo nivo *Management* zot kapab asir nou - pa zis nou Lasanble - me Seselwa e bann travayer Lasante, ki annan zefor ki pou ganny adrese dan sa bann defi. Mersi.

### **MR SPEAKER**

*Thank you, Onorab. Minis?*

### **MINISTER PEGGY VIDOT**

Mersi Mr Chairman. Mersi Onorab pou ou kestyion. Wi ou pe demann mon si Bidze

Minister Lasante anba programm 1, pou adres diferan konponan ki ou'n fer resorti, parey standar ki nou bezwen etabli, pou differan antite dan Minister Lasante.

Wi nou annan dan nou Bidze dan nou Minister, differan group ki pe travay lo differan keksoz. Tou le-z-an par egzanp nou regard nou plan stratezi, ki i annan differan konponan pou sakenn sa bann antite e zot, zot bezwen raport avek nou, lo en peryod regilye parey sak *quarter*, lo ki kalite keksoz ki zot pe fer pou zot atenn sa bann lobzektif sa bann ki nou'n set.

Nou lo kestyion *whether* nou annan standar, kan mannyer travayer pou performen. Nou annan pa zis dan Minister Lasante dan sa programm 1, me nou osi annan trwa Konsey bann profesyonnel Lasante ki i pou dokter, ners avek *Allied Health* ki sets standar pou ledikasyon ek *practice* pou sa bann kalite profesyonnel.

Sa osi i ed nou, pou nou war ki mannyer bann travayer pou performen, lo ki nivo. I responsabilite bann differan antite kot sa bann travayer pe travay, pou zot war ki sa i pe ganny arive ganny fer. Alor nou'n osi en programm dan *quality assurance*, ankor pou

nou ede pou war ki tou sa bann keksoz i an reg.

Ou'n demann mwan lo kantite regilasyon, *whether nou annan tou sa, nou annan en antite ki taler nou pou koz avek Public Health Authority, ki osi ede pou etabli ki mannyer sa bann kalite keksoz i ganny fer.* Ki kalite evalyasyon ki nou fer.

Par egzanp nou annan en *quality assurance* laboratwar, ki verifye nou bann medikaman ki vini e enn nou bann nou'n war dan sirtou resaman nou'n ganny medikaman ki'n antre ki pa'n pas tes.

So sa i montre poudir nou annan en surveyans, lo kalite travay, lo kalite keksoz ki nou annan an plas, pou nou arive fer sir ki lasante ki nou pe donnen i lo nivo ki nou resours i permet. Mersi Onorab.

### **MR SPEAKER**

Mersi Minis. Ou kestyon Onorab Roucou?

### **HON MICHEL ROUCOU**

Mersi Mr Chair. Bonzour Minis avek ou lekip. En bonzour spesyal pou zabitan Mont Fleuri. Minis mon le lo zabitan Mont Fleuri espesyalman Hermitage, mon le dir ek ou Minister mersi ki ou'n donn nou sa zoli *building* anler ler ou pe mont dan leo

Hermitage – NIHSS - ki ler ou pase i tir sa *eyesore* ki ti annan.

Minis mon kestyon i lo *SBC House*, si ou kapab donn nou en pti pe detay ki annan lo la? Akoz parey ou konnen poudir *SBC* pou le moman pa pou sorti deswit, me selman nou war poudir i annan sa Bidze 10milyon lo la.

Apre osi lo klinik Corgate Estate parey lo dyalog ki nou ti gannyen, pa blyie pou war en pti pe, pou gete pou kapab ed bann kliyan ki vin kot klinik li menm li pou, pou tir en pti pe sa lasaler an term pou met bann *fan*. Mersi.

### **MR SPEAKER**

Mersi. Minis.

### **MINISTER PEGGY VIDOT**

Mersi Mr Chair. Mr Chair lo kestyon nou bouz *SBC House*, mon ava demann *PS* pou reponn. Me lo kestyon pou *health center* taler kekfwa *Health Care Agency* a reponn plis.

Me selman mon ti a kontan remersi Onorab Roucou pou son bann soutyen ki i aport pou sa *health center*, pou ede pou kapab rearanz sa miray e tou keksoz. Wi dan nou Bidze dan *Health Care Agency*, nou kapab dir poudir nou annan keksoz ki nou kapab fer pou mentenir

*building e pou aranz pou fer li byen pou servis. Mersi.*

### **MR SPEAKER**

*PS?*

### **PS BERNARD VALENTIN**

Mersi Mr Chair. Wi i, i en propozisyon ki nou'n fer avek Gouvernman, ki letan *SBC* i al dan son nouvo lokasyon, Minister Lasante a ganny sa landrwa kot *SBC* i ete la konmela.

Fodore mon dir poudir ti annan en moman dan listwar, ki sa landrwa ti en facilite Lasante, avan menm ki i ti vin lekol Mont Pasteur. Donk nou, nou ti a kontan ki nou al laba avek tou bann departman dan Lasante, ki ozordi pe lwe en landrwa.

Par egzanp Minister li menm kot nou ete la konmela kot nou pe lwe. Donk si nou al kot *SBC*, nou pa pou bezwen lwe sa e tou sa bann lezot antite – pti bout antite Minister, ki pe lwe en landrwa par egzanp bann *Councils* nou ava al laba kot *SBC* - i annan ase plas pou nou tou. E pou nou kapab antre apre ki *SBC* in sorti bezwen fer serten renovasyon.

E dan Bidze lannen prosen, i annan apepre R3milyon ki'n mete, pou nou kapab konmans fer sa bann renovasyon pou neseser pou

nou kapab antre. Mersi bokou.

### **MR SPEAKER**

Mersi. Onorab Lemiel, kestyon.

### **HON SYLVANNE LEMIEL**

Mersi Mr Chair. Bonzour Minis avek ou delegasyon. Letan mon pe pran mon kestyon, mon ti a kontan ankor enn fwa re afirm mon sipor e sipor nou group travayer Minister Lasante. E ki zot toultan ganny sa kouraz pou zot kontinyen delivre dan servis ki zot pe donnent.

Minis dan enn ou *current challenges*, mon war ki dan *bullet number 2* zot in mete ki zot “*unable to recruit all the competencies required, to fulfill its mandate due to unavailability on the local job market.*”

So atraver Bidze 2023, mon pe mazinen la petet zot pe mazinen al deor. So atraver Bidze 2023, ki konponan ki ou pe mazinen zot pe pran dan sa Bidze, pou zot al ver deor pou al fer sa bann *recruitment*, petet pou ou ganny bann *competencies* ki ou santi Minister Lasante i bezwen, pou amelyor nou bann servis? Ki konponan ou Bidze?

E petet ou pe mazinen ki kantite, ki kantite dimoun aletranze travayer dan ki domenn ners, dokter e lezot, ki

ou pe mazinen atraver sa Bidze ki ou pe planifye 2023, ki ou pou servi?

Dezyenmman, mon'n war ki ou osi annan lo kote enn ou pwen stratezik se ki oule *improve data for impact, so ladan osi mon pe mazinen an sa ki konsern ou Bidze 2023, ki konponan ou Bidze ki ou pe mazinen ou pou servi or ki zot pe fer atraver sa Bidze, pou zot improve lo sa pwen stratezik la ki zot in fer sorti?*

Mon annan lezot kestyon me selman mon krwar i pou *Healthcare*. Mersi.

### **MR SPEAKER**

Mersi. Minis.

### **MINISTER PEGGY VIDOT**

Mersi Mr Chair. Mersi Onorab pou ou kestyon. Onorab ou pe demann nou, ki kantite ki konponan nou Bidze ki'n ganny *allocate*, pou nou kapab ranpli sa *gap* kot nou annan mankman *competencies*?

I pa neseserman ki nou pe regard anvoy tou dimoun aletranze, me nou pe regard diferan stratezi kot nou pe ranpli sa *gap*. Par egzanp nou'n realize poudir zesyon lasante i enn gran mank e ansanm avek NIHSS e avek liniversite - parey mon'n dir dan lentrodiksyon - nou pe deza konmans pe al konmans en *training* pou 19 or 17, akoz

2 i pou sosyal. Pou ganny sa formasyon lokal isi.

E ki larzan nou'n servi dan sa lannen deza, pou nou arive fer sa - ki zot ava fer en *course* ki pou endire pros 9an e si zot anvi kontinyen pou al fer en *Masters* apre ki zot in fini, zot ava kapab ganny fer.

E i annan lezot laspe, lezot fason ki nou pe kapab ranpli sa *gap* e sa se pa toulstan anvoy dimoun aletranze, me osi anmenn dimoun ki pou kapab ed nou avek diferan kalite keksoz.

Bann ankor bann Konsey parey Konsey Ners i osi travay fer diferan keksoz pou ranpli ankor *gap* ki nou pe annan, dan diferan fason. Nou pe travay pre avek Lorganizasyon Mondyal pou Lasante, kot zot osi annan diferan programm ki nou dimoun i kapab swiv. E avek lezot antite dan sa bann dan nou rezyon ek diferan landrwa.

So wi, nou annan kanmenm en konponan dan nou Bidze, ki pou adres keksoz parey *training* ki nou pa pe kapab ganny fer isi. E sa i toulstan la. I al *according to* nou plan ki dimoun ki nou bezwen, parey sa lannen nou'n anvoy zis 2 ou 3 dimoun pou fer zot *Masters* dan psikolozi, akoz nou realize poudir sa i en mank nou napa sifizaman psikolog lokalman. So wi, nou pe adres sa.

Lo *data improvement*, ankor en lot keksoz ki nou manke. E i manke akoz nou napa - nou pa pe zer nou *data* dan lafason kekfwa ki nou ti mye kapab. I enn bann defi ki nou'n remarke pandan nou repons lo ki mannyer nou pe mannye *Covid*.

E an menm tan nou pa anmas sifizaman - parey nou ava war pli tar, nou annan larzan ki'n ganny mete pou resers. E enn nou bann keksoz ki nou pe vreman *improve* dan sa Bidze, se lo sa kote resers, kot i ava donn nou pli bon lenformasyon, pou nou kapab fer desizyon ki a baze lo fe, lo *data* ki nou'n anmase.

E mon panse ki *PS* ou ti pou anvi azout lo la silvouple?

### **MR SPEAKER**

*PS, yes?*

### **PS BERNARD VALENTIN**

Mersi *Minister*. Enn nou bann gran mank se statistisyen, akoz i vre ki nou anmas serten en bon nonm *data*, me selman nou pa kapab neseserman analiz tou. Akoz i annan en mank statistisyen.

E mon krwar mank statistisyen i en pe zeneral pou pei antye sa. Preski tou lorganizasyon i dir ou i mank statistisyen, menm laba kot Biro Statistik zot dir zot mank statistisyen. Donk statistisyen i en mank *right*

now kot Minister Lasante. Nou annan en lorganizasyon avek *Nigeria* e zot pe fourni nou avek serten statistisyen. Sa semenn menm, nou pou interview ankor statistisyen from sa pei.

Me nou stratezi se ki nou ava ganny en Seselwa evantyelman, ki nou kapab *train* ki a vin statistisyen, e ki ava reste Sesel e ki a kapab zot osi letan zot vin statistisyen, kontinyen *train* dimoun pou nou kapab *manage* sa ta *data* ki nou anmase dan Minister Lasante.

E byensir tousala i tonm an plas, avek sa plan *HIS* ki nou anvi entrodwir. Akoz letan ou annan en *HIS* ki bon, i annan en kantite analiz ki sa sistenm li menm i fer, i donn ou e ou kapab fer desizyon. Mersi bokou.

### **MR SPEAKER**

Mersi. Onorab Ernesta.

### **HON PAUL ERNESTA**

Mersi Mr Chair. Minis, ou delegasyon e tou koleg Onorab, tou dimoun a lekout bonzour. Mr Chair letan mon pe swiv si oule, bann laliny defans, i annan sa ki mon'n war lo kote liniform i varye. Annefe Minis in mansyonn lo kote bann etidyan ki annan serten logmantasyon dan provizyon ki'n ganny fer pou zot.

E petet pou bann *staff* ki provizyon ki annan, pou fer sir, akoz mon war i annan ki monte, swa i annan ki'n desann dan zot Bidze; ki provizyon i annan pou fer sir ki bann *staff* i ganny bann liniform neseser adekwa, pou zot kapab fer zot travay ladan. Enn?

Apre dezyenmman, an sa ki konsern *overtime*, i osi ki mon'n war i annan en pti pe varyasyon. Petet ladan - annefe i annan menm i annan en i annan sa *program 2* mon war ki menm provizyon napa pou bann *overtime*.

E i annan konsern deor parmi bann *staff*, ki i annan ki zot *overtime* in koupe, ki mannyer prezan zot avek sa Bidze, zot pou kapab fer sir ki tou sa bann zafer zot pe *deal* avek, kot *staff* i ganny zot *overtime accordingly?* Mersi Mr Chair.

### **MR SPEAKER**

*Thank you* Onorab. Minis ou'n endik PS? Yes PS.

### **PS BERNARD VALENTIN**

Mersi Mr Chair. Sa ki Minis in fer mansyon lo la konsernan *uniform*, i konsern *uniform* etidyan kot NIHSS. Liniform larestan i plizoumwen kot *Health Care Agency* e mon mazinen *Health Care Agency* pli tar i a kapab reponn sa

kestyon lo liniform kot *Health Care Agency*.

Konsernan *overtime*, nou napa *overtime* kot Minister sa bout ki nou pe koz lo la bomaten, me selman petet Madanm Louis i annan *overtime* kot PR si ou ti kapab koz lo la.

### **MR SPEAKER**

Yes Madanm?

### **DG MARIE-JOSETTE LOUIS**

Bonzour Chairman. Bonzour tou Onorab. Bonzour tou dimoun ki a lekout kot lakour. Lo kote divizyon nou napa *overtime* e sa in ganny aboli apartir 2020 letan ti annan restriksyon lo finans dan letan Covid.

E pou le moman nou napa okenn *overtime* ki nou pe donn *staff*. Nou *staff* i travay *shift* e sa zot ganny kouver anba *shift allowance*. Mersi.

### **MR SPEAKER**

*Thank you.* Wi klarifikasyon Onorab fer li kourt?

### **HON PAUL ERNESTA**

Mersi Mr Chair. Wi mon pou vitman. Par lefe ki zot napa *overtime* pa'n ganny dir zot pe ganny kouver lo *shift allowance*, sa osi i annan serten konsern akoz bann *staff* pe dir, sa ki zot pe gannyen i minim - konmsi pa

nanryen konpare avek travay ki zot pe fer.

Eski i annan provizyon ki zot kapab revwar osi pou aranz bann *staff* pou fer sir zot satisfe dan zot travay? Mersi Mr Chair.

### **MR SPEAKER**

Mon pa tro sir ... Minis mon a les ou adrese.

### **MINISTER PEGGY VIDOT**

Mersi Mr Chair. Mr Chair Onorab pe demann pou *staff* an zeneral ki dan Minister Lasante e PS in fer resorti, ki en pe ki tonm anba *Health Care Agency*. Me selman zeneralman dan Gouvernman, pe revwar sistem le diferan, diferan *Schemes of Service* pou regarde ki mannyer sa group dimoun i ganny peye.

E tou sa bann revizyon i pou ganny anglobe dan sa programm ki pe ganny fer par *bureau* e Minis Finans. Mersi.

### **MR SPEAKER**

Mersi Minis. Onorab Woodcock.

### **HON WAVEL WOODCOCK**

Mersi Mr Chairman. Bonzour Minis e ou lekip, tou Manm e tou dimoun a lekout. Minis mon kestyon i baze lo *PSIP*. Mon konnen ou'n pronons ou lekor en pe lo la lo sa size sa, vi ki byento *APDAR* pou bezwen sor ... - pa *APDAR* - I

*mean* zot bann programm reabilitasyon, pou drog pou bezwen bouze. Akoz sa sant Amitie kot *ex-DOVE Rehabilitation Center* pe al - sa *Prison Division* ki pe al pran sa sant e zot pou bezwen bouze. E ou'n mansyonnen poudir in annan en vizit, nou'n fek fer resaman kot sa sant Anse Boudin.

E ti annan diskisyon pou *refurbish* sa sant, pou fer li vin en sort of *rehabilitation center*. Letan mon get anba *PSIP* mon war en alokasyon pou R10milyon kot *drug rehabilitation center* R10milyon.

Me mon kestyon i, eski se sa larzan - en porsyon ki sa larzan, pou ganny servi pou *rehabilitate* sa landrwa? Ouswa sa larzan pou sorti anba en lot vot ouswa - *I don't know* - anba en lot finansman?

Si ou kapab donn en pti pe detay lo la, e en pti pe bann travay ki zot anvizaze fer lo sa sant Anse Boudin? Mersi.

### **MR SPEAKER**

*Thank you* Onorab. *Panel, yes.*

### **PS BERNARD VALENTIN**

Mersi Onorab pou ou kestyon. Bon sa ki mon bezwen dir se ki *right now* nou pe koze avek Gouvernman Lokal ek Zafer Kominoter pou nou ganny sa

plas Anse Boudin, pou nou kapab fer nou programm laba.

Nou pa ankor ofisyelman gannyen sa landrwa, me nou an diskisyon avek sa Minister. E dan sa Bidze - dan sa Bidze 2023, napa spesifikman en larzan pou renovasyon sa sant. Akoz sa diskisyon i ankor pe pran plas. Me selman Madanm Louis avek mwan aepre semenn pase nou'n ale Praslin, nou'n al vizit sa landrwa Consolation ki pou *Local Government* ki pa pe servi, ki lontan Minister Lasante ti fer *outreach* laba Consolation.

Nou'n al osi Anse Boudin pou get sa landrwa osi. So i annan de landrwa lo Praslin ki nou pe diskit avek sa Minister ki responsab pou sa de landrwa, pou war si nou kapab gannyen pou fer bann programm enn fwa ki nou sorti kot *DOVE Center*, akoz i paret ki nou pou bezwen sorti.

Mon rekonnnet ki sa de landrwa i en pe lwen avek sant aktivite lo Praslin. I pou annan serten konplikasyon ki pou leve; par egzamp nou pou bezwen plis *fuel* pou transpor eksatera, pou ale vini, *from* sa bann sant ziska sant Praslin.

Me selman nou, nou pe war ansanm ki mannyer nou pou adres sa bann defi koumsa. Mersi.

### **MR SPEAKER**

Mersi. Yes klarifikasiyon Onorab?

### **HON WAVEL WOODCOCK**

Wi, wi zis en pti *follow-up*. An atandan ki travay renovasyon pou transform sa *ex-DOVE Center* kot en *Youth Detention Center*, bann staff definitivman laba pou bezwen bouze. E an atandan ki pou arive avek sa bann staff ki pe travay dan sa ki pe fer sa louvraz *rehabilitation* eski zot pou bouz *back lopital*, ouswa ki zot plan *in the short term* pou sa bann staff ki aktyelman laba?

Akoz definitivman zot pou bezwen bouze, akoz travay pe al konmanse lannen prosen lo *ex-DOVE Center*. Mersi.

### **MR SPEAKER**

Thank you Onorab. PS ou a kontinyen.

### **PS BERNARD VALENTIN**

Well lenformasyon ki nou, nou annan, se ki toultan nou pa ganny en lot landrwa, nou pa pe bouze. Nou pa pe kapab bouze servis pou kontinyen donnez la kot i ete la konmela. Mersi.

### **MR SPEAKER**

Mersi. Onorab Cosgrow.

### **HON WALLACE COSGROW**

Mersi Mr Chair. Bonzour Minis. Bonzour tou dimoun a lekout. Minis mon kestyon pou santré lo SP3 "research policy planning and implementation." Parey bokou bann Manm in fer resorti, i annan bokou problem dan Minister Servis Lasante e bokou sa bann problem in ganny eksprimen par bann Manm piblik avek disatisfaksiyon servis avek diferan domenn lasante.

Bokou i konplent i dir i bezwen nouvo figir - *new blood*, pou kapab zer Minister Lasante e zot met kestyon lo ou konman *Leader* Minister Lasante. Me selman mon pa pou al mon pa pou vin demann sa kestyon la ozordi Minis, mon pou konsantre lo Polisi.

*Now, se sa seksyon ki, ki devlop bann stratezi bann Polisi e zot osi monitor e evaluate bann processes dan Minister Lasante. Kwa ki pe marse, kwa ki pa pe marse azout refer kot pa pe marse e anbelir kot i byen.*

*Now eski - e dan mon speech Bidze dan larepons Bidze mon ti fer sorti regarding bann domenn ki petet zot bezwen an term administrativ, an term Management.*

Taler nou'n koz lo *health economist*, so eski - akoz mon dezapwente mon war zis 2.38milyon dan sa bout *policy*

*planning.* Mon krwar se sa leker servis. Nou pa pe koz servis kot nou donnen, me selman leker *planning of the health system of the service.*

*Now, eski zot annan bann dimoun ozordi ki pe train pou kapab fer sa louvraz stratezi, Polisi, monitoring and evaluation?* Si zot annan konbyen ki pe *train*? Dan ki domenn? E eski sa larzan ki la dan Bidze ozordi, i ase pou kapab anmenn sa transformasyon, ki zot dir nou anvi war dan Minister Lasante pou benefis manm piblik? Premye kestyon.

### **MR SPEAKER**

Non, me pa mon krwar ou'n fer de pwen la, non?

### **HON WALLACE COSGROW**

Non zis enn.

### **MR SPEAKER**

*Sorry mon pa'n tro swiv. So sa ou premye kestyon byen mon a met sa konman ou premye kestyon.*

### **HON WALLACE COSGROW**

Mon dezyenm kestyon i bokou pli senp. Minis eski *overseas treatment* i tonm anba Minister? Si wi, mon a demann sa kestyon, si non mon ava esper pli tar. I pa tonm anba Minister en? Ok. So mon ava demann mon

kestyon lo *overseas treatment* ler lot i vini.

Me selman an zeneral lo *policy planning, strategy*, bann lobzektif. Mersi.

### **MR SPEAKER**

Tre byen, mersi Onorab. Minis?

### **MINISTER PEGGY VIDOT**

Mersi Onorab pou ou kestyon ek ou stetment. Onorab wi si ou pe demann nou si dan nou *policy planning* nou annan sifizaman dimoun ki pou pe ede, pou fer sa bann kalite travay e si zot in ganny *training*?

Parey mon pe dir *training* pou *policy* ek pou *planning*, i enkorpose dan diferan kalite *training* ki dimoun i swiv. Si mon pou pran sa 19 dimoun, ki pou pe fer *training* dan zeson Lasante, i annan en konponan. I annan omwen 2 *module*; enn lo Polisi enn *planning* e lot, lot lo evalyasyon *monitoring*.

So i annan diferan konponan dan bann diferan *training* ki dimoun i fer. E alor zot gannyen en serten baz, pou zot fer sa. I annan osi en konponan lo resers, ki ede pou zot kapab fer resers, pou ganny lenformasyon pou ed zot pou kapab servi sa lenformasyon pou zot fer pli bon *planning*. E wi, i annan.

Nou annan zenn dimoun ki'n antre dan *policy* ki fer *policy analyst* e nou annan dimoun avek leksperyans pa neseserman - zis nasyonal me enternasyonal - ki osi pe fer sa laspe travay lo *monitoring evaluation*.

*Monitoring of* diferan endikater ki nou annan dan Lasante. Me an menm tan sa larzan ki ou pe war dan Polisi, dan Minister Lasante, i pa sel larzan ki ganny servi pou sa. Diferan antite i annan en serten proporsyon zot larzan e nou konman en *portfolio* nou travay ansanm.

Pa akoz i annan *policy planning*, i annan HCA, i annan i annan *Public Health Authority* ki sakenn i krwar antite diferan. Ler in ariv ler pou fer en louvraz par egzanp lo *policy planning* i tou dimoun. E larzan i ganny servi dan diferan group. E alor mon kapab asir ou wi nou annan e nou pe fer. Mersi.

### **MR SPEAKER**

Klarifikasyon Onorab?

### **HON WALLACE COSGROW**

Wi, mersi Mr Chair. Zis en pti klarifikasyon dan sa laliny en. Ou konnen dan Minister Lasante i annan bokou bann *processes* e an term larepons ki mon fek demann ou e larepons Minis.

Eski zot annan en dimoun ouswa detrwa dimoun i spesifik, ki evalye bann process e gete ozordi par egzanp si i enn en *specialized treatment or ou war spesyalis*.

I pran 3mwan - parfwa bann apwentman i 3mwan, 2mwan, 4mwan, eski zot evalye sa bann process e dir - *ok* i annan en problem la, annou koup sa, annou konmsi zis pou nou amelyor bann servis? Akoz i enportan akoz i de-koul lo servis ki piblik i anmase. So ennler mon krwar ou a krwar konmsi napa sa kordinasyon, pou evalye bann diferan process.

### **MR SPEAKER**

Minis a reponn *please*. Mersi.

### **MINISTER PEGGY VIDOT**

Mersi Onorab. Ankor mon pe dir ou poudir *monitoring* ek evalyasyon i ganny fer e i ganny fer dan diferan antite e konman en group, konman en *portfolio* i regarde. Me nou kapab parey in dir ou bann keksoz spesifik par egzanp *appointment - whether* ki grander son *waiting time* i ete, ki *waiting list* i ete.

Wi i ganny fer par *Health Care Agency*, me i ganny osi kominike par avek Minister kot *Policy* ek *Planning* pou regarde ki sa ki pou, kote kot i annan problem e ki sa ki

merit ganny fer. So i annan en prosesis an plas. Mersi.

### **MR SPEAKER**

Mersi. Bon mon aprezan pran bann Manm ki'n lev lanmen apre *first round*. E mon a ferm lalis la e dernyen entervenan ki'n lev lanmen resaman la Onorab Loze. So nou ava pran lezot Manm. Premye Onorab Hoareau.

### **HON JOHN HOAREAU**

Mersi Mr Chair. Mr Chair mon kestyon i baze lo *program 3 sub program 4 after care and community services*, i annan en vot 9milyon. So mon ti a kontan konnen ki sa 9milyon pou servi - ki fason sa 9milyon pou ganny *breakdown* pou sa servis, ki zot pe fer akoz mon pa war okenn, okenn keksoz ki donn mwan en lespri lo kwa ki mannyer sa larzan pou ganny servi?

Mon dezyenm kestyon, i baze lo *training and personnel development*. Mon konstate mon, mon vreman enportan i annan en zoli batiman en zoli liniform Minis in koz lo la. Me mon krwar ki keksoz pli prensipal se, *the recruitment drive*, pou nou kapab ganny ase ners pou antre dan sistenm, pou donn sa servis a en nivo ki lakantite ki pe sorti osi. So i kapab balans en pe.

So mon ti ava kontan konnen an vi i annan *high*

*attrition rate* dan Lekol Nursing, dan ki, ki fason zot pou kapab avek sa Bidze ki fason zot pou anmenn en *new recruitment drive*, pou fer sir ki lakantite etidyan ki antre dan School of Nursing, i bann etidyan ki zot bezwen e ki fini *the course* e ki antre dan sistenm? Mersi.

### **MR SPEAKER**

Mersi. Minis.

### **MINISTER PEGGY VIDOT**

Mersi Mr Chair. Mon ava demann PS pou reponn sa kestyon lo *aftercare* e apre Mr Ali i ava ed nou avek *recruitment drive* pou NIHSS.

### **MR SPEAKER**

*Thank you. PS?*

### **PS BERNARD VALENTIN**

Mersi Mr Chairman. Mersi Minister. Donk dan sa Bidze *aftercare*, byensir i annan bann larzan saler eksétera bann dimoun ki travay dan sa programm. E i osi annan bann *supplies* ki nou bezwen pou fer sa programm marse;- bann *outreach activities* eksétera, eksétera.

Me selman Mrs Louis i ava donn nou detay egzakteman sa ki nou fer dan *after care* ki merit sa larzan. Mersi bokou.

### **MR SPEAKER**

*Thank you. Recruitment* dan NIHSS. Sorry wi Mrs Louis, ou repran sa bann kestyon. Sorry, yes Madam?

### **DG MARIE-JOSETTE LOUIS**

Mersi Onorab pou ou kestyon. Dan programm 3, nou annan diferan programm;- diferan konponan e nou annan sa programm *methadone* li menm. E sa programm *methadone* li i annan diferan konponan ki al avek, ki anba la i annan *outreach program* nou annan ledikasyon ki nou fer ek nou bann kliyan. E *aftercare* i osi enkli programm kot zisteman kot nou seye met nou bann kliyan dan lanplwa e sa nou travay etrwatman avek lezot partners parey Lanplwa, Minister Ledikasyon.

E sa, sa Bidze i enkli tou sa programm ladan. Mersi.

### **MR SPEAKER**

*Thank you. Next point?*

### **ACTING DIRECTOR NIHSS**

#### **IBRAHIM ALI**

Mersi Mr Chair. Bonzour tou Manm Onorab. Kot i konsern *recruitment drive*, so an zeneral tou le-z-an i annan en kantite zefor ki ganny, ki ganny fer pou nou *market* nou bann programm avek bann lekol segonder sirtou.

Me selman osi avek bann dimoun an deor ki ava enterese pou zwenn Lasante.

E nou'n war poudir pou sa, i en keksoz ki mars ase byen. Me selman nou *main challenge* kot i konsern sa, i akoz natir nou bann programm, *the bulk of* nou bann programm i lasante e se Lasyans ek Matematik ki bezwen gid nou pou nou pran nou bann etidyan.

E sa i reste en konsern pou nou. Me selman nou, nou annan nou *access program* ki la, pou fer sir ki nou manrmay ki annan sa lentere dan, dan Lasante i kapab *join*. E nou *access program* i mars byen. Me selman nou ti ava swete ganny plis manrmay ki *meet* kriter bann programm, me selman i en travay ki, ki kontinyen. Mersi.

### **MR SPEAKER**

Mersi. Minis oule azout keksoz.

### **MINISTER PEGGY VIDOT**

Mr Speaker i osi en fe ki pou en kantite etidyan zot ti war - sirtou bann ki reste dan sid - zot ti war sa traze leve pou traverse pou ariv North East Point, enn bann defi ki zot fer e ki kekfwa dekouraz zot pran en metye dan lasante.

Nou panse poudir anmenn sa lekol pli santral, i ava osi ede. E menm etidyan in dir ki kekfwa amelyor kalite liniform ki zot mete, i kekfwa osi ede pou dimoun vini e tou

sa se en pe bann stratezi ki nou pe servi.

Me nou kapab dir poudir i pa toulstan fasil, pou ankouraz dimoun pran en travay dan lasante anvi ki i annan en kantite kekfwa lafreyer, lafreyer disan, lafreyer lanmor e i pa kontan travay *shift* - pa kontan travay aswar.

So i annan en kantite keksoz ki dekouraze, me parey Mr Ali in dir, nou pe fer nou mye pou nou regarde ki mannyer ansanm avek bann Konsey - parey Konsey Ners ek Fanm Sarz, ki mannyer avek lorganizasyon kan mannyer nou kapab atir dimoun plis, pou pran en karyer par egzanp dan *Nursing*. Mersi.

### **MR SPEAKER**

Mersi. Onorab Porice?

### **HON DOYACE PORICE**

Mersi Mr Chair. Mr Chair, Minis avek ou delegasyon, tou bann Manm Onorab, bonzour. Minis nou dir ou en gro mersi pou kapab get nou en pe plis lo Praslin. E la mon pe tann mon'n tann ou dir ki ou annan de *counsellor* ki ou pe anvoye.

Mon kestyon i viz ver sa, eski zot annan dan Bidze i annan *training* pou bann asistan *nurse*? Petet nou kapab ganny en pe plis ners ankor ki kalifye bann ners kalifye. Apre mon'n tann

nonm batiman;- i fer ankor sa lannen ankor mon demande. I annan en batiman Anse La Blague, mon pe zis demande si zot annan en plan dan Bidze pou sa batiman Anse La Blague? Mersi.

### **MR SPEAKER**

*Thank you. Panel. PS.*

### **PS BERNARD VALENTIN**

Bon sa batiman Anse La Blague, i en batiman ki nou ti ganny lasistans avek larme Ameriken pou fer bokou letan pase. E letan i ti konmans letan i ti fek fer, nou ti konmans servi li konman en *outreach activity* apre avek letan nou, nou'n nepli fer *outreach* laba e sa batiman malerezman i dan en leta ki pa, pa agreab.

Sa batiman i o bor en batiman ki *Local Government* i annan e letan nou ti zwenn avek *Local Government* semenn pase, nou ti pe dir kekfwa ti ava en bon lide ki *Local Government* i kit tou le de sa bann batiman.

Ok apard pou zot, zot osi okip sa lot, Akoz i pa dan plan Minister aktyel pou fer servis laba Anse La Blague. E osi lontan ki nou pa fer servis laba, nou konnen ki pou arive ek sa batiman. So kekfwa dan sa lespri i ti ava en meyer lide ki tou le de sa bann batiman i ganny okipe par *Local*

*Government.* Byensir i bezwen ganny re amenaze konsiderableman. Mersi bokou.

### **MR SPEAKER**

*Thank you. Lo training asistan nurse. Minis ki ou adrese.*

### **MINISTER PEGGY VIDOT**

Mersi Mr Chair. *Training* pou asistan ners wi nou annan sa *training*. E *training* i dan Bidze Bidze *Health Care Agency*, pou fer *training* kontinyel e an mezir ki zot pran bann *nursing assistant* zot ganny *on-the-job-training*. Me Lekol Ners i osi fer en programm ki pou dimoun ki napa okenn leksperyans, ki kapab ganny pran ladan. Me pou sa lannen zot pou le moman la zot napa sa *training*.

Nou pran li e zot fer *on the job* dan programm Bidze i dan *Health Care Agency*. Mersi.

### **MR SPEAKER**

*Thank you. Onorab William.*

### **HON WAVEN WILLIAM**

Mersi Mr Chairman. Bonzour Minis avek ou delegasyon. Mr Chairman mon kestyion i vize lo *strategic plan number 1* avek 2. Konsern develop nou "*health sector strategy and planning monitoring* e lot konsern *policy setting* pou *accountability and monitoring*.

Dan sa laliny mon anvi demann avek Minis, vi ki Souvenir La Misère, en pe letan nou'n pran desizyon, mon anvi konnen ki plan Minister i annan anba sa de pwen ki mon'n nonmen pou sa landrwa, akoz dimoun i ankor pe demande kan pou konmanse sa servis ki nou'n tonm dakor lo la?

E dezyenmman Minis, mon anvi konnen vizavi *maintenance* akoz i nou war poudir serten, serten batiman avek serten bann landrwa vizavi lapentir e serten landrwa pe tonm en pti *Training* pou bann asistan Ners wi nou pe an rin so ki zot plan lonterm vizavi *maintenance*? Mersi.

### **MR SPEAKER**

*Thank you. Minis? Panel?*

### **MINISTER PEGGY VIDOT**

Mersi Mr Chair. Mersi Onorab pou ou kestyon. Parey ou'n dir Onorab nou'n *come to* en desizyon ki nou ferm lezot servis ki nou annan dan Souvenir. E ki nou konmans ofer en servis pou spesifik group *mainly* pou zanfan avek bann manman.

E *Health Care Agency* pe travay lo la. I vre ki zot pa'n konmans toudswit parey nou ti'n dezire, me pou diferan rezon zot pa'n kapab sirtou lo kote mendev. Lo - me selman

i dan zot plan, pou zot kontinyen ofer sa servis parey nou'n agree.

Lo *maintenance of building*, mon pa tro sir si ou ti pe demann mon zis pou sa *building* Souvenir, ou si non pou sa *building* zeneral, wi. Plan pou *building* zeneral wi, i la. Nou annan parey ou'n dir en kantite defi, kantite *issues* lo kalite *building* ki nou annan. E nou pe war ki mannyer nou pou pli byen arive fer serten travay ki fodre fer.

Nou an diskisyon sirtou lo kote plis *building* anba *Health Care Agency*, pou nou war ki mannyer nou annan plis en Kontra. Kontrakter ki pou kapab ed nou avek diferan kalite *maintenance*. Nou annan enn de pou nou bann *health facilities*, me pou landrwa parey lopital ki pli gran, sa i pou napa e nou war ki i koz en kantite problem.

E nou an diskisyon ansanm avek Minister Finans, pou nou kapab organize pou nou ganny en kontrakter ki pou arive fer tou nou travay pou *maintenance*. Mersi.

### **MR SPEAKER**

*Thank you. Onorab Bastienne.*

### **HON DESHIELA BASTIENNE**

Mersi Mr Chair. Bonzour Mr Chair. Bonzour Minis ek ou

delegasyon. Bonzour tou koleg Onorab. Minis pandan sa dernyen 2an kot nou'n pas nou ti pas atraver pandemik Covid, bokou travayer Lasante in montre zot devosyon zot in travay dir e menm zot pa'n kapab pran zot konze.

Me pou zot sa pa'n le ka. Zot in plito met zot travay an premye e kot menm in annan parmi lasante in a risk. Me mon osi pe mazin travayer kot fizyo kot mon frekante English River, mon war i annan zis de ners ki zot, zot byen devoue dan zot travay.

Mon pe mazin, eski dan sa Bidze, Minister Lasante pe konsider rekonpans sa bann tel *staff*, dan en fason ankouraz zot plis valoriz zot travay, menm atraver konsider zot pey zot, zot 13enm mwan saler *in full*. Vi ki nou pe tann ...

### **MR SPEAKER**

Onorab 13enm mwan saler i en size ki'n ganny demande, ki'n ganny eksplike, i en Polisi Gouvernman. Mon fer kler i en Polisi Gouvernman i aplik pou tou Minister Gouvernman. I pa aplik zis pou Minister Lasante.

So nou ava evit sa kestyon. Onorab eski ou annan en lot kestyon?

### **HON DESHIELA BASTIENNE**

Non Mr Speaker, mersi.

**(APPLAUSE)**

### **MR SPEAKER**

Mersi. Onorab *ok* nou a pas - si ou pa *mind* - nou a pas *to the other question*. Onorab Romain.

### **HON GEORGES ROMAIN**

Mersi Mr Chair. Bonzour Minis ek ou delegasyon. Minis, mon pe regarde anba programm *drug program management*, mon war anba '*other uses of goods and services*' i annan 3.6milyon pou *security and enforcement*.

Mon war anba 2022 ti napa. Prezan mon ti a kontan si ou kapab donn nou en pti lesplikasyon *akoz* ti napa 2022? E si kekfwa en nouveau departman ki pe entrodwir sa *security and enforcement*?

Apre mon dezyenm kestyon Minis mon krwar nou'n deza ganny en koze Minis dan lepase pou klinik La Rivyer Anglez, anvi ki Anse Etoile nou konnen definitivman i bezwen kekfwa English River menm, si i annan en ka en dimoun i pase en dimoun i malad.

Eski zot pe mazinen dan sa Bidze, eski i annan provizyon ki fer pou aranz English River, ki i kapab ouver ziska pli tar dan lasemann pou

kapab deservi sa 7 distrik ki ou ti dir mwan.

Ki i kapab ranplas sa *Casualty* ki kapab tir presyon lo *Casualty*? Mersi Mr Chair.

### **MR SPEAKER**

Mersi Minis. Si sa i konsern Minister an zeneral, *please*.

### **MINISTER PEGGY VIDOT**

Mersi Mr Chair. Mersi Onorab pou ou kestyon. Mr Chair mon ava demann Dr Valentin pou li adres sa kestyon lo *security*. Me lo kestyon ki plan ki Minister i annan, pou amelyor servis zeneralman pou bann distrik ki bann dimoun ki reste dan distrik ki *health center* La Rivyer Anglez i deservi.

Wi nou pe fer. Nou pe anmas diferan lenformasyon, pou nou war eski i pou *cost effective* pou nou - parey ou'n dir - pou ouver klinik La Rivyer Anglez pou pli tar dan lannwit. Ou si non eski i annan lezot keksoz ki nou kapab fer, par egzanp diferan keksoz ki nou met an plas, pou nou kapab adres sa *issue*, kot apre ler apre ler travay kot *health facilities* in fermen, ki mannyer dimoun i kapab ganny konsey, dimoun i kapab ganny servis, dan en fason ki pli byen.

So i en pe travay ki nou pe fer an se moman. E ler nou a'n fini fer sa, nou ava kapab

pran en desizyon eski sa i en pli bon opsyon ki lezot nou pe regarde an se moman. Mersi.

### **MR SPEAKER**

*Thank you. PS ou annan en lot kestyon la?*

### **PS BERNARD VALENTIN**

Nou'n toulstan annan en Bidze sekirite pou divizyon DSAPTR. In toulstan annan en Bidze pou sekirite, akoz nou bezwen sekirite pou bann bis ki sirkile, ki fer sa servis *methadone*. Nou bezwen sekirite kot i annan bann landrwa fizik kot nou donn servis.

Par egzanp North East Point. Kot nou ti annan kot sa ki nou ti apel Mont Royale, konmela nou apel Lopital Lizour. Nou bezwen sekirite la, nou bezwen sekirite kot santral, nou bezwen sekirite lo Praslin. So in toulstan annan en Bidze pou sekirite sel diferans se ki lannen pase nou ti *underbudgeted* akoz sa larzan ki nou ti gannyen lannen pase pa ti ase pou kouver Kontra.

E la sa lannen nou'n aziste e nou pe ganny apepre 1.5milyon an plis ki lannen pase pou sekirite. Mersi pou nou kapab onor sa Kontra ki nou annan. Mersi bokou.

### **MR SPEAKER**

*Thank you. Onorab Pillay ou kestyon?*

**HON SEBASTIEN PILLAY**

Mersi, mersi Mr Chairman. Bonzour Minis. Bonzour delegasyon. Bonzour Mr Ali enn mon koleg travay - mon senpati. E bonzour tou koleg Onorab. Mr Speaker avan mon demann, mon kestyon mon krwar nou bezwen etabli en keksoz la en? Akoz i konmans vin en pti pe nou pa kler lo la, ok?

Mon'n tann en kestyon demande par Onorab Bastienne *regarding* 13enm mwan saler e in demann sa kestyon osi an relasyon avek lefe ki sa bann staff pa'n kapab pran zot konze.

E deswit ou'n koup li, ou'n dir Minister in eksplike. Me petet les nou sey eksplik ou, en pledwari ki nou osi lo sa kote latab nou santi nou pe anmennen;-

Travayer Minister Lasante pandan sa 2an ki zot in travay avek *Covid*, pa'n neseserman ganny *appraised* akoz ti napa en *performance appraisal*. E prezan zot in donn en kantite pandan sa letan zot. Prezan dan moman ki nou pe al pey 13enm mwan zot pe al *appraise* zot, zot pe al fer *performance appraisal* lo zot.

I posib ki pandan moman ki nou pe al fer *performance*

*appraisal* la pandan sa peryod, bokou sa bann *staff* - akoz zot fatige zot in donn tou dan letan *Covid*, ki Minis in aksepte, popilasyon in aksepte, zot in donn tou.

Zot war i annan serten defayans dan zot travay. So, sa ki sa pwen ...

**MR SPEAKER**

Mon aret ou ...

**HON SEBASTIEN PILLAY**

... eskiz mwan Mr Speaker, les mwan fini.

**MR SPEAKER**

Mon aret ou Onorab. Mon krwar ou kestyon i still ankor lo 13enm mwan, *appraisal* ki'n ganny kouver pou plizer fwa. Silvouple si ou annan en lot kestyon pas lo la.

**HON SEBASTIEN PILLAY**

Mon pe al lo mon lot kestyon.

**MR SPEAKER**

Mersi.

**HON SEBASTIEN PILLAY**

Mwan, mon krwar poudir sa bann travayer Minister Lasante ....

**MR SPEAKER**

Ou'n fer ou pwen, mersi.

**HON SEBASTIEN PILLAY**

I devret ganny zot *full 13enm mwan. La, la kot mon pe mete Mr Speaker, ok?*

**MR SPEAKER**

Mersi.

**HON SEBASTIEN PILLAY**

Prezan mon kestyon pou Minis, mon annan de pwen pou li gete. Ler mon pe get ou *bilateral multilateral ek Global corporation in health.* Ou premye kestyon i vin lo la *ok?* Ou annan ou diferan lorganizasyon avek pei e mon *remind* ou anba sa ki ou rapel ou *APR 2021*, i annan ladan kot ou met *political accountability.*

So, mon pe *stress* lo *political accountability* ki ou annan ek Lasanble Nasyonal, malgre ki Speaker li i pe sey blok serten kestyon, mon pou *stress* lo la.

**MR SPEAKER**

Onorab *stop! Stop!* Onorab mon pa pe blok okenn kestyon e ou lakizasyon i pa annord!

**HON SEBASTIEN PILLAY**

Mon a retire.

**MR SPEAKER**

Retire silvouple e demann kestyon ki ou annan.

**HON SEBASTIEN PILLAY**

Mr Speaker mon formelman retir mon lakizasyon.

**MR SPEAKER**

Mersi.

**HON SEBASTIEN PILLAY**

Parey ...

**MR SPEAKER**

Mersi, fotespere nou tann dernyen lo la.

**HON SEBASTIEN PILLAY**

Non, nou pou tann dernyen lo la akoz ...

**MR SPEAKER**

Mersi.

**HON SEBASTIEN PILLAY**

... akoz malgre ki semenn pase lot kote pa ti tir zot lakizasyon ki mwan ki ti dernyen dimoun pou koze. So mon vin avek Minis la *ok?* Sa bann dokter Kiben ou annan 67 dokter lo lonterm e nou'n tandé ki resaman i annan bann dokter Kiben ki pe kit pei.

*Now* malgre ki nou annan bann dokter Seselwa ki'n ganny *train* - e sa i en size Polisi pou Minister - ki'n ganny *train* par nou sistem kales kase - mon bezwen dir - sa kantite dokter Seselwa ki nou'n *train*, bann zenn dokter par nou sistem kales kase, ki kontinyen ganny dir.

Eski ki mannyer, ki mannyer nou pou espekte sa bann zenn dokter kapab *take over from* sa bann dokter

Kiben, akoz bokou ladan i bann spesyalis, zot dan bann domenn spesyalize.

E eski ou Minister an term policy *planning*, zot pe travay lo en lot opsyon lo bann sipor bilateral, pou nou fer sir nou annan lakantite dokter, ki kapab *meet* bezwen nou servis? Sa i mon premye kestyon.

Mon dezyenm kestyon ok Mr Speaker mon bezwen dir mon pe refer lo bann endikater ki dan sa rapor, ki Minister Lasante in pibliye - en rapor ase konpreansiv ki mon pe regarde la an menm tan.

Mon le vin lo sa *drug abuse and rehabilitation* en? E la mon war poudir nou ankor enn fwa pe met sa Bidze pou *APDAR* malgre *LDS* in toulstan kritik sa Bidze, la i fer de lannen konsekitif zot war li neseser. Zot *still* fer kritik mon pa konnen kot zot kritik i vini.

So mon kestyon prezan ki desizyon - nou pe depans plis ki R40milyon la en? Ki desizyon Gouvernman formelman la ki zot *stance* lo programm *methadone*, pou ki nou ava aret tann bann lot politisyen lo lot kote latab koz lo programm *methadone*.

Ki *stance* Gouvernman lo programm *methadone*? Eski nou pou kontinyen pe fer sa bann depans ki nou pe fer, an relasyon avek programm *methadone* ki enkli lezot

depans adisyonné, tel konman depans - mon war la nou'n *increase - security and enforcement* pou 3.6milyon anba programm -

### **MR SPEAKER**

Ok ou'n demann ou de kestyon Onorab.

### **HON SEBASTIEN PILLAY**

I annan R660mil anba *housing* anba *treatment and rehabilitation*. E nou annan 6.1milyon English River *MAT clinic* ki *Youth Center* ki Minis pou Lafanmir ti *mislead* Lasanble ler i ti dir poudir son Minister pe al repran.

### **MR SPEAKER**

Mersi.

### **HON SEBASTIEN PILLAY**

Mersi Mr Speaker mon ti a kontan klarifikasiyon lo sa bann pwen.

### **MR SPEAKER**

Mersi. Minis *panel* nou annan kestyon lo ranplasman bann dokter Kiben e lo *drug rehabilitation* si ou Bidze pou kontinyen. Mersi.

### **MINISTER PEGGY VIDOT**

Mersi Mr Chair. Mersi Onorab pou ou kestyon. Mr Chair Polisi Gouvernman lo lasante ler nou pe fer nou Polisi, nou kapab dir nou fer evalyasyon sa ki pe marse nou pe garde.

Sa ki nou krwar poudir i pa pe perform lafason ki i merit fer nou pe re aranze.

Me i pa en kestyon ki tou keksoz ki annan dan Lasante ki nou pe retire. Lo kestyon Kiben nou annan en *bilateral* nou annan en *MOU* avek *Cuban Government*, ki zot pou donn nou en serten norm *health professionals*. E dan sa *MOU at the moment*, i lo 48 me selman lakantite dokter Kiben ki nou annan, i plis ki sa.

En rezon akoz *Cuban Embassy* in deside poudir zot pe redwir - zot pa pe sorti tou - zot pe redwir zot kantite korperan ki zot annan dan pei, se akoz zot pa pe kapab retir zot larzan dan pei pou fer al *Cuba*.

Sa i pa en problem ki nouvo. I pa en problem ki date 2an. I en problem ki la en pe letan depi ki *Cuba* in ganny met anba sanksyon e sirtou plis par Ameriken. E sa i donn nou en problem *correspondence banking* ki i beyond kontrol Sesel, pou nou kapab fer zot larzan repatri zot larza,n ki zot annan dan pei.

Alor zot, zot in deside anvi ki sa i koumsa *rather* ki i akimil - akoz *Cuba* nou peye zot bann dimoun. E pou sa rezon ki zot annan en larzan isi omye kontinyen akimil kantite ki zot pa pe kapab kontinyen retire zot ava redwir zot norm.

Ki mannyer nou, nou pou fer avek - si ou dir mwan - bann zenn dokter ki pe vini. I pa neseserman zis zot ki pe ranplas bann *Cuban*. Akoz pa tou *Cubans* ki annan ki spesyalis. Me sa ki nou dir poudir lannen prosen, nou annan 12 spesyalis Seselwa ki pe antre. Si tou keksoz pe al byen avek zot *training*.

E i stratezi ki ler nou annan Sesel ki antre, ki nou pran Seselwa dan nou servis. E si nou annan en *expat*, alor nou les sa *expat* ale ki nou servi plis nou Seselwa. E nou santi poudir avek Seselwa nou napa - i annan serten defi ki ganny sorti. Enn nou bann gran defi se komunikasyon konpran kiltir ; kapab komunik ek pasyan ; ede pou *build* sistem lasante.

Akoz sa i pou nou, nou servis e Seselwa i angaze ladan pou *build* sa. Me nou kapab asire ki nou annan lezot diskisyon ki pe ganny fer, pou nou war kot nou pou napa Seselwa, ki mannyer nou kapab ganny spesyalis, ki si *Cuba* pa pe donn nou sa spesyalis nou pe kapab ganny ranforsi.

Nou annan diskisyon avek diferan Lanbasad. Nou annan diskisyon par egzanp la nou pe resaman nou pe avek *Zambia* akoz zot pe regarde ki mannyer zot kapab ede.

Semenn pase mon ti *Malta* nou'n ganny en diskisyon avek *Malta*, pou regarde ki mannyer zot pou ed nou. Mon'n zwenn avek Anbasader *Pakistan*, Anbasader *Sri Lanka* e tou sa i bann keksoz ki nou pe fer, pou nou kapab fer sir ki nou annan a tou moman kalite spesyalis ki nou bezwen dan pei. Mon krwar sa Mr Speaker.

### **MR SPEAKER**

Mersi Minis. Nou a pas lo lot pwen.

### **MINISTER PEGGY VIDOT**

Lo kestyon *substance abuse*, nou ava demann mon ava demann Dr Valentin konman *PS* pou ...

### **MR SPEAKER**

Dr Valentin wi nou'n reponn kestyon lo *drug rehabilitation* deza, me pwen spesifik Onorab Pillay, se si ou pou kontinyen avek sa Bidze bann depans lo la. Dokter?

### **PS BERNARD VALENTIN**

Mersi Mr Chairman. Bon pou koz lo en kote pirman medikal, en programm parey *methadone* pa pou kapab arete. Toulstan ki i annan sa problem eroin dan pei, ou pou bezwen annan en programm parey *methadone*, ki adres sa size adiksyon ek eroin.

Akoz ou annan en swa, either ou les dimoun kontinyen pran eroin avek tou son konsekans, oubyen ou annan en programm *methadone* ki en programm *harm reduction*.

I pa elimin tou risk ek menas asosye avek eroin, me i elimin en bonpe. Donk ou bezwen fer sa swa, nou bezwen fer sa swa nou konman en pei, eski nou annan en programm *methadone* ki ede redwir serten risk ek menas?

E nou konnen tou sa bann risk ek menas, akoz nou'n koz en kantite fwa lo la. Ouswa eski nou kontinyen les dimoun servi eroin avek tou son konsekans? Mon krwar swa i kler. *From a purely medical public health perspective* mwan, mon santi ki poudir sa programm *methadone* pa kapab arete, i bezwen kontinyen toulstan nou annan sa sityasyon eroin dan nou pei. Mersi bokou.

### **MR SPEAKER**

Mersi *PS*. Wi klarifikasiyon bref silvouple Onorab.

### **HON SEBASTIEN PILLAY**

Mersi Mr Chairman. Mersi Minis pou ou bann larepons lo programm bilateral e korperasyon. Nou swete pou war ki mannyer sa bann *vacancies* pou ganny ranpli vizavi bann dokter.

E mon remersi Dr Valentin pou fer sa stetment ki ou'n fer dan sa Lasanble. Akoz tro bokou politik in ganny fer par lot kote latab ler zot ti la dan Lasanble lo sa bann size.

*(Interruption)*

### **HON SEBASTIEN PILLAY**

So, prezan mon le met en keksoz devan dokter ki pa'n ganny reponn, *ok?* Premyerman i annan sa 3.6milyon anba *security and enforcement* dan Bidze. I annan sa 660mil pou *housing* dan sa Bidze e ou annan sa 6.12milyon pou *youth center*.

Mon ti a kontan konnen pou sa sekirite *what this entails?* Pou sa *housing what it entails* e si sa 1.2milyon pou *youth center* pou sa *MAT clinic what this entails?* E Mr Speaker mon retourne mon pledwari, donn tou ners donn tou travayer Minister Lasante zot 13enm mwan full. Mersi.

### **MR SPEAKER**

Ale ou dernyen. PS mon pa konnen si ou ki pou reponn. Mon santi - mon krwar sa bann kestyon i an relasyon avek programm reabilitasyon. Silvouple adres sa trwa pwen en pe vitman silvouple.

### **PS BERNARD VALENTIN**

Mersi Mr Chair. Donk sekirite nou plizoumwen reponn. E

nou annan en Kontra e sa Kontra i vo sa sonm e sa alokasyon se pou sa Kontra sekirite ki nou annan. E nou'n dir kote egzakteman ki nou bezwen sekirite dan *DSAPTR*.

Prezan i annan sa *sorry* i annan *MAT clinic*, *MAT clinic* kot nou donn servis *right now*. Donk letan nou ti pe fer Bidze nou ti annan plan pou *renovate* sa *MAT clinic*. Akoz sa *MAT clinic* i bezwen renovasyon me sa *MAT clinic* i vre ki i, i en en lot Minister ki'n sed nou sa plas pou nou servi la e nou pe servi la nou.

Me selman depi ler ki nou'n fer sa, sa Bidze keksoz in en pe evolye. In evolye dan lesans ki la aprezan, nou an diskisyon for avek en partner etranze, pou nou fer en sant o bor sa *MAT clinic* zis lot kote semen. E sa sant Minis in dir dan son ladres lo konmansman e sa sant pou fer travay ki sa *MAT clinic* pou fer.

Donk nou, nou, nou refleksyon se ki si sa i leka e si sa i arive sa lannen possibleman nou pa pou bezwen fer sa gro renovasyon lo aktyel *MAT clinic*. Me selman nou kapab servi sa larzan petet avek, avek lakor Minister Finans, pou nou fer sa travay Anse Boudin ki nou bezwen fer. Vwala plizoumwen Mr Speaker.

### **MR SPEAKER**

*Thank you. Panel, mon annan 3 Manm ki reste pou demann kestyon e nou pe *run out of time*. So annou regarde si nou kapab akselere silvouple. Onorab Aglae ou kestyon ?*

### **HON EGBERT AGLAE**

Mersi Mr Chair. Bonzour Minis ek ou *panel*. Minis premye kestyon kot i konsern *SP4 aftercare and community services*. Ou pe ganny R9milyon dan sa Bidze, mon ti a kontan petet konnen anvi ki in annan serten lanons osi ki pou annan serten re anmaniman dan Minister Lasante lannen prosen ;

Ki garanti ki nou gannyen ki sa servis pou ganny fer dan en fason ki, parey dimoun pe espekte pou ganny donnen, sirtou bann vizit ki i sipoze pe ganny fer, ki en pe letan pa'n ganny fer mon'n konpran *Covid*. So eski pou annan en servis ki pou ganny *monitor* kot i konsern *aftercare e community service?* Sa i enn.

Dezyenmman Minis, kot i konsern Polisi Minister Lasante, kot i konsern *refunds* bann pasyan ki'n al rod en *second opinion* e ki zot in war poudir i annan en problem e ki zot in tournen. Mon konpran poudir ti annan sa serten mansyon ki ti ganny fer either ou ganny *refund* en poursantaz.

Me i paret mwan ki i annan serten konsern ki pa pe ganny arive, eski Minister Lasante pe rewvar Polisi kot i konsern *refunds* bann pasyan ki'n al tretman lo zot menm, ki swa lokalman ouswa enternasyonalman pou zot kapab osi reganny en pe benefis? Mersi.

### **MR SPEAKER**

*Thank you. Panel de kestyon lo la lo *aftercare* avek *refund*.*

### **MINISTER PEGGY VIDOT**

Vitman Mr Chair. Mon a reponn dezyenm kestyon e premye kestyon PS ava reponn lo *aftercare*.

### **MR SPEAKER**

Byen.

### **MINISTER PEGGY VIDOT**

Lo size *specialised treatment* aletranze, sa i ganny nou pe aplik Lalwa ki annan, ki gouvern *overseas treatment* e ladan i dir ki mannyer sa *refund* i ganny fer. Kan mannyer, dan ki sirkonstans e pou le moman sa ki pe ganny aplike.

Nou pe rewvar parey nou pe rewvar diferan lezot *framework* legal ki i annan dan ki koz lo Lasante, nou pe rewvar sa lannen prosenn i pa neseserman ki nou pe sanze. Me nou pe regarde si i annan nesesite pou sanze. Mersi.

**MR SPEAKER**

Mersi. Lo lot kestyon PS ki pou adrese.

**PS BERNARD VALENTIN**

Mr Chair mon krwar nou ti koz en pe taler lo sa size *aftercare*, nou ti dir poudir sa larzan 9milyon ekek i servi pou pey bann staff e pou osi tou bann materyo ki servi dan sa programm.

Madanm Louis osi ti eksplik en pe egzakteman ki i fer dan sa programm *aftercare* donk mon pa konnen si nou le repete, me selman Madanm Louis ...

**MR SPEAKER**

Mersi. Nou ava bouz lo lot kestyon. Onorab Uranie. Ou kestyon in ganny reponn Onorab. Klarifikasyon? Bon mon a pran ou klarifikasyon, wi selman pa repet lo ou kestyon.

**HON EGBERT AGLAE**

Pou Minis sa. Minis, eski ler ou pe revwar en pti gin kot i konsern sa Polisi *of Refunds* la ki *at least* i annan en dele letan rezonnab, ki en dimoun ki pe atann. Akoz i annan i dir ou plis ki 6mwan i ankor pe espere, si zot kapab war en pe. Mersi.

**MR SPEAKER**

Tre byen mersi. Wi Minis?

**MINISTER PEGGY VIDOT**

Wi nou kapab asire poudir sa bann kalite keksoz nou pe revwar, nou pe regarde. I pa en, en -. I ava en Polisi ki mannyer ki vites ki zot adres sa bann *issues*. Mersi.

**MR SPEAKER**

*Thank you.* Onorab Uranie.

**HON ROCKY URANIE**

Mersi Mr Chair. Bonzour Minis avek ou delegasyon, tou koleg Onorab e byensir tou zabitant zil pros ki a lekout. Minis an relasyon avek Polisi, eski sa Bidze pe fer provizyon ki bann dimoun La Digue, ki i ganny en tiket pou desann Mahe avek bann pasyan ki pe al war spesyalis?

**MR SPEAKER**

Mersi.

**MR SPEAKER**

*Thank you for a brief question* Onorab. Minis.

**MINISTER PEGGY VIDOT**

Mersi Mr Chair. Onorab pou si nou fer provizyon pou pey pou en dimoun pou akonpanny dimoun ki pe sorti La Digue pou vin Mahe, i pa Polisi an se moman eksepte dan ka ki par egzanp sa dimoun pa pe kapab voyaz li tousel.

E ki nou, nou pa pe santi poudir i annan en nesesite pou nou kapab donn en *Health person* pou akonpanny. Me si konmela zis en fanmir pou desann dan le moman i pa Polisi Minister.

### **MR SPEAKER**

*Thank you.* Klarifikasyon kourt Onorab.

### **HON ROCKY URANIE**

Mersi. Minis, akoz an se moman i annan bann dimoun parey *carer* zot travay avek bann dimoun aze ki bezwen vin war spesyalis. E sa bann dimoun aze zot pa kapab deplase zot menm.

Me pou le moman sa bann *carer*, zot pa pe kapab *afford* dan zot pos pou akonpanny sa bann dimoun aze, zot ganny bokou difikilte, bezwen al pret larzan. Alors lekel ki deside kan ki pou zot, zot pou donn *carer* sa tiket pou vin avek? Lekel ki deside?

### **MR SPEAKER**

Mersi. Mon krwar Minis in dir ki sa pa dan Polisi. Minis i a not rekomandasyon Onorab. Onorab Loze ou kestyion ?

### **HON JOHAN LOZE**

Mersi Mr Speaker. Mr Speaker zis en pti klarifikasyon ;- swivan larepons ki PS in donnez lo kestyion *rehabilitation*. Apard

en sanzman non, in napa en gran sanzman dan Polisi e fason fer pou reabilitasyon? Si ti kapab donn nou en leklersisman lo sa.

E mon lot pwen ki mon le leve *Minister* Mr Speaker, sa i pa en kestyon, akoz mon ti annan mwan - *I'm keeping it short*. Minis konsider pey tou staff zot 13enm mwan saler an plen silvouple! Mersi.

**(APPLAUSE)**

### **MR SPEAKER**

Mersi - mersi. PS ou annan en kestyon lo sanzman reabilitasyon.

### **PS BERNARD VALENTIN**

Mersi Onorab pou ou kestyon. Mon toulstan dir ki *DSAPTR* i gide par sa ki nou apel plan direkter nasyonal pou kontrol drog. *National Drug Control Master Plan*. Sa plan letan ti fer la, tou bann partner dan pei ti zwenn ansanm, ti dir annou fer en *National Drug Control Master Plan*.

Ti annan Lasante ladan, ti annan *APDAR* ladan, ti annan Sosyal - ti annan tou bann partner dan pei. Donk sa plan i en plan nou tou e nou, nou pe enplimant sa plan ziska son lafen. E son lafen se 2023. E letan i arriv 2023 parey tou plan, nou fer nou evalyasyon e nou gete kote ki

keksoz in al byen e kote keksoz in al mal e nou fer en nouveau plan.

E parey Minis in dir lo konmansman, *right now* dan divizyon, i annan Oditer Zeneral ki pe fer en *performance audit*. Pa en *financial audit*, en *performance audit* sa programm *methadone*.

E nou santi poudir sa i pou donn nou lenformasyon, pou nou kapab servi letan nou fer nou nouveau plan direkter nasyonal pou kontrol drog. Mersi bokou.

### **MR SPEAKER**

Onorab mon pa pe donn ou klarifikasyon, akoz ou'n servi ou letan pou en keksoz ki mon'n dir nou pa pe fer. Mersi. Nou aprezan apel bann Manm pou vot lo Bidze pou Minister Lasante, ki pou en total R106milyon 30mil. Manm ki an faver lev lanmen silvouple?

Mersi Madam Clerk mon war tou dimoun in vote. Napa personn ki'n vot kont mersi. Bidze pou Minister Lasante pou total R106milyon 307mil, 31 Manm in vot pour, 0 kont e 0 abstansyon.

Minis mon annan plezir remarke ki ou Bidze in ganny aprouve avek inanimite. Mersi nou ava pran poz la e prosen antite ki nou pou pran se *Public Health Authority*. Sorry mon a zis swet bann

delegasyon ki pe ale bon retour. Mersi.

**(BREAK)**

<b><u>PUBLIC AUTHORITY</u></b>	<b><u>HEALTH</u></b>
--------------------------------	----------------------

### **MR SPEAKER**

Dabor byenveni bann nouveau zofisyen Dr Jude Gedeon *Public Health Commissioner*. Ms Jenny Chiffone *Senior Resources and Budget Management Officer*. Mr Jude Barra *financial controller* mon krwar i ti la depi bomaten.

E lo kote Minister Lasante nou ankor parey. Nou lo Bidze *Public Health Authority* lo paz 387 ziska 393, pou en total R79milyon 609mil. Minis nou a ekout ou lントродиксион lo sa Bidze.

### **MINISTER PEGGY VIDOT**

Mersi Mr Chairman. Mr Chairman Lotorite Lasante Piblik ti ganny etabli anba en Lalwa *Public Health Authority Act, 2013*. Manda Lotorite Lasante Piblik i plito lo prevansyon maladi e i en regilater.

I responsab pou asire ki bann servis lasante e servis ki relye avek Lasante dan sekter piblik ek prive i ganny delivre lo en standar neseser dapre bann diferan morso

Lezislasyon e gidans ki i annan.

Regilasyon pou antre tou bann servis lasante e i osi pou finaliz sa. Lotorite i osi responsab pou regle bann fasilite ki donn servis piblik, tel ki bann letablisman ki prepar manze parey, restoran, parey *take away*; fer tretman delo e lezot servis sanitasyon.

Atraver sirveyans maladi entegre, i anpesé, detekte e kordin kontrol lepidemi *or any outbreak* ki annan dan pei e set standar ki kan ki keksoz i vin en konsern pou pei e ki nou bezwen konmans fer sirveyans e anmenn lezot gidans ki neseser pou popilasyon. Sa i ganny fer etrwatman avek laboratwar lasante piblik ek lezot servis dan Lasante.

An rekonesan lyen ki i annan avek maladi ki i annan afekte imen ek zannimo, promosyon lapros *one health* i kle e anliny avek regilasyon enternasyonal lasante e sirveyans ki entegre bann maladi.

Bidze pou Lotorite pou 2023 i 79milyon aprosan anba de program. En program lo gouvernans *management* e ladministrasyon; dezyenm program lo *public health enforcement disease control*.

Anba sa i annan de *subprogram* ki an total i annan pou Bidze pou lannen 2023 i

R13milyon 183mil an plis ki 2022. Sa logmantasyon i pou kouver saler 9 novo *staff*, en resers lo kanser, en *survey* nasyonal lo maladi ki non-transmisiv.

Ek lekipman ek *reagents* ki pou teste *Covid-19* enkli *sequencing* e lezot maladi ki kapab re arrive dan pei. Program 1 gouvernans, *management* ek ladministrasyon i annan en R13milyon 110mil.

Program 2 ki pou fer avek *public health enforcement and disease control*, nou annan en R66milyon 499mil. Anba sa de program 48milyon 923 i pou saler, savedir en 61poursan;- 29milyon 685mil i pou materyo e servis ki reprezent en 37poursan sa Bidze.

E 1milyon pou renovasyon biro kot lamazorite lofis *Public Health* i sitye dan Twa Ble. Bezwen dir ankor Mr Speaker ki *Public Health Authority* sa Lotorite ki'n zer sa dernyen pandemik *Covid-19*, ki'n ede pou detekte, met an kontrol, met tou bann gidans an plas pou fer sir ki pei i kapab *manage* e zer sa pandemik.

An se moman i mon ti a kontan anonse ki kantite ka *Covid* ki pei pe gannyen par zour, i tre minim. Yer ti annan 11 novo ka - avan yer ti annan 13, ki montre poudir

nou pe sorti e *Covid* pe ganny kontrole pou le moman.

Nou bezwen osi konmsi asire ki poudir apard ki *Covid*, i annan en lezot *outbreaks or lepidemi* dan lemonn, ki *Public Health Authority* pe vey tre pre e fer nou mye pou anpese ki i sorti dan pei tel ki; *Ebola* ki ase pre avek nou an serten pei dan Lafrik Les. E pou sa nou toulstan fer sir ki nou pre, nou pare e nou pe sirveye pou antre.

An menm tan nou annan osi dan lemonn en pe plis ki zis rezyon problem *Monkey Pox* ki ankor - i en konsern e ki nou pe fer nou pe met tou keksoz an plas, pou fer sir ki nou pare, si an ka i annan okenn ka ki antre dan pei. Mersi Mr Speaker.

### **MR SPEAKER**

Mersi Minis. Bon nou a pran kestyon bann Manm mon annan 5 Manm ki ti'n lev lanmen. Premye mon a pran zot premye e apre bann ki mon'n note apre. E nou a konmans avek Onorab Gill.

### **HON CHURCHILL GILL**

Mersi Mr Chair. Bonzour Minis avek ou delegasyon. Bonzour tou Manm e tou dimoun ki pe ekout nou. Minis parey ou konnen labatwar laboratwar dan Lopital Baie Ste Anne i annan konsern (laboratwar pardon).

Prezan i annan en sonm R13milyon ki'n ganny mete dan Bidze pou 2023. Mon kestyon se eski ladan i annan keksoz pou laboratwar Praslin an term lekipman? E si i annan ki kalite?

Mon dezyenm kestyon, i anba '*other goods and services*' ou annan *local consultancy fees* 2.6milyon. Eski sa bann travay ki pou ganny fer, i osi ki pou tous Lopital Praslin, anba sa bann *consultancy* ki i sipoze fer? Mersi.

### **MR SPEAKER**

*Thank you Onorab. Panel?*

### **MINISTER PEGGY VIDOT**

Mersi Mr Chair. Mersi Onorab. Onorab mon krwar ki kestyon ki le de kestyon ki ou pe demande *Healthcare - Lazans Swen Lasante* ki *Public Health Authority*, akoz laboratwar pou Lopital Praslin i pou tonm ladan.

### **MR SPEAKER**

Mersi. Onorab nou a note ou kestyon e nou a sey mazinen pou repran li apre midi. *Next is Onorab Porice sorry Onorab Mondon ti avan.*

### **HON TERENCE MONDON**

Mersi Mr Chairman.

### **MR SPEAKER**

*Hold on, hold on en pti kou. Minis oule verifye pwen Onorab Gill si sa i anba Public Health Authority.*

### **MINISTER PEGGY VIDOT**

*Public Health Authority i pou laboratwar Public Health Laboratory, ki baze isi Mahe, mersi.*

### **MR SPEAKER**

Tre byen. So pou ou i lo - tre byen. Onorab Mondon, mon a pran ou kestyion.

### **HON TERENCE MONDON**

Mersi Mr Chair. Mon kestyion i tous enn bann defi ki zot in fer resorti ki zofisyel Lasante i ankor pe servi transpor piblik, pou zot kapab desarz zot responsabilite, menm si zot ti ganny lokasyon 1.8milyon pou aste transpor. Eski, zot ti fer provizyon pou sa lannen, pou zot kapab aste transpor ankor, konbyen transpor ki Lotorite i bezwen pou kapab desarz zot responsabilite? Mersi Mr Chairman.

### **MR SPEAKER**

*Thank you Onorab. Panel.*

### **MINISTER PEGGY VIDOT**

Mersi Mr Chair. Nou a demann Dr Gedeon Komisyoner pou reponn sa kestyion silvouple.

### **MR SPEAKER**

*Thank you. Doctor.*

<b>PUBLIC COMMISSIONER</b>	<b>HEALTH JUDE GEDEON</b>
--------------------------------	-----------------------------------

Mersi Mr Chairman. Mersi Minister. Mersi Onorab pou ou kestyion. Bonzour tou dimoun. I vre ki transpor i enn nou bann defi, akoz nou louvraz dan Lasante Piblik i fer en kantite lo teren.

E nou annan nou 11 transpor dan nou *fleet* e parmi ladan i annan 4 ki pa an bon leta. E sa lannen nou'n fer serten *savings* in permet nou kapab aste trwa nouveau transpor ki pe arive an Zanvye. So sa i pou ede pou tir en pe sa presyon transportasyon. Mersi.

### **MR SPEAKER**

Tre byen nou a pas lo lot. Onorab Vidot.

### **HON AUDREY VIDOT**

Mersi Mr Chair. Mon, mon le zis konmanse par dir panel ki ankor enn fwa nou pou aport nou soutyen pou *Public Health Authority*, akoz nou apresye travay, zefor ki bann travayer pe fer, pe donnen.

Me par kont pou mon distrik, mon le ranforsi lo de pwen ankor enn fwa akoz i annan en mankman. Par egzanp mon le konnen dan sa Bidze, kote ki zot pe ranforsi pou donn sipor bann travayer

zofisyé Lasante Piblik, ki baze pou zot fer bann travay kominoter?

Akoz parey Onorab Mondon in fer sorti, dan Bidze lannen sa lannen i annan pou transpor, sa lannen napa - klerman napa - in montre napa. Me nou le konnen kwa an plis ki zot pe donn sipor sa bann travayer, pou zot kapab pli vizilan dan kominote, pou zot kapab adres bann defi ?

Apre dezyenm i annan en mankman dan programm lo baz kominote, ok? Kwa ki zot pe ... ? Eski zot pe mazin desantraliz en pti pe? Petet zot programm i plizoumwen santral e nasyonal.

Petet pou ranforsi lo mankman lo kote ledikasyon, prevansyon pou piblik kapab vin en pti pe pli responsab lo nivo lizyenn, pou anpeste ki nou war nou dan en sityasyon depi, kot i annan sa mankman lizyenn lo nivo baz nou bann kominote. Mersi.

### **MR SPEAKER**

*Thank you.* Mersi Onorab. Nou annan de kestyón lo *community health*. Dr Gedeon yes.

**PUBLIC  
COMMISSIONER**

**GEDEON**

Mersi Mr Chairman. Mersi Onorab. I vre ki nou *focus* i lakominote. E nou pa zanmen

**HEALTH  
JUDE**

annan ase mendev pou nou kapab kouver tou bann bezwen dan kominote. Se pou sa rezon ki nou annan en stratezi kot nou prioritiz bann louvraz, ki swa pou fer avek bann *home visits*, bann lenspeksyon ki annan pou fer dan diferan bann biznes.

E se pou sa rezon osi ki i annan bann sanniter, ki baze dan tou rezyon Mahe, Praslin ek La Digue. Zot desantralize deza e zot kouver sa bann louvraz. Nou osi annan bann seksyon santral ki deplase lo en baz toulezour, pou al fer bann lenspeksyon, pou al siport bann travay dan distrik.

So sa sipor i deza la. Parey nou'n mansyonnen avan, nou pe ganny nouvo transpor ki pou ede pou soulaz sa - i pou fasilit deplasman nou bann travayer lo teren.

Bann zofisyé Lasante Piblik i annan en *Scheme* zot travay anba la. E parey nou konnen poudir in annan sa logmantasyon ki pou lannen prosenn, me selman pou zot *Scheme* i annan diferan grad. Zot travay anba en *Scheme of Service* ki deza an plas.

### **MR SPEAKER**

*Thank you Doctor.* Onorab Porice ou kestyón?

### **HON DOYACE PORICE**

Mersi Mr Chair. Minis, eski dan Bidze i annan zot in fer

provizyon pou amelyor servis bann spesyalis ki vin lo Praslin, Praslin avek Zil Pros? Vi ki zot vin an retar - i ankor *still* annan sa problem an retar pou zot vin bomaten.

### **MR SPEAKER**

Eskiz mwan.

### **HON DOYACE PORICE**

Si zot pe fer provizyon pou zot vin *overnight*.

### **MR SPEAKER**

Ale demann ou annan lot kestyon Onorab Porice.

### **HON DOYACE PORICE**

Mersi.

### **MR SPEAKER**

Mersi. Minis eski mon korek ki sa i pou *Public Health* pou *Health Care Agency*?

### **MINISTER PEGGY VIDOT**

Wi Mr Chair. Nou ava pran sa kestyon avek *Health Care Agency*. Mersi.

### **MR SPEAKER**

*Thank you* mon a not sa. *Next will be* Onorab Aglae.

### **HON EGBERT AGLAE**

Mersi Mr Chair. Bonzour Dr Gedeon ek lezot lo *panel*. Premye kestyon kot i konsern sa *public health laboratory* e enn dan zot travay ki zot le *achieve*, se pou travay avek

*private sector* kot i konsern osi devlopman pou bann laboratwar.

Mon ti a kontan konnen ladan, petet ki zistans ou'n arive, anvi ki dan pandemik nou'n war the *overwhelm of public laboratory* ki pou Minister Lasante in depas zot en pti gin. Pou kapab ganny en lot sipor adisyonnal, petet ki zistans nou ete lo la?

Dezyenmman kot i konsern travay ki mon rekonnnet, en kantite ki *Public Health* i fer kot i konsern bann *public health enforcement* avek *disease control*.

Mon war poudir en kantite vizit pre 7mil vizit ki zot in fer kot bann lakour, *ok*? So baze lo sa, souvandfwa dan distrik nou pe ganny - publik ki vini avek bann notis legal ki ki zot ganny met somonn, mon kapab dir somonn dan en sans.

So baze lo sa menm si nou pa pe war serten aksyon ganny fer, petet lo kote Minister *Public Health* li menm li kot i konsern bann rekour legal, pou fer ki i annan bann dimoun i *abide* avek sa bann rekomandasyon ki lasante ...

So ki zot pe fer an plis petet zefor pou kapab annan sa koerans e dimoun ki respekte Lalwa ki *Public Health* i met devan zot? Mersi.

### **MR SPEAKER**

*Thank you. Panel Dr Gedeon  
pou adrese.*

**PUBLIC  
COMMISSIONER  
GEDEON**

---

**HEALTH  
JUDE**

Mersi Mr Chairman. Mersi Onorab pou ou de kestyion. Wi Laboratwar Lasante Piblik i en laboratwar regilatwar. Apard ki servi fer bann tes serten tes tre spesifik. En enn son bann rol se pou *oversight* e *monitor* bann lezot laboratwar ki prive, ki swa atase avek en *private practice*, oubyen bann laboratwar endepandan.

E pandan Covid-19 nou'n war ki poudir sa louvraz i vin pli entansif e nou'n bezwen setup bann novo gidans, pou sa bann laboratwar prive travay anba la. And mon kontan poudir ki *Public Health Lab* i lesel ISO certified laboratwar in certified pou plizyer lannen.

E kontrent ki nou annan an se moman se lespas. E anba Bidze 2024, zot pou war ki poudir i annan provizyon pou konmans bann travay pli *in-depth* pou fer sa lannen pou refer *Public Health Lab.*

As regards to enforcement, nou travay dan kominote i plito edikasyonnel; nou travay avek piblik pou fer sir zot *comply* avek bann mezir sanniter, bann mezir *public health*.

Me parfwa bann dimoun ki refize, oubyen ki pa swiv sa bann konsiny nou bezwen *end up* evantyelman kot Lakour. Be mon pou le dir ki sa i minimonm. Mazorite dimoun i *comply* avek bann *advice*. Letan nou *issue* zot en notis zot *comply* e bann ki pa *comply* la prezan nou swa ferm sa fasilité, si en keksoz i sityasyon i grav par egzanp en *food outlet*. Oubyen *case* i arriv Ankour si i pa pe *comply*. Sa i minimonm. Mersi.

MR SPEAKER

Wi klarifikasiyon Onorab ?

# HON EGBERT AGLAE

Mersi Dokter pou ou larepons. Mon pou zis retourn lo laboratwar li menm li, pou *Public Health*. Petet kan eski zot pe mazinen ki sa laboratwar i kapab materyalize? E anvi osi ki ti annan rekomandasyon ki *WHO* ti met devan pou annan bann separasyon - en pe parey bann konsern ki ti ganny leve sirtou pandemik.

Kot tou keksoz ti pe ganny fer dan pou menm *clinical* ti pe ganny fer. So eski sa separasyon pe obzerve an atandan ki sa nouvo *Public Health Lab* i vin fonksyonnel? Mersi.

MR SPEAKER

Thank you. Yes Dokter.

**PUBLIC  
COMMISSIONER  
GEDEON**

---

**HEALTH  
JUDE**

Mersi Onorab. I vre i annan defi lespas laboratwar kouran ki egziste la. Ofet nou annan *the main Public Health Lab*, apre i annan en lot lokasyon ki annan sa *molecular lab* ki fer bann tes *PCR*, ensidswit.

Pou nouvo laboratwar i annan diferan opsyon ki'n ganny diskite. E opsyon ki paret pli favorab an se moman, i en *some kind of PPP partnership* ki nou'n diskite avek Minister Finans, pou gete si lokasyon i pou kot lo kot lopital li menm kot Mont Fleuri.

Oubyen si nou kapab servi lezot lokasyon par egzanz Grand Anse, kot i deza en laboratwar pou yes pou Lagrikiltir. So sa bann opsyon i ankor ouver, me selman sa ki nou'n ganny dir se ki, nou a fer bann travay pli boner me selman sa lannen e lannen 2024, nou a kapab posibleman konmans konstriksyon. Mersi.

# **MR SPEAKER**

Thank you Dokter. Onorab  
Larue?

## HON FLORY LARUE

Bonzour Mr Chair. Mersi Mr Chair. Bonzour Minis ek ou panel. Bonzour tou Manm.

Mr Speaker anba, mon ti a kontan demann Minis anba programm 2, anba zot *major achievements bullet point 3* premyerman, zot in dir nou ki zot in siport bann *setup of* bann laborater, laboratwar prive.

E anba programm 2 sub programm 1 latab, lo zot latab pou pwen 9, zot koz lo en lenvestisman pou gard en prezans e pou mentenir bann lekipman ki ganny servi dan bann laboratwar. Eski letan Minister ti set son *cycle* 37 *cycle* pou *test - PCR test*, eski sa standar ti nasyonal? E eski sa menm kantite *cycle* ti ganny servi dan bann laboratwar prive letan zot, zot ti *set zot cycle threshold?*

Apre lo zot bann pwen stratezik - lo bann pwen stratezik, enn bann keksoz ki zot in dir nou 2023-2025, zot in met priyорite lo abilite pou fer sirveyans dan diferan kalite domenn koman enn bann keksoz zot pou *focus* lo la.

Eski dan sa Bidze zot in met en larzan, pou fer disponib en servis kot manm piblik ki'n ganny bann reaksyon advers avek okenn vaksen, i kapab vin anmenn zot pwen devan?

Akoz nou pe war bann  
nouvo vaksen ki pe *become available* dan pei e eski nou  
konnen sa bann vaksen i *safe*  
pou nou popilasyon? Mersi.

**MR SPEAKER**

Mersi. *Doctor.*

<b>PUBLIC COMMISSIONER</b>	<b>HEALTH JUDE GEDEON</b>
--------------------------------	-----------------------------------

Mersi Mr Speaker. Mersi Onorab. *As regards to standar ki bann laboratwar prive i servi, nou ki set sa bann standar. E sa bann cycle threshold ki ou'n fer referans avek, i baze lo bann baz enternasyonal, ki nou'n servi bann gidans WHO e CDC pou PCR test - sa ou pe dir. Be i annan lezot tes ki kapab servi lezot teknik - yes. E bann kit osi ki enporte zot bezwen demann permision avek Minister Lasante.*

E nou, nou fer sir ki bann *suppliers* i bann *suppliers* ki *accredited* e zot swiv tou bann *good manufacturing practice* avan ki zot kapab ganny permision pou aport sa bann *kits*.

E nou osi fer verifikasiyon dan bann tes. I annan *cross verification* ki ganny fer detanzaot avek sa bann laboratwar. *As regards to bann vaksen Onorab, wi bann vaksen ki'n ganny servi, in ganny otorize par bann lorganizasyon ki fer sa bann resers e verifye lo zot safety.*

I annan en - *as part of vaccination program - i adverse effect following immunization, i*

enn bann keksoz ki ganny verifye par bann dimoun ki donn vaksen. E si sa bann keksoz i arive, sa kliyan, sa dimoun i kapab rapporte. Si i ariv deswit i rapport deswit, si i vin apre i kapab rapport avek son *health center*. I annan en prosedir ki sa i ganny fer.

E so far nou pa'n ganny okenn *major adverse effect following immunizations from Covid-19 vaccine*. Sa prosedir an plas pou tou vaksen par kont;- tou bann vaksen ki nou'n donnen pou zanfan, ouswa adilt, sa prosedir i deza egziste depi lontan. Mersi.

**MR SPEAKER**

Wi ou *follow-up, klarifikasiyon* Onorab?

**HON FLORY LARUE**

Mersi Mr Chair. Mr Chair eski i pe dir nou ki *PCR test ti set at 37 cycles* e sa kot nou ti reste avek? Lo kote *reporting* i pa kler. So napa en programm *reporting*, i zis en formalite ki si en dimoun i annan en reaksiyon advers avek en vaksen, ki li i kapab *report*; - i pa kapab - ki i vin servi sa formalite en konplent, *rather than* en programm ki annan *data*.

Akoz eski zot pe dir nou ki napa *data*, ouswa i annan *data* ki pa *public poudir* kantite reaksiyon ki dimoun in fer konplent lo la? Mersi.

E apre si nou annan tou zengredyen ki annan dan sa bann vaksen, si i kapab pibliye akoz pou le moman tou sa bann *flyers* i vid dan sa bann bwat. Mersi.

### **MR SPEAKER**

Mersi. Dokter ou kapab klarifye.

### **PUBLIC COMMISSIONER**      **HEALTH JUDE GEDEON**

Wi mersi Mr Speaker. Mersi Onorab. Nou annan en programm vaksen ki deza an plas me vaksinasyon pou *Covid-19* i tonm anba sa programm. E tou dimoun ki annan en lefe advers ki sa kont ki bezwen vin devan pou rapporte, i annan sa posibilité.

I pa en programm spesifik zis pou *adverse reaction* me i programm vaksen ki *encapsulate adverse reaction* osi tou. Ou'n fer referans avek *city value*, ankor sa bann *city value* ki ganny servi i *kit specific*. Me selman nou ti pe servi *37 cycle threshold*, me selman i annan *kit* par ler ki serten varyasyon ou pou bezwen aziste dapre *control* ki ou *run*.

Mon krwar mon'n reponn tou le de kestyón. Apre sa konteni sa bann vaksen nou konnen poudir tou sa ki dan vaksen i ganny detaye lo - ou kapab war li -i *available*

*online*, i *available* si oule tou sa bann detay.

I annan son bann *preservative* son bann *active ingredients* - i annan - Tou son bann detay i la.

### **MR SPEAKER**

*Thank you.* Next Onorab Gabriel ou ti'n fer mon siny ki ou ti'n retir ou kestyón? Tre byen. Dan sa ka mon a pas kot Onorab Cosgrow.

### **HON WALLACE COSGROW**

Bonzour Mr Chair. Bonzour Dokter ek ou tim. Dokter mon vin lo programm 2 - *disease control*, anefe mon ti a pli kontan war li apel *disease surveillance and control*. Akoz i enportan ki nou annan sa *surveillance* pou anpes serten *disease* antre dan nou pei.

Lo sa, nou konnen poudir *Covid-19* in en tes, en tes vreman masiv lo *Public Health*. E dan mazorite ka zot in sorti, zot in sorti byen - tre byen, me in touzour annan bann defayans bann landrwa ki nou kapab amelyore.

So eski dan sa Bidze pou *disease control* la, nou annan larzan ki'n ganny mete pou nou kapab rewwar en pe nou bann *processes*, bann kot petet kot nou ti en pti pe pli feb, pou nou kapab si i arive - nou pa demande - me si i arive demen en lot pandemik, ki nou ava pli byen prepare. E ki

nou ava kapab fer nou bann prosedir, nou bann keksoz ki nou fer en pti pe pli byen?

Dezyenm i konsern servis ki zot donne a sekter prive en - la mon pe koz prensipalman avek par egzantp avek bann caterers, outdoor caterers, bann dimoun ki fer servis restorasyon, vann manze, vann bwar e tou sa.

Ou konnen i annan en kantite konplent deor ki zot bann mezir ki zot mete, i vreman - ouswa bann standar ki zot swiv i vreman, vreman strik. E parfwa i dekouraz dimoun pou kapab antre dan sa bann biznes. Malgre ki i annan en bonpe ki persiste i arive avek tou sa bann mezir.

Me eski ki standar ki zot pe servi? Eski i en standar lokal adapte avek bann standar enternasyonal? Ouswa par egzantp nou annan en *British standard* ouswa en *European standard* ki nou pe servi, ouswa en *ISO standard*. Pou ki dimoun i kapab konpran byen ler zot pe fer en pti laplikasyon, pou zot kapab *deal* avek pou zot kapab *deal* avek - *setup* en pti biznes manze, *drinks*, restorasyon e tou sa. So ki standar nou pe servi?

Mr Speaker, apre i annan en lot pti zafer - i pa en gro zafer en, an se ki konsern *vector control*, mon pa pe war nanryen dan Bidze an se ki

konsern *vector control*. Mon pe koz leta avek moustik sirtou, akoz mon pa pe war nanryen ki adres sa sityasyon? Mersi.

### **MR SPEAKER**

*Thank you. Doctor, byen.*

<b>PUBLIC COMMISSIONER</b>	<b>HEALTH JUDE GEDEON</b>
--------------------------------	-----------------------------------

Mersi Mr Speaker. Mersi Onorab. Trwa kestyon. Kontrol maladi i *imply surveillance as well - surveillance* i entegre ladan. Nou toulstan pandan bann letan in *between outbreak*, nou toulstan an preparasyon.

Par egzantp la si ou swiv nouvel ou a war poudir relans *training* dan *integrated, surveillance and response*. I annan bann staff i annan pe *retrain*. I annan novo staff i ganny *train* dan sirveyans e *response* avek bann maladi e sa *training* pou kontinyen.

*So in between outbreak*, nou an preparasyon avek sa toulstan. E nou annan serten lobligasyon avek WHO, pou nou *meet* serten kriter an term rapor ki pe arive dan pei ;- bann maladi ki egziste ensidswit, *preparedness*, ya. *Preparedness* i toulstan *ongoing*.

*AS regards to standar ki nou servi pou letablisman manze, mon kontan ou rekonnnet poudir i annan en*

serten *firmness, strictness* avek nou bann mezir.

Me selman nou *setup* bann *minimum criteria - minimum standard* pou bann operator ki prepar manze, servi. Nou pa alaoter ki *HACCP* ti a egzize i pli *strict* ankor. Me selman nou annan bann *minimum standard* ki pou anpes kontaminasyon manze e transmisyon maladi par manze ki'n kontaminen.

So sa bann gidans i ganny gide par en *Food Control Committee* anba *Food Control Act* so sa bann standar in fini ganny etabli. Onorab nou annan en Bidze R1milyon pou *Entomology supply* ki pou enkli bann pwazon pou lera, e pou bann pestisid osi tou. Mersi.

### **MR SPEAKER**

*Thank you Doctor.* Onorab Lemiel.

### **HON SYLVIANNE LEMIEL**

Mersi Mr Chair, Bonzour Dr Gedeon. Mon kestyion i al anba programm 2 *Public Health Protection, subprogramme 1, Public Health Enforcement* anba zot *materials and supplies*.

Mon vwar sa logmantasyon i ti R4.9milyon an 2023 e la pe mont R15milyon, so ...

*Lab supplies* mon vwar in desann sorti R3.3milyon pou

vin R13.3, in monte sa lannen ki pe vini.

*Entomology Doctor*, ou'n eksplike akoz mon ti pe vin demann lo sa kote, ti napa naryen lannen pase. Me mon vwar R1milyon la. E par kont *medical supplies* anba la mon vwar i sorti pou vin R1.3milyon, pou desann R575mil.

Petet mon ti a kontan konnen akoz sa bann serten rediksyon dan serten landrwa, e sa gran ogmantasyon dan lezot landrwa? Mersi.

### **MR SPEAKER**

*Thank you Onorab. Doctor yes?*

<b><u>PUBLIC COMMISSIONER</u></b>	<b><u>HEALTH JUDE GEDEON</u></b>
---------------------------------------	--

Mersi Mr Chairman. Mersi Onorab. Logmantasyon pou *supplies* nou'n ganny *allocated* apepre R10milyon an plis, pou *lab supplies*. Akoz oparavan nou ti annan *Covid Fund* ki nou ti pe *rely* lo la pou aste bann *reagents* ek bann *laboratory supplies* pou *Genomic Surveillance* ek bann lezot *test* pou *Covid*.

E prezan nou pou annan en alokasyon separe, ki pou permet nou kapab aprovizyon *lab supplies* pli byen. Se pou sa i annan sa *jump from 4.9 to R15milyon*.

*Medical supplies i annan en kantite bann latizann ki ganny preskri, kot Public Health Authorities selman i ganny enporte par Health Care Agency. So i annan sa overlap. Par egzanp kot CDCU, avek kot Operational Health kot preskripsiyon i plito arive, i annan sa. Tou preskripsiyon i ganny servis kot Health Care Agency.*

### **MR SPEAKER**

*Thank you. Onorab Pillay.*

### **HON SEBASTIEN PILLAY**

Mersi Mr Chairman, Bonzour Dr Gedeon, Minis ki ti la bomaten, Bonzour lot delegasyon ki la sorti kot Public Health Authority. E bonzour tou dimoun ki a lekout. E bonzour tou staff Public Health Authority, ki nou drwa zot en gran remersiman pandan sa bann lannen difisil, ki nou'n pas ladan avek bann sityasyon avek Covid-19. E lezot sityasyon ki nou'n fer fas avek.

Mr Chairman premye kestyon ki mon ti a kontan demann Public Health Authority, ler mon regard zot Bidze, esansyelman zot Bidze pa'n sanz bokou apard ki sa 2 nouvo alokasyon;

Sa R1milyon pou Entomology e preski en logmantasyon, around R10milyon, si ou pe

regarde anba laboratory supplies. Sa i fer ki zot Bidze i al anler. So napa gran sanzman.

So premye kestyon ki mon ti a kontan demande, se an relasyon ek bann lezot travay ki Public Health Authority i annan pou fer, anba Food Act, anba Pharmacy Act, an relasyon avek Pesticide Board. Oli konponan bidzeter pou ranforsi kapasite Public Health Authority, an relasyon ek sa bann Lalwa ki zot annan, pou zot regard dan son lenplimantasyon?

Prezan an relasyon ek lenplimantasyon Mr Chairman, mon ti a kontan extend sa kestyon pou demande, lo size Border Control. Lefe ki'n annan novo fason fer ki nou'n war, ki nou bezwen travay lo la.

Mon pa vwar vreman kote ki nou pe met okenn larzan, an relasyon ek Border Control pou - si oule - beef up oubyen improve kapasite nou bann dimoun, an relasyon ek Border Control.

Apard ki en training ki mon'n vwar dan sa APR, ki bann zofisyel Public Health ti al swiv an relasyon ek Covid-19, mon pa pe war lo en pwennvi bilateral okenn lezot training, oubyen okenn lezot soz.

Eski zot kapab dir nou, si i annan larzan, spesifikman pou nou kapab train bann

*staff Public Health, pou increase zot domenn konpetans, sorti dan sa bann ki nou abitye avek, pou al bann en pti pe pli avanse?*

Akoz lefe ki nou'n war pou dir nou menm nou Sesel, prenon kont avek sistem Lasante ki'n la pandan sa 43an, nou'n *improve* lo en kantite keksoz. Mersi Mr Chairman.

### **MR SPEAKER**

Mersi, *Doctor* or *Minis* pou komanse?

### **MINISTER PEGGY VIDOT**

Mersi Mr Chairman, mon ti a zis reponn en bout sa kestyon, epi mon a demann Dr Gedeon pou reponn pou lezot bout.

Onorab mon ti a kontan adres sa *issue* kan mannyer nou pou e *improve* kapasite bann dimoun dan *Public Health*. An vi ki ou pe dir nou, ou pa'n vwar en Bidze dan Bidze *Public Health Authority*.

Nou kapab dir poudir, nou annan en kantite *training* anba *WHO*, ki bann *Public Health Authority*, i osi partisip ladan. E osi nou annan en kantite *training* ki ganny fer, par *Africa CDC* avek *AU* ansanm.

Ki fer ki pe adres bann *issues* sirtou laspe sirveyans. E osi anba *Indian Ocean Commission*, kot nou annan ankor programm, ki pe ed nou

lo sirveyans. Lo *response* to epidemik ek pandemik. So *training* dan sa laliny i pe ganny catered for.

E menm anba Bidze ki Minister i annan pou *training*, i annan serten poursantaz ki al pou *training of kategori dimoun* ki travay dan *Public Health Authority*.

So i annan. I pa pe sorti koman en *budget line* dan sa Bidze, me atraver bann diferan programm ki nou annan, nou pe adres sa *issue*. Mersi. Dr Gedeon i adres lezot bout.

### **MR SPEAKER**

Wi Dr Gedeon.

### **PUBLIC COMMISSIONER JUDE GEDEON**

Mersi Mr Chairman. Mersi Onorab. Zis pou adisyonnen, an se moman out of sa 71 *Public Health Officers*, i annan 25 ki lo *training* e ladan 19 i *online*, i *part-time* - zot pe travay an menm tan. Selman zot pe fer zot *training*.

Apre i annan 6 ki *fulltime*. Be sa i at a *BSc* oubyen *masters level*. So there is en lenvestisman remarkab, pou kapasite *building* dan *Public Health* an se moman.

E tou sa bann *training* pe ganny funded par Gouvernman, *ANHRD*. I annan ki *online* atraver

Liniversite Sesel, e an kolaborasyon avek liniversite deor.

I annan - parey Minister in mansyonnen avek *COI* nou annan 20 *field epidemiologist* ki'n *line up*, pou - . Nou pa konnen si nou pou ganny sa kantite kandida, ki pou kapab swiv sa *field epidemiology training*. Me selman i annan sa bann facilite ki *available*, pou nou kapab komanse apartir lannen prosen, anba programm *COI*. E tousala mon krwar pou ede.

Dan *Border Control* nou annan kontrol lo *Port, Sea Port* ek *Airport*. I annan en prezans permanan. Ant tou bann bato ki antre, i bezwen ganny enspekte avan ki ganny permisyon pou koste.

E sa i ganny fer lizour, aswar nou annan en *rotation*. E menm zafer pou avyon ki antre, i ganny tyeke avan. Tou avyon prive ou komersyal, avan ki i kapab ouver laport pou pasaze debarke. Mersi.

### **MR SPEAKER**

Yes Onorab Pillay?

### **HON SEBASTIEN PILLAY**

Mersi Mr Chairman. Savedir mannyer mon pe konpran, zot pe dir mwan in terms of *training*, pou bann *Public Health Officers* e pou *Public Health* li menm, i en pti pe enkorpore en pe partou, dan

Minister Lasante, anba *ANHRD* eksetera? Ok.

Me petet alors *then eksplik* mwan, ler mon regard par egzanz anba *local consultancy*, kot nou pe rod en ekspertiz an deor, mon vwar nou pe met R2.6milyon, pou sa *local consultancy*.

Konmsi mwan mon pe sey konpran konmsi, nou pare pou donn larzan en antite an deor pou vin dan *Public Health* pou fer en travay, me mon pa pe war ou koman *Public Health* ganny sa larzan, pou ou dir be ok, mon annan 3 staff ki mon oule anvoy *training*.

Par egzanz sa kestyon sa kestyon ki Onorab Larue ti pe demande, mon anvi anvoy serten dimoun pou *train* dan sa domenn, pou kapab donn plis lenformasyon, *provide* plis lenformasyon piblik.

Konmsi mon ti a kontan ganny en -sitye mwan lo *what is the advantage of sa local consultancy?* Dan ki konteks i pe vini? And then petet Mr Chairman an terminan, mon ti a dir mwan mon ti a kontan war, nou *Public Health Authority* vin en *Public Health Authority* de referans dan Lafrik.

E nou kapab vini, malgre bann lezot defayans ki nou kapab annan, me nou kapab vini en lotorite referans dan Lafrik. So petet sey eksplik nou ki zot pe fer, pou sa

standar ki zot annan, pou elev li, pou zot zisteman vin sa pwen *focal*, dan larezyon par egzanp, an relasyon avek bann size ki konsern lasante piblik. Mersi Mr Chairman.

### **MR SPEAKER**

Mersi, *Doctor*.

### **PUBLIC HEALTH COMMISSIONER JUDE GEDEON**

Mersi Mr Chairman. Mersi Onorab. Sa *local consultancy* ki ou pe fer referans avek Onorab, i pou kouver bann resers kle, ki nou pe plan pou fer lannen prosen.

Enn i en resers lo kanser, pou tyek bann *genetic predisposition*, ki i annan dan popilasyon. Bann fanmir ki zot annan bann *genes* ki pre dispoz zot avek devlop kanser. E sa i annan R1.195milyon. Apre i annan R1.5milyon osi pou en letid lo *non-communicable disease*.

Dernyen fwa sa letid ti ganny fer ti preski 10an pase. E nou repet sa letid tou le anviron 9 a 10an. Pou nou gete ki bann *risk factors* dan popilasyon, parmi adilt. E sa lannen - lannen *prosenn (sorry)* nou deza fer nou *random sampling* atraver *National Statistical Bureau*.

Nou pou annan en *sample* ant 1400 a 1800 dimoun, adilt aze depi 18an

ziska - dernyen fwa nou ti servi 65an - prezan i pou 74an, akoz *life expectancy* in sanze. So nou espere ki nou pou ganny bann... I en letid ki pou dir pou plizyer semenn. I pou petet rezulta pou pare petet lafen lannen 2023, oubyen menm 2024. Akoz i pou *include* menm *sampling* disan ensidswit, e apard bann egzaminasyon.

*So voila* sa sonm ki ou pe vvar, i pou sa 2 gran resers.

### **MR SPEAKER**

Onorab ou'n fer kestyon, klarifikasyon. Me selman akoz nou letan i ase soz - mon a permet ou si oule lo ankor en lot pwen.

### **HON SEBASTIEN PILLAY**

Mersi. Be enn bann keksoz ki mon ti eksepte tandé, se *whether or not* zot pe met an plas en striktir oubyen en sistenm, pou komans fer serten letid vizavi lenpak sa vaksen *Covid*, lo petet nou popilasyon lo nou zenetik Seselwa konmsi. Akoz sak pei i annan en diferan reaksyon avek.

So eski i en keksoz ki zot pe mazin fer, dizon nou komans la? Akoz tou dimoun in ganny sa vaksen. *And then* nou kontinyen avek. Ki annan en swivi.

Petet mon ti pe ekspekte, mon kontan sa bout lo kanser,

akoz i vreman enportan pre dispozisyon zenetik. Me eski i annan sa bout osi, zot pe konsidere vizavi vaksen *Covid?* Mersi Mr Chairman.

### **MR SPEAKER**

*Thank you.*

<b>PUBLIC COMMISSIONER</b>	<b>HEALTH JUDE GEDEON</b>
--------------------------------	-----------------------------------

Mersi Mr Chairman. Mersi Onorab. I deza annan serten *survey* ki pe ganny fer. Sirtou parmi bann zenn, pou gete zot *immune response*, apre ki zot in ganny vaksen oubyen apre ki in ganny enfekte.

So i annan en premye faz ki ti ganny fer. 2enm faz pe ganny fer an se moman. E pli tar petet nou ava *extend* li pou enkli lezot kous popilasyon osi. E ki nou ti vvar, se ki parmi bann zanfan, marmay 12 a 17 ki ti ganny vaksen *Covid*, apre zot 2enm doz, zot imilite ti sitan o.

Menm apre 6 mwan ki zot in pran zot vaksen, zot pa ti bezwen en 3enm doz. Se pou sa rezon ki an se moman nou pa pe donn 3enm doz marmay sa laz, *unless* i annan en kondisyon medikal ki fer li pli a risk.

So sa resers in komanse, nou pou *expand* li dan le fitir, pou enkli lezot kous popilasyon si neseser.

### **MR SPEAKER**

*Thank you.* Mon krwar mon'n ganny tou Manm la. Alor nou pare pou vot lo sa Bidze. *Public Health Authority* pou en total R79milyon 609mil, Manm ki an faver lev lanmenm silvouple?

Yes, Madanm *Deputy* mon'n war tou Manm in vote. Bidze *Public Health Authority* 31 manm in vot pour, 0 kont e 0 abstansyon. Minis ankor enn fwa ou Bidze in aprouve.

Bon, me nou'n arriv la pou bomaten. Nou annan *Public Health Care Agency* pou apremidi, 2er. So nou a rezwenn 2er. Mon a remersye bann manm lo sa *panel* la.

E mon a swet zot bonn kontinyasyon. E mon a dir zot mersi bokou. E nou donn zot tou lankourazman, pou zot travay. Nou a pran *break*, 2er.

**(BREAK)**

<b>HEALTH</b>	<b>CARE</b>
<b>AGENCY</b>	

### **MR SPEAKER**

Bonn apre midi tou dimoun, nou a repran. Eskiz sa pti retar akoz serten manm, ti'n ganny pri dan Komite. Madanm reporter nou ava apel delegasyon, pou nou kontinyen.

Bon *welcome back* Minis Peggy Vidot. E nou swet la

byenveni osi Dr Danny Louange *CEO Health Care Agency*. Mrs Kathleen Cecile *Deputy CEO*. Ms Yvana Theresine *Direkter Zeneral pou Human Resources ek Administration*. E Mr Michel Brutus *financial controller*.

Zot avek nou pou pran Bidze lo *Health Care Agency*, ki lo paz 376 ziska 386 pou en total R1bilyon 193milyon 496mil. Minis nou a komans avek ou lentrodiksyon.

### **MINISTER PEGGY VIDOT**

Mersi Mr Chairman. Bonn apre midi Mr Chairman, *Leader Lopozisyon, Onorab, bann manm Lasanble Nasyonal*, tou dimoun ki a lekout.

Mr Chairman Lazans Swen Lasante, se sa lenstitisyon anba Minister Lasante avek responsabilite pou anmenn swen lasante a la porte tou Seselwa.

An premye *lieu* swen lasante organize, dan kominote kot dimoun i viv e travay an fanmir e an kominote. Servis Swen Lasante, primer dan sant lasante i reponn la mazorite bezwen lasante nou pep. Pa zis tretman maladi, me tou bann aksyon ki ed dimoun viv en lavi, an pli bonn sante posib.

Dan ka kot i neseser byensir, pasyan i ganny admit lopital pou tretman, ki son

kondisyon i demande. I enportan pou konpran ki servis dan kominote e servis dan lopital, i mars lo en fason entegre e kordinen.

I fo pou krwar ki enn i siperyer, konpare avek lot. E ki spesyalis i travay zis dan lopital. Annefe, en dokter dan kominote i kapab en spesyalis dan swen lafanmir.

En ners ki pe travay dan *family planning*, i en spesyalis dan sa domenn. En zofisye lasante lanvironnman i en spesyalis, dan son domenn pou li.

Pou lannen 2023, Minister Finans in propoz en Bidze valer R1bilyon 193milyon pou Lazans Swen Lasante, sorti dan fon piblik. Pli gro sonm se R184milyon 678mil pou servi dan sers baze dan lopital, kot kou pou donn swen pasyan i bokou pli eleve.

R218milyon 102mil pou servi kominote e medikal, e prevansyon. R130milyon 524mil pou servi pou *Health Support Services*, e R59milyon 192mil pou gouvernans ek ladministrasyon.

Sa alokasyon resours finansyel, pou permet Lazans swen lasante, met anmars plizyer stratezi ki enkli, kontinyen delivre servis lasante anver nou popilasyon dan kominote e dan lopital, avek lanfaz lo kalite swen e

servis ki reponn a bezwen nou sitwayen.

Ranforsi lanfaz lo prevansyon dan tou programm lasante. Amelyor lefikasite servis, enkli pli bon komunikasyon ek kordinasyon ant diferan group profesyonnel lasante, e fasilite lasante.

Kree kondisyon ki ankouraz tou travayer lasante, pou kontinyelman amelyor zot konpetans profesyonnel e satisfaksyon dan zot travay. Anliny avek sa bann stratezi, R40milyon in dedye anver nou nouveau Lopital La Digue.

Fodre fer remarke ki lenvestisman dan en nouveau fasilite lo La Digue, i pa senpleman konstri en nouveau batiman. Lenportans se kree en lanvironnman, kot profesyonnel lasante i a kapab delivre plis servis. Pli bon servis avek plis satisfaksyon pou pasyan e travayer. E ki pa zis tret maladi, me osi ed Digwa pou viv an pli bonne sante.

Mr Chair, mon oule fer remarke ki menm si Bidze Lazans swen lasante, i enn parmi ki pli gro dan Gouvernman, plis ki 10poursan sa Bidze, i ganny dedye pou servi, servis dyaliz ek servis tretman pou pasyan ki ganny anvoye aletranze.

Sa i deservi mwens ki 1poursan nou popilasyon. So 10poursan sa Bidze i al zis pou

mwens ki 1poursan popilasyon. Lazans pe envesti R27milyon pou faz final nou *Health Information System*, ki fodre dir ankor i pa zis en lenfrastruktir.

Me i en parti entegral dan nou zefor pou moderniz, nou sistem lasante. I pou amelyor lavites ek lefikasite ki diferan servis i mars ansanm. E fasilit travay nou bann profesyonnel. I pou permet nou pasyan pa zis ganny pli bon servis lasante, me osi amelyor la fason ki zot akse servis, enterakte avek profesyonnel lasante. E angaz zot dan zot swen.

Alor Mr Chair avek sa detrwa mo lentrodiksyon, mon pe demann Lasanble Nasional pou siport sa Bidze pou Lazans Swen Lasante. E pou zwenn nou, pou nou remersye tou travayer lasante.

E pou ankor ki dan zot parkour, pou a ed zot dan zot parkour, pou kontinyen donn pli bon swen, pli bon servis nou popilasyon. Mersi.

### **MR SPEAKER**

Mersi Minis. Bon nou a demare, mon napa lord, leve lanmen. Nou pou al en pe an koumsa, Onorab Mondon.

### **HON TERENCE MONDON**

Mersi Mr Chairman. Mon premye kestyon, e i lo *Health Information System* anba

programm 2. Mon vwar en provizyon R27milyon 132mil pou 2023. Eski Minis i kapab dir nou, ki konponan sa sistenm ki reste pou fer?

E si sa novo sistenm pou rezourd sa defayans ki egziste e ki reste enn parmi zot defi pou annan en *Health Management System*?

Mon 2enm kestyon i lo servis dyaliz, mon vwar en provizyon R70milyon 999mil pou sa lannen. Par kont pou lannen prosen dan Bidze i R76milyon, en R5milyon logmantasyon. Eski Minis i kapab eksplik nou, akoz sa logmantasyon?

Dapre zot rapor anyel lo performans sekter lasante pou 2021, zot ti annan 186 pasyan dyaliz. Konbyen pasyan zot pe mazinen pou annan lannen prosenn? Mon ava termin la Mr Chairman. Mersi.

### **MR SPEAKER**

Mersi Onorab. Minis, diriz ou panel silvouple?

### **MINISTER PEGGY VIDOT**

Mersi Mr Chair. Mersi Onorab pou ou kestyon. Ou kestyon lo *Health Information System*, wi nou'n komanse entrodwir. I annan 2 konponan prensipal ki an plas deza.

Me pou lezot konponan kapab ganny *rollout*, nou ankor pe atann diferan *hardware* ki nou ankor pe

atann, pou fer *procurement* avek *Exim Bank India*.

Mon a demann Dr Louange si i kapab eksplike, lekel konponan ki nou pa ankor enkli dan nou sistenm ziska aprezan. Mersi.

### **MR SPEAKER**

Mersi, Dr Louange.

### **CEO HCA DANNY LOUANGE**

Mersi Mr Speaker. Mersi Minis. Mersi Onorab pou ou kestyon. Bonn apre midi tou Onorab, e bonn apre midi tou dimoun a lekout. E evidaman bonn apre midi Mr Speaker.

Lo kote *Health Information System*, wi nou'n avans en pe dan enplimantasyon *Health Information System*. Nou'n deza komans *phase 1* ek 2 pou *go live*. Savedir resitasyon avek *electronic medical records* dan tou bann sant klinik spesyalize, e dan bann *Health Centres*.

Sa in komanse.

Me ki nou plan, i pou kontinyen avek *go live*. E sa enkli pou fer, preskripsyon, *sick leave*, *order* bann diferantes. E menm pou *order X-ray*, *MRI, CT Scan*. E osi pou *view* sa bann rezulta.

E osi bann lot faz, bann lot konponan ki nou bezwen devlope, i *Human Resource*, *Procurement*, *Central Medical Stores*, *assets* e osi en

konponan finans osi ki annan. Sa retar i akoz nou pa ankor ganny tou nou bann lekipman parey *computer, barcode readers, servers.*

E sa ki'n met nou an retar. E rezon akoz sa in arive, i akoz *Exim Bank* zot kondisyon ki zot in mete. Menm si nou'n vwar en lakonpannyen, nou'n *tender*, nou'n selekte en lakonpannyen. Me akoz i pa ti'n *meet* bann kriter *Exim Bank*.

*So in summary* i reste en bout *software* ki nou pa ankor fini sa lenplimantasyon. Sa R27milyon i *partly* pou fini sa enplimantasyon *software implementation*. Be osi pli gro parti, i pou bann *hardware*. Ki enkli osi bann *cab fibre optic* ki pou ganny mete osi.

E ou'n demann osi ki mannyer i pou *improve system?* I pou *improve* lefikasite ek mannyer nou bann prosedir ki nou annan an plas.

Menm pou vwar bann rezilta, nou pa bezwen esper laboratwar anvoy rezilta dan bann klinik. Ou pou vwar li as deswit koman rezilta in ganny *processed*. Sa en legzanz ki mannyer i pou *improve system*. Mersi Mr Speaker.

### **MR SPEAKER**

Mersi. Nou annan kestyon lo dyaliz?

### **CEO HCA DANNY LOUANGE**

Lo kote dyaliz, mon pou reponn sa dernyen parti, ki ou'n dir lannen pase ti annan 186. Sa sif pa pe sanz signifikaman. So i pou reste apepre – nou pe ekspekte i pou reste menm kantite pasyan ki lo dyaliz.

Nou pe ekspekte i pou reste apepre menm kantite pasyan ki lo dyaliz. Nou bi i pou bann pasyan ki kapab ganny anvoye pou al fer *transplant*, pou zot ronnyon. Sa nou pe travay lo la avek *Covid*, in annan en *delay*. Sa nou pe kontinyen.

Me lo kote sa diferans dan Bidze, Mr Chair mon kapab demann ou permision pou FC koz lo la. Mersi.

### **MR SPEAKER**

Byensir.

### **FINANCIAL CONTROLLER MICHEL BRUTUS**

Mersi Mr Chair. Bonn apre midi Mr Chair e tou manm Lasamble. Lo kote sa logmantasyon lo dyaliz, senpleman se pou nou kapab *meet the baseline of* sa depans pou dyaliz.

### **MR SPEAKER**

Eskiz mwan, wi?

### **FINANCIAL CONTROLLER MICHEL BRUTUS**

Wi, Mr Chair sa logmantasyon i pirman, pou kapab *meet the baseline expenditure of dyaliz*. Ok? An se moman i kout nou apepre R6milyon par mwan pou tretman dyaliz. E sa i pou kouver sa kou pou lannen antye. Mersi.

### **MR SPEAKER**

*Thank you.* Onorab Ernesta ou kestyon.

### **HON PAUL ERNESTA**

Bonn apre midi Mr Chair, Minis ek ou delegasyon, tou mon bann koleg Onorab. Tou bann dimoun ki a lekout, bonn apre midi.

Mr Chair mon pou komans lo mon kestyon ki mon ti premye mansyonnen bomaten *regarding sa uniform*. E annefe letan mon pe gete osi, mon pe vwar i annan osi en rediksyon *uniform* pou bann travayer lasante.

Kot mon ti a kontan konnen akoz? Deza i annan konsern lo la, ki pa pe neseserman pe mars byen. Eski zot pe fer provizyon pou annan plis *uniform*, pou nou bann travayer lasante? Enn.

Apre dezyenmman, lo kote bann lapwentman bann dokter, letan bann dimoun i ganny bann lapwentman. La i annan en pe pa mal difikilte li osi. Par ler kot nou vwar bann dimoun lasante - I mean bann pasyan i ganny bann

lapwentman. Swa zot ganny en ler, apre sa ler pa ganny respekte, zot vwar dokter pli tar.

Dan sa ka mon'n vwar i annan en logmantasyon lo kote saler. Eski zot pe fer provizyon pou annan plis *recruitment?* Petet i kapab en fakter mankman profesyonnel, ki pe fer annan sa bann difikilte. Eski zot annan provizyon, pou zot kapab fer sir sa bann konsern i ganny adrese. Pou tir en pe sa bann fristrasyon dimoun ki annan deor? *Thank you Mr Chair.*

### **MR SPEAKER**

Mersi Onorab. *Panel?*

### **MINISTER PEGGY VIDOT**

Mersi Mr Chair. Mersi pou ou kestyon. Pou lo kote *uniform* i *decrease* dan kantite ki nou'n gannyen. Se akoz dan milye *review* nou ti bezwen bokou plis larzan, pou donn *uniform* bann diferan group travayer group lasante.

E sa larzan in ganny met a nou dispozisyon dan *Health Care Agency*, dan sa lannen, alor *uniform* pe ganny *procure* sa lannen, pou fer sir ki la mazorite dimoun i ganny *uniform* avan lannen fini. E alors sa ki nou annan pou lannen prosenn, i ava sifi pou kouver lezot.

Me pou ou kestyon lo kantite dokter, e koman nou kapab rezourd nou problem *appointments*, mon ava demann Dr Louange pou klarifye. Mersi.

### **MR SPEAKER**

Mersi. Doctor?

### **CEO HCA DANNY LOUANGE**

Mersi Mr Chair. Mersi Minister. Mersi Onorab pou ou kestyon. Lo kote apwentman e dokter, mon krwar ou annan 2 bout.

Lo kote apwentman bann *issues*, bann konsern ki ou'n leve, i mon krwar i pa souvan ki nou gannyen. E akoz i pa en konsern ki nou tandé souvan.

Me i posib ki i arive, ki sa pasyan oubyen sa dimoun in ganny *either*, son apwentman in sanze pou menm zour. Oubyen son apwentman in ganny anvoye pou en lot zour, akoz par ler i annan bann spesyalis ki annan zis enn dan Sesel.

E sa i kapab en possibilite. E nou lo kote *SOPD*, nou annan en tim, ki travay tre atantivman an term apwentman. E nou oule remersye zot pou sa.

Lo kote dokter, menm an diskisyon, letan nou get nou kantite dokter dan Sesel, e nou'n fer sa legzersis plizyer fwa, e nou vvar *density* dokter

dan Sesel, enkli dantis. Nou pli o sa *target* ki WHO i annan.

So pou dokter dan Sesel i annan, i zis ki arive. Mannyer nou distribye servis dokter. E apre akoz Sesel nou ptipti, nou kapab *afford* zis par egzanp en *haematologist*. Nou kapab *afford* kekfwa *maximum 2 cardiologist*.

E sa i fer ki i afekte nou servis dan sans ki letan enn parey sa *haematologist* i lo sick leave oubyen i *on leave*, la nou bezwen rod en lot fason pou nou kapab kontinyen fer sa servis marse. Onorab mon pa konnen si mon'n reponn ou kestyon, me -

### **MR SPEAKER**

Nou a satisfe avek sa pou le moman. Be selman Onorab i a kapab demann klarifikasyon, nou a sey dil avek.

### **HON PAUL ERNESTA**

Mersi Mr Chair pou ou konprenezon. Zis vitman lo sa kote *recruitment* ou'n dir mwan lo kote dokter, ou'n konstate ki lo kote spesyalis zot annan sa problem. Eski zot pe fer provizyon pou *recruitment*? Sa ti mon klarifikasyon. *Thank you* Mr Chair.

### **MR SPEAKER**

*Thank you.*

**CEO HCA DANNY LOUANGE**

Mersi Mr Chair. Mersi Onorab. Lo kote *recruitment* wi nou pe kontinyen. Sa i en keksoz kontinyelman ki nou pe fer. E sirtou la nou annan en lalis bann spesyalis e menm bann dokter ki pa spesyalis, ki annan lentere pou travay Sesel.

E nou pe an diskisyon avek zot pou gete si zot an faver avek sa bann *package* ki nou annan. E nou osi nou *interview* zot nou gete si i *meet* sa kriter ki nou, nou annan pou Sesel. Mersi Mr Chair.

**MR SPEAKER**

*Thank you.* Onorab Zialor.

**HON NADDY ZIALOR**

Mersi Mr Chair. Bonn apre midi Mr Chair, Minis ek ou delegasyon. Mon kestyon pou en pti pe bref, plizoumwen baze lo en travay, en *strategic plan* konsernan *rehabilitation* ki mon konnen Minister Lasante in travay lo la sa lannen.

So, mon pe regarde baze lo sa *strategic plan* eski pe anliny pou nou fer li nou fer reabilitasyon nou bann dimoun, sirtou bann dimoun ki swa i war zot dan en aksidan. Oubyen ki zot bezwen *rehabilitate* pou zot kapab ganny re-enkorpore dan sosyete.

Eski zot santi ki *the budget allocation* pe fer provizyon pou ki vreman sa *strategic plan* ki'n ganny formalize, i konmans met an aplikasyon an lannen 2023? Mersi.

**MR SPEAKER**

Mersi Onorab. Minis?

**MINISTER PEGGY VIDOT**

Mersi Mr Chair. Mersi Onorab pou ou kestyon. Wi dan nou *strategic plan* nou pe fer sir ki tou servis i tous tou bezwen, tou group dan sosyete dan nou kominate. E group dimoun ki bezwen reabilitasyon pou diferan rezon, i en servis ki nou pe fer sir ki i ganny donnen, par sa antite konsernen. Par egzanp dan sa lenstans i pou Lazans swen Lasante.

Me ou regarde si nou'n vwar nou *strategic plan* i dir pou tou group dan popilasyon. *Universal Health Coverage* pou tou group. Alor pou sa group wi, nou pe regarde e fer sir ki nou ganny ase servi reabilitasyon. Mersi.

**MR SPEAKER**

Mersi. Onorab Uranie.

**HON ROCKY URANIE**

Mersi Mr Chair. Bonn apre midi Minis. Bonn apre midi delegasyon ki la, tou koleg Onorab e byensir bann zabitan Zil Pros ki lekout.

Minis mon vwar en alokasyon 40milyon pou Lopital La Digue. Eski pou zis konstriksyon oubyen sa larzan i pou osi met bann lekipman neseser dan sa lopital?

Apre mon lot kestyon, eski i annan provizyon dan Bidze ki pou pey bann lezot *partner parey Cat Cocos, Air Seychelles*, pou transport bann malad sorti La Digue, pou vin Mahe, pou fer ki sa sityasyon kot zot annan apwentman zot pa ganny refize en tiket, akoz pa ankor fer peyman? Mersi.

### **MR SPEAKER**

*Thank you.*

### **MINISTER PEGGY VIDOT**

Mersi Mr Chair. Mersi Onorab pou ou kestyon. Onorab sa 40milyon ki in mete pou La Digue, i pou konstriksyon an menm tan avek bann lekipman ki nou bezwen an plis pou La Digue, ki pa la neseser konmela. Me sa ki nou pou bezwen pou novo lopital osi.

Wi dan nou Bidze, nou pou annan pou kouver evakyasyon pasyan pou sorti La Digue ou si non Praslin, pou vin Mahe. E osi pou bann ki bezwen sorti La Digue pou vin fer en swivi isi Mahe. Me nou stratezi se pou anmenn servis pli pre ek dimoun posib. E alor nou ekspekte ki si par

sa demann, pou anmenn dimoun isi, i ava mwens dan lannen ki pe vini, ki nou ti annan sa lannen *current*.

### **MR SPEAKER**

*Thank you.* Onorab Woodcock.

### **HON WAVEL WOODCOCK**

Mersi Mr Chair. Bonn apre midi Minis ou lekip e tou dimoun a lekout. Minis mon kestyon i baze lo *PSIP* bann proze kapital. Pou Lopital Baie St Anne ti annan sa alokasyon R9milyon anba *total financing* pou en *oxygen plant, clinical lab, laundry and hyperbaric chamber*.

Pou sa lannen in annan alokasyon R3.5milyon e pou lannen prosen i annan en alokasyon 4.5milyon. Mwan mon ti a kontan konnen sirtou kot i konsern sa *clinical lab*.

Ki travay ki'n ganny fer ziska prezan? E kan ki sa bann louvraz ki zot in konmanse pou konplete. Lo la mon konnen vreman ki napa gran zafer ki'n ganny fer. Ti sipoze konmans travay lo sa *lab* zilyet sa lannen me pa ankor demare.

Mon kestyon i kan ki zot pou konmans sa travay e kan ki zot pou espekte konplet tou sa bann louvraz? E mon dezyenm kestyon i kot i konsern Klinik Grand Anse

Praslin. I sipoze annan en *Annex and Dental Surgery* ki sipoze ganny konstri sa lannen, akoz i annan alokasyon R1.3milyon pou 2022.

Mon kestyon i sa travay kan ki i pou konmanse? Eski i pou konmanse sa lannen? E si pou konmanse, eski nou pe ekspekte sa louvraz konplete by lannen 2023?

Finalman *new hospital infrastructure* i annan en *total financing* 2023 ziska 2025 R540milyon. Si ou kapab donn nou en pe detay lo sa alokasyon sirtou pou lannen R251.5milyon pou 2023. Ki bann travay ki a pe al ganny fer lo lopital? Lopital Victoria i deservi tou seselwa enkli zabitan Mahe, Praslin avek La Digue. Mersi.

### **MR SPEAKER**

Onorab ou'n al lo 3 kestyon la annou pa les bann lezot Manm pran legzanp. Mwan mon pa vreman mekontan ki zot demann kestyon, zis en kestyon letan. Mersi. Alor zis pou nou *counter* sa, *Panel* si zot kapab *deal* en pe vit avek sa bann kestyon.

### **MINISTER PEGGY VIDOT**

Mersi Mr Chair, mersi Onorab pou ou kestyon. Onorab mon ava reponn ou trwazyenm kestyon epi Dokter Louange a

reponn sa de kestyon lo Praslin, Baie St Anne avek Grand Anse.

Bon parey ou konnen nou pe fer nou mye pou nou kapab amelyor servis lasante dan pei, pou moderniz li, pou fer li vin pli efikas. E annan dan plan pou nou fer diferan parti sa ki nou ti apel en *master plan* pou Lopital Victoria or Lopital Sesel.

E dan sa *master plan* se ou annan diferan bout ki pou bezwen azoute e diferan bout ki pou bezwen bouze. Pou nou fer sa, i paret ki pou annan serten servis ki nou bezwen koupe, ou si non ki nou pou bezwen tire.

Kot ti *plan* pou fer sa novo bout lopital pou *operating theatre* ek son lezot servis, ti deryer o bor *ICU*. En landrwa ki kantmenm ase *marshy* e i pa tro fasil pou arive.

E ler diferan group in regarde zot in panse poudir sa i pa tro ideal, konman en landrwa pou al fer sa morso lopital, ki nou byen bezwen konman en *complex* nou *operating theatre*.

E si nou pe fer li la, sa kalite tapaz e kantite *piling* ki nou bezwen, nou pou afekte servis ki nou pe donnen dan *Intensive Care*. Nou pa pou kapab fer en keksoz ki si nou napa en *Intensive Care Unit* dan Lopital Sesel.

E diferan opsyon in ganny vwar, in ganny diskite e pou fini nou panse poudir enn i ava mye si en nouvo devlopman pou Lopital Sesel i ganny fer. E kote i pou ganny fer, dan ki fason e i posib i pou kout nou bokou mwens, ki azout diferan bout parey nou'n fer ziska prezan. E ki nou ti pe mazin fer.

Akoz sa pa pe donn nou *the best patient flow* e tou keksoz. E definitivman enn bann gran problem mazer, se ki nou pa kapab ferm *ward* or anmezir ki nou pe azout lopital. So sa rezon pou lekel dan Bidze ki ou pe vwar, nou pe deza konmans programm pou en nouvo devlopman Lopital Sesel. Mersi.

### **MR SPEAKER**

Mersi Dokter Louange.

### **CEO HCA DANNY LOUANGE**

Mersi Mr Speaker, mersi Minis, mersi Onorab pou ou kestyon. Lo kote *clinical lab* Baie St Anne Hospital ou pe travay avek SIA (*Seychelles Infrastructure Agency*).

Nou'n fini annan en *design* pou li, ki mannyer nou pou servi sa lespas pou nou met sa *clinical* laboratwar. Apre lezot servis. E sa *design* i ankor pe ganny diskite. Enn rezon akoz in ganny en pti retar, akoz dan *Health Care Management*, team i ankor pe

diskite ki mannyer nou kapab pli byen servi sa lespas.

E nou pe anvizaze *submit* sa avek SIA e premye *quarter* sanmenm nou'n met en sonm lo la - premye *quarter* nou kapab al dan *next phase in terms of travay ek SIA lo scope of work, BOQ apre tender it out.*

Lo kote *Clinical Annex* kot Klinik Grand Anse Praslin, wi nou ti vizite. Mon rapel byen tre byen, nou'n deside kwa ki nou pou fer. SIA osi ti'n vin *onboard* in ed nou pou *design* ki nou pou fer. Me osi letan nou'n diskit avek SIA avek *Health Care Agency Management*, nou'n vwar ki petet pa *the best approach*, pou servi sa plas akoz i pou kout nou en kantite plis.

E la nou an diskisyon pou gete ki mannyer nou kapab *better use* sa *space* avek *the existing clinic*, ki nou kapab *provide* pou *what is best* pou Klinik Grand Anse Praslin. Mersi Mr Chair.

### **MR SPEAKER**

*Thank you.* Onorab Cosgrow.

### **HON WALLACE COSGROW**

Mersi Mr Chair. Bonn apre midi tou bann dimoun ki fek zwenn nou. Bonn apre midi tou dimoun ki pe ekoute. Mr Chair mon premye kestyon i lo la kantite larzan, ki nou pe depanse pou latizann avek

bann lezot *supplies* pou lopital, bann klinik e tou.

Si Minis i kapab konfirmen, eski zot pe *go ahead*, akoz ti annan en lanons, konmkwa ki STC pou prezan *provide* tou bann latizann pou Minis *procure* tou bann latizann pou Minister Lasante? Eski zot pe *go ahead* avek sa *mode of procurement*, ouswa zot pou kontinyen *source out*, zot anvoy en *tender*, pou ki nou ava ganny *the best deal* pou larzan ki nou annan?

E dezyenm Minis i annan en *issue* konsernan bann *nursing assistants*. I annan en bon pe *voice out* ki poudir par egzant zot travay lo en menm sirtou *night shift* avek en *nurse* kalifye.

Me selman *nurse* par egzant i ganny *night shift allowance*. Me zot ki osi la *alongside*, zot pa pe ganny sa *allowance*. So eski i annan provizyon mon war en kantite larzan e zot Bidze i en pti pe i pa konplike. Me selman i annan en bon pe larzan dan bann diferan *heads*.

So eski zot pe fer provizyon dan sa Bidze sa lannen, pou donn sa bann *nursing assistants* zot *night shift allowance*? E osi bann lezot *allowance* ki bann lezot dimoun dan *Health Care Agency* ti pe *claim*, me ki ziska

aprezan zot pa pe gannyen? Mersi bokou Mr Chair.

### **MR SPEAKER**

*Thank you Onorab. Panel?*

### **MINISTER PEGGY VIDOT**

Mersi Mr Speaker. Mersi Onorab pou ou kestyon. Onorab ou dir mwan i annan en *announcement* ki'n ganny fer ki STC pe *procure* latizann pou Minister Lasante. Mon pa poudir i annan sa kalite lanons ki'n ganny fer, akoz ziska prezan Minister Lasante *Health Care Agency* i ankor pe fer *procurement* son bann latizann parey i ti abitye fer.

In deza aste keksoz avek STC;- par egzant bann *testing kits* ki STC ti kapab fer vini, ki ti pli *facilitate* nou. Nou pa ti bezwen pe al rod diferan keksoz. Nou ti kapab al aste ler ki ou ti bezwen. Me pou *procurement* latizann anba *Procurement Act*, nou annan serten keksoz ki nou, nou kapab fer e ki nou fer li. E sa pe kontinyen.

Lo *allowance* mon ava demann Ms Theresine pou dir nou ki kalite *allowance* ki bann dimoun i gannyen. Mersi.

### **MR SPEAKER**

*Thank you. Madanm.*

### **DG HUMAN RESOURCES**

### **YVANA THERESINE**

Mersi Mr Chair. Mersi Minis. Mersi Onorab. Bonn apre midi tou dimoun. Aktyelman *Health Care Assistant* i ganny 3 allowance depandan ki *shift* zot travay. *I mean* zot ganny 2 allowance si zot travay 2 shift bomaten apre midi. Si zot travay *night duty* kantite ki zot gannyen, i sanze.

So i vin parey pou *nurse* menm kantite *allowance in terms of zot shift*. Si zot pa pe fer *night duty* then they don't get the *night shift allowance*. Be selman they get the *shift allowance*.

Zot ganny bann *inducement allowance* e ti annan revizyon 2020 ki ti fer pou *Scheme of Service* pou *Nurse*, kot ti annan *retention allowance* ki ti merge avek zot *basic pay*. E bann *Nursing Health Care Assistant* osi ti benefisyé lo la. So an term *night shift allowance* zot gannyen *night shift allowance*.

Mon pa konnen si i annan mal konprenezon kekfwa an term ki mannyer zot ti met zot kestyon, be selman i annan. Mersi.

### **MR SPEAKER**

*Thank you Madam.* Wi ou klarifikasiyon Onorab.

### **HON WALLACE COSGROW**

Wi Mr Chair de klarifikasiyon en. Premye klarifikasiyon lo sa zafer *allowance*. Annefe i bann

konversasyon ki mon'n gannyen avek diferan dimoun en?

Zot koz ek ou lo sa *issue allowance* zot dir ou zot aktyelman pa pe gannyen sa *night allowance*. Konmsi la ou dir nou zot pe gannyen, me selman i pa enn, i pa de, detrwa en pe dimoun en pe sa *nursing assistant* zot pe dir ou *nurse* i gannyen. Zot kapab travay menm *shift nurse* i gannyen me zot, zot pa gannyen. So sa i enn.

Dezyenm Minis, an se ki konsern sa bann *procurement*. So ou pe asir mwan ki poudir *Health Care Agency* letan zot pe *procure*, atraver *Procurement Act*, zot pe kapab source out bann diferan landrwa ki pe *supply latizann* e baze lo *the best good and quality* byensir balanse, Zot fer sa *procurement* koumsa?

E pou napa petet okenn antite ki pou antre vin *supply in bulk* avek Minister Lasante or fors zot lanmen. Mersi bokou.

### **MR SPEAKER**

*Thank you.* Lo size *allowance* mon sizere ki Minister i zis regard sa *internally*. I annan en diferans ki mannyer i kapab pe ganny enterprete. *Panel* silvouple adres sa dezyenm pwen lo *procurement*.

### **MINISTER PEGGY VIDOT**

Mersi Mr Chair. Mersi Onorab. Pou klarifikasyon, mon'n dir ou ki mannyer nou pe fer li konmela. Parske dan fitir i annan okenn keksoz ki kapab arive sanze, sa mon pe pa kapab donn ou okenn lasirans.

Par egzanp nou pe diskrit avek bann differan antite ki avek bann *Small Island Development States* dan Lafrik, lo *pool procurement*. Nou pe diskrit avek bann group dan SADC lo *pool procurement*. Nou pe diskrit avek WHO lo *pool procurement*.

So i riske annan lot antite ki pe pran sa laspe *procurement* ki ed nou avek sa. Alor mon napa okenn garanti ki pou mwan kapab dir ou, ki tou kou i pou konmsa.

Sa garanti ki mon kapab donn ou se ki nou pou toultan fer nou mye, pou nou annan pli bon valer pou nou larzan. E pou mentenir nou kalite keksoz ki nou *procure* - sa wi mon a fer.

### **MR SPEAKER**

*Thank you* Minis. Onorab Porice kestyon.

### **HON DOYACE PORICE**

Mersi Mr Chair. Bonn apre midi Minis ek ou delegasyon e tou bann Manm Onorab.

Minis menm kestyon ki mon ti demande bomaten konsernan si dan Bidze, i annan en

amelyorasyon servis bann spesyalis ki vin lo Praslin ek Zil Pros.

Vi ki Praslin zot ariv tar, dimoun i esper en bon pe letan. E nou ti pe petet sizere ki zot vin *overnight* pou nou kapab ganny sa pli bon servis lo zil. Mersi.

### **MR SPEAKER**

*Thank you.* Doctor Louange.

### **CEO HCA DANNY LOUANGE**

Mersi Mr Chair. Mersi Minister. Mersi Onorab pou ou kestyon. Spesyalis pou Praslin ek La Digue in tou kou en servis ki nou war i tre enportan, akoz difisil pou bann pasyan. I pli bon marse pou nou anvoy en Spesyalis ki pasyan i vin lo Mahe.

E nou annan nou plis ki 8 spesyalizasyon ki nou bann klinik ki nou fer Praslin ek La Digue. Nou annan en *schedule in fact* menm *schedule 2020* in pare. E nou annan sa lo kote lopital, so i 2023 in pare.

Nou annan e tou nou bann *partners*, tou bann servis i okouran kan pou annan sa bann vizit. I vre ki ou'n dir nou'n - sa i en defi - enn bann konsern ki nou'n gannyen - e nou'n sey nou mye pou sey rezourd.

Menm sa *proposal* ki ou'n dir nou pou anvoy zot *overnight*, anvoy sa bann Spesyalis *overnight* ki zot a fer

klinik boner me sa pou kout nou en kantite plis.

Ki nou'n fer nou pe travay pre avek *Air Seychelles* la nou'n fason mannyer nou'n boukte nou bann *flights*.

Nou pou boukte *flights* boner la nou annan *schedule* pou 2023. So nou'n boukte bann *flights* boner e sa ki nou pou al seye lo konmansman 2023 premye *quarter*. Menm an Desanm osi akoz nou'n fini antre dan sa sistenm *Air Seychelles*.

Enn bann *gaps* ki nou'n vwar ki anmenn sa konsern, i si sa spesyalis in tonm malad, oubyen en rezon ou en lot, i pa kapab la Praslin. Me sa tiket in ganny boukte lo son non. So i en pe difisil. *By the time* nou sanz sa tiket, i pou ganny en *flight* en pe pli tar dan lazournen.

So nou okouran bann konsern e nou pe travay tre pre avek nou bann *partners* *Cat Cocos, Air Seychelles*, pou nou kapab fer sir nou bann Spesyalis i ariv a tan pou bann klinik. Mersi pou ou kestyon.

### **MR SPEAKER**

*Thank you* Dokter. Onorab Gabriel?

### **HON CONRAD GABRIEL**

Mersi Mr Chair. Bonn apre midi Minis ek ou delegasyon, Bonn apre midi tou dimoun a lekout. Minis mon kontiny

bomaten parey nou ti'n konmanse. Nou ti annan sa sityasyon *North East Point Hospital*. Petet mon ti a kontan konman CEO i la tous en pti pe elabor lo la.

Onorab Cosgrow in tous en pti git. Sa bann *nurse* en pti pe delika - kalite pasyan ki laba. An zeneral zot demann en pli meyer tretman. Si ou kapab elabor pou nou dan sa Bidze la, ki annan egzakteman plis pou sa bann dimoun ki pe travay lopital *North East Point*, akoz zot pe santi serten dekourazman. Minis sa i mon premye pwen.

Mon dezyenm pwen i konsernan *pharmacy*. Dek ki 10er in sonnen, i paret si en dimoun in fini war dokter e i napa latizann pou li gannyen. I ganny dir demen bomaten i a ganny son latizann. Zis eklersi nou, nou konnen zot annan en pe mankman *staff* keksoz koumsa. *So enlighten* nou dan sa Bidze la ki zot pe fer pou fer pou fer li *run 24/7*? petet pou sa bann dimoun ki malad ganny zot latizann. Mersi.

### **MR SPEAKER**

*Thank you* Onorab. Dokter Louange i a reponn.

### **CEO HCA DANNY LOUANGE**

Mersi Mr Chair, mersi Onorab pou ou kestyon. Wi nou'n gannyen bann konsern sirtou kot Lopital *North East Point*, ki

en lopital pou reabilitasyon. I enn nou apel li konman en *halfway house* avan zot antre dan lakour letan zot in ganny desarze dan en *Acute Hospital* ki *Seychelles Hospital*.

E sa bann pasyan laplipar sa bann pasyan zot *level of nursing care* i diferan avek *acute*. So i annan en gran diferans e sa konsern osi in en alert pou nou get *welfare* nou bann *staff* osi. E mon krwar i enportan ki letan ou get *welfare staff, staff* osi i satisfe. Letan *staff* i satisfe i anmenn en pli bon *care* pou nou pasyan.

E sa resanman in ganny leve e nou ankor annan en kantite envestigasyon ki nou pe fer. *Well* nou'n fini konmanse. I annan detrwa prosedir pou nou met an plas pou fer sir ki plis sa *staff* pa santi zot tousel, pa santi zot pe *struggle*.

E parey mon'n dir, oparavan lo kote dokter, *density* dokter dan Sesel, i pli o ki *target WHO*. Menm pou *nurse* osi i osi pli. Savedir dan Sesel la pou nou popilasyon nou annan plis *nurse* ki *target WHO*, ki *target WHO*.

So sa osi e la nou pe fer en lot legzersis pou get bann *staffing norms*. Pou nou kapab gete ki bann *areas* ki nou kapab *mobilise staff*, pou nou kapab fer sir ki *areas* parey kot *North East Point Hospital*,

ki *nursing staff* pe tre konsernen *about zot welfare*, zot *workload* ki nou get ladan.

Lo kote *Pharmacy* wi in tou kou nou tradisyon pou nou ferm *Pharmacy* lopital 11er diswar dan lepase. Avek *Covid*, avek bann *case Covid* nou'n sey – enn bann mezir ki nou'n mete pou ferm li pli boner. Me i pa vedir ki letan *pharmacy* in fermen, bann pasyan ki pe vin servi *Casualty* zot pa ganny zot tretman. Zot ganny zot - *what we call that initial treatment*. I kapab en zour, de zour tretman pou en zour, de zour. Apre zot ganny dir anvoy en dimoun kot *Ward Pharmacy* ava anmas zot medikaman. Be zot in fini ganny zot tretman pou sa en zour, de zour.

Enn rezon akoz nou fer sa i *again* letan ou balans efikasite. Si nou pou nou met en *Pharmacist* la lopital 24 lo 24, i difisil pou nou kapab *justify* akoz sa *workload* pa la. Me i en pwen ki nou pou kontinyen gete, akoz parey ou konnen lasante i kontinyen evolye li. E i pa zis get efikasite nou get osi servis, bezwen servi. Mersi Mr Speaker.

### **MR SPEAKER**

Mersi. Wi ou klarifikasyon Onorab.

### **HON CONRAD GABRIEL**

Mr Chair mersi. Zis mon pou get lo zot *P3* dan zot *non-financial asset*. *CEO* i annan en *North East Point Complex Mental Home and Rehab Hospital*. Zot ti annan *2.7 million last year* la zot in ganny 765 mil pou 2023. Zis dir nou kwa ki annan ki zot espekte?

### **MR SPEAKER**

Ou pe al dan en lot kestyion la?

### **HON CONRAD GABRIEL**

Non i *North East Point* i ava fini avek mon premye pwen.

### **MR SPEAKER**

Wi Dokter Louange ou ava klarifye.

### **CEO HCA DANNY LOUANGE**

Yes mersi Mr Speaker sa i lo kote *infrastructure*. Wi Onorab i vre ki lannen pase nou ti annan en gro sonm pou *North East Point Complex*, akoz i en proze ki nou pe fer pou nou *renovate home for the mentally disabled persons*. Apre osi *North East Point Hospital*. Sa enn ki nou fek koz lo la sa *North East Point Rehabilitation Hospital*.

Si ou al gete ozordi ou pou vwar sa amelyorasyon dan sa lenfastriktir ki annan laba dan sa de *areas*. Me i ankor annan lezot *block* pou nou kontinyen fer. Me sa larzan ki nou'n mete pou sa lannen, i sa *retention*, ki nou pou bezwen

peye pou sa proze ki nou ti fer lannen pase.

I ankor annan proze pou nou fer kot *Complex* e sa nou pou gete si nou kapab fer li sa lannen. Konmans parey sa bann *drawings and bann tendering*, apre si nou kapab ganny lespas dan 2023 ou menm 2024, nou kontinyen avek sa proze. Mersi Onorab.

### **MR SPEAKER**

Thank you. Onorab Philip Arissol.

### **HON PHILIP ARISSOL**

Mersi Mr Chair. Bonn apre midi tou dimoun. Minis dan *PSIP* mon war i annan R2.7milyon pou akizisyon e enstalasyon dan *standby generator*. Enn *North East Point Hospital* apre enn Anse Boileau.

Mon ti a kontan konnen kan egzakteman sa proze pou konplete? Akoz nou pe ariv lafen 2022 e 2023 mon pa pe war sa alokasyon. Epi mon pa pe vwar okenn alokasyon pou renovasyon nou *Health Centre* Anse Boileau.

Mon ti a kontan konnen si i annan okenn plan pou annan okenn renovasyon lo *Health Centre* Anse Boileau? Mersi.

### **MR SPEAKER**

Mersi. Panel?

**CEO HCA DANNY LOUANGE**

Mersi Mr Chair, mersi Onorab pou ou kestyon. Lo kote *standby generators*, parey mon krwar nou'n ganny en kantite diskisyon isi menm. E bann konsern ki'n ganny leve i sirtou bann landrwa, bann *Health Centres*, bann fasilité ki 24 lo 24, 24 lo 7. Nou bezwen siport zot avek sa *backup generator* pou fer sir ki letan i annan *power cut* zot kontinyen zot servis.

Wi pou sa lannen nou'n fer provizyon pou *backup generator*. Be *backup generator* i tonm dan spesyalizasyon tre sansib e i pa nou *core business*. Nou'n bezwen demann led avek *PUC*, avek *SIA* ki nou pe travay tre close avek.

E i annan alokasyon ki ti pou sa lannen 2022 e i annan alokasyon pou 2023 pou *backup generator*. I zis Msye Onorab sa *procurement process*, akoz diferan *specification* ki nou bezwen. E nou pou demann Minister Finans pou kapab sa larzan pou 2022, met dan *Suspense Account* pou li kapab *available* pou lannen prosenn.

Nou'n fini konmans sa *procurement process* e i pou regretab pou nou pa kapab servi sa larzan. Me i annan garanti ki Minister Finans pou met sa dan en *Suspense*

*Account* pou nou kapab kontinyen. Mersi Mr Chair.

**MR SPEAKER**

*Thank you. I annan en lot pwen lo renovasyon.*

**CEO HCA DANNY LOUANGE**

Pou renovasyon Anse Boileau Sant Lasante Anse Boileau nou pa'n *allocate* byen *request* en Lazans *specific* pou Anse Boileau.

Me ki nou'n annan avek Minister Finans, nou pe get ki mannyer nou kapab fer bann *maintenance* e bann *repairs*. Pa neseser *pole renovation* - bann *repairs of* nou bann *facilities*.

E sa i annan en diskisyon avek Minister Finans ki nou'n fini konmanse. Menm pou sa lannen nou pe get *Seychelles Hospital*, pou lannen prosenn pou tou bann lezot fasilité ki nou annan dan distrik Praslin ek La Digue osi. Mersi Mr Chair.

**MR SPEAKER**

*Thank you. Onorab Vidot?*

**HON AUDREY VIDOT**

Mersi Mr Chair. Bonn apre midi tou dimoun ki a lekout. Mon premye kestyon Minis, swivan desizyon Gouvernman pou aret *long service allowance*, e revwar prosedir pou donn peyman trezyenm mwan.

Eski sa Bidze ki la zot in fer provizyon pou revwar sa bann *allowance overtime, night duty, shift* ki tou travayer Lasante i *entitled* pou gannyen. Si zot in fer revizyon pou vwar sa sonm ki zot pe resevwar aktyel ozordi?

### **MR SPEAKER**

Onorab ou'n ariv ankor lo *long service allowance*. Mon pa konnen konbyen fwa mon pou dir memm keksoz.

### **HON AUDREY VIDOT**

Mr Speaker sa bann dimoun pa pe gannyen. Mwan mon pe rod lo zot *overtime* preznan. Zot in perdi lo sa bann la. Prezan mon pe demande zot in travay deza letan *Covid* pou protez nou.

La sa ki zot pe travay ozordi eski provizyon in ganny fer pou revwar. Dezyenm -

### **MR SPEAKER**

*Enough is enough.* Minis ou a regarde si ou annan okenn - . Les mon a dir Minis ou a regarde si ou annan okenn novo keksoz pou azoute lo *allowance* pou bann travayer. Apart sa ki in ganny dir pou Gouvernman an zeneral. Ou annan lot pwen Onorab?

### **HON AUDREY VIDOT**

Wi Mr Speaker. Mon lot kestyon Minis nou konnen dan bann distrik, nou annan

bann dimoun ki ganny refer pou son swa lasistans fizyo, oubyen dokter pou bezwen - zot pa kapab deplase zot. Zot pa kapab pran sa bis pou zot al kot Klinik rezyonal so zot depan lo servis ki vin donn zot dan lakominote. Eski sa provizyon Bidze zot pou kapab ranforsi petet en pe bann defayans?

Akoz sa in en konsern ki'n annan espesyalman dan mon distrik. Kot i annan dimoun in war li i bezwen pey dan pos. Dan sa pti larzan pansyon pout zot kapab pey en dimoun pou vin fer fizyo. So petet si sa i kapab ganny adrese e en dernyen leklersisman. Pli boner letan zot in koz lo *uniform* travayer. Eski zot enport bann *uniform*, oubyen i annan ki lokalman i ganny donnen avek bann koudriyez?

Petet pou re-adres en pti pe sa *issue* petet lo kote depans ki zot fer, ki mannyer zot kapab war en fason pli ekonomik, me ki asire ki Minister Lasante pa perdi son bann travayer. Pou annan sa bann lekipman pou zot servi pou travay. Mersi.

### **MR SPEAKER**

Mersi. Minis?

### **MINISTER PEGGY VIDOT**

Mersi Mr Chair. Mersi Onorab pou ou kestyon. Onorab tou

bann *allowances* ki bann travayer Lasante i sipoze gannyen, in ganny bidzete *for*. E tou sa ki i ti sipoze gannyen pou sa lannen mon'n ganny asire ki zot in fini travay lo la. E ki si pa ankor peye.

Me an term revizyon, tou revizyon pou vin ansanm avek revizyon tou bann *Scheme* parey mon'n ki Gouvernman pe travay lo la, pou differan group travayer. Alor si pou annan revizyon i pou vin dan sa laliny. Me pa neseserman lo *Scheme* endividylel ki nou Lasante nou pou pe fer alor sa i ava kouver.

Wi mon dakor mon kontan ou pwen ki ou dir nou poudir, si nou kapab vin avek nou servis pli pre posib avek dimoun. E sa i enn nou stratezi pou sa lannen ki pe vini, pou fer sir ki nou anmenn servis *as much as possible* kot dimoun.

Pou sa nou annan serten defi par egzanp transpor ti enn. Me nou'n organiz nou ki sa lannen nou'n ganny en pti pe larzan, e ki nou kapab pe aste ankor en pti pe transpor. Pou nou kapab fer sir ki i annan sa deplasman. I vin pli fasil, pou nou *staff* pou al anver kominate. Wi nou annan en pe defi dan sans ki nou napa sifizaman serten group dimoun. Par egzanp fizyo, me selman nou pe regarde ki

mannyer nou kapab adres sa issue.

Lo kestyon *uniform in as much as possible* nou ti pe aste Sesel. Me solman si par egzanp nou pe regard larzan ki nou'n gannyen la. Ler nou regarde en *set scrubs* ki lamazorite *staff* Minister Lasante i mete, en *top* ek avek en pantalon.

Ler nou pe aste lokalman, i kout nou R550 en *set*. Me si nou fer vini i vin nou 375. Alor nou'n prezan desizyon ansanm avek Minis Finans pou nou regarde, pou nou fer vin lamazorite son bann *set scrubs*, ki koumsa i ava kout nou mwens. Nou a kapab fer nou larzan al pli lwen. Me solman i ava annan bann *set uniform* ki bezwen ganny koud sa, sa bann nou ava fer lokalman. Mersi.

### **MR SPEAKER**

Mersi Minis. Onorab Roucou.

### **HON MICHEL ROUCOU**

Mersi Mr Chair. Bonn apre midi a tous. Minis mon kestyon i koumsa. Mon war poudir zot annan 6.9milyon pou *purchase* novo lanbilans. Si ou kapab koz en pti pe lo la. Apepre konbyen lanbilans ki zot pe mazin aste avek sa 6.9?

Apre lo kote *mortuary* mon war poudir se ki annan bokou renovasyon lopital. Si ou kapab dir nou si *mortuary*

psi lenfrastriktir pou ganny touse lo la. E Minis pa bliy en pti pe mon kestyon lo konmansman boner, *regarding bann items* kot Klinik Corgate Estate. Mersi.

### **MR SPEAKER**

Mersi. Doctor Louange.

### **CEO HCA DANNY LOUANGE**

Mersi Mr Speaker. Mersi Minis. Mersi Onorab pou kestyon. Lo kote lanbilans wi i annan en sonm 6.2milyon *allocated* pou lanbilans. E sa i pou ganny repepe pou 3an.

So e sa Minister Finans in *allocate* sa pou nou kapab ranplas lanbilans. E nou pe plan pou nou anmenn 5 lanbilans pou. 5 lanbilans 2023, 5 - 2024, 5 - 2026. E pli tar nou ava gete ki nou plan. Akoz lanbilans ki nou annan ganny servi en kantite e zot bezwen ganny ranplase toudswit. Nou'n fini konmans fer provizyon pou nou *well bann specification* in deza la. Nou zis pou anvoy kot Minister Finans pou kapab ed nou pou *procure* sa bann lanbilans.

Lanbilans ki nou pe *procure* mon krwar sa i anba *LOC* avek *Government of India*. E mon krwar nou pou servi menm model avek ki *SPTC* in servi avek *Exim Bank*. Pe fer sir ki letan nou *procure* lanbilans a *cette fois*, i bann lanbilans ki kapab servi teren

lo Mahe, Praslin ek La Digue. Mersi Onorab.

Me pou *mortuary* eskize Msye Onorab, wi osi sa lannen oubyen lafen lannen oubyen konmansman lannen prosenn. I annan en lanbilans en *four-wheel drive* ki en donasyon ek Japan ki pou arive, ki zot pe delivre. E sa i bann spesifikasyon ki nou ki'n demande. So nou remersye Gouvernman Japon pou ed nou lo la.

Lo kote *mortuary* nou pa'n *allocate* okenn larzan pou spesifikman pou *renovation mortuary*. Me wi, bann *repairs* e bann *additional* ki nou bezwen dan *mortuary*, pou tonm anba sa *maintenance and repair* ki nou'n *allocate* apepre 9milyon dan nou Bidze pou 2023. Mersi.

E sa i aplik pou Corgate Mont-Fleuri osi bann renovasyon, bann *repairs* ki pou annan. Mersi Mr Chair. Mersi Mr Onorab.

### **MR SPEAKER**

Mersi Doctor Louange. Onorab Gill.

### **HON CHURCHILL GILL**

Mersi Mr Chair. Bonn apre midi Minis ek delegasyon. Minis ou a *recall* ki sa lannen ti annan R1.5milyon pou renovasyon Lopital Baie St Anne.

Me selman sa R1.5milyon ti vini apre ki in annan bokou komunikasyon lo leta Lopital Baie St Anne. E sa R1.5milyon ti ganny mete, pou nou kapab adres serten sa bann keksoz. E parey zot konnen nou pa'n kapab adres tou keksoz.

E prezan vi ki mon pa war nanryen pou sa lannen, eski dan vot santral i pou annan serten keksoz ki kapab met akote, pou kontinyen sa travay lo Lopital Baie St Anne ki'n komanse? Sa mon premye kestyon.

Mon dezyenm kestyon i annan en konsern ki mon bezwen met dan ou latansyon. Ozordi Praslin ler i annan en *emergency* nou konnen avyon i ganny *provided*, me selman nou annan osi sityasyon kot sa bann dimoun pa *make it* Mahe, menm si zot pran avyon.

E prezan i kler ki ozordi kot nou'n arive, Praslin i bezwen annan en *emergency room*, ki ekipe avek plizyer lekipman, zisteman pou kapab dres sa pour bann dimoun ki sityasyon i kritik. E menm si ou pou donn zot avyon zot pa pou kapab *make it* Mahe.

Alors mon pe met sa devan Minis. Mon konnen i pa dan Bidze, me selman mon pe met devan ou, en keksoz ki i bezwen konmans annan en

konversasyon lo la pour bann zabitan Praslin. Mersi.

### **MR SPEAKER**

Mersi. Minis? Panel?

### **MINISTER PEGGY VIDOT**

Mersi Mr Speaker. Mersi Onorab pour ou kestyon. Wi nou napa en laliny ki nou'n dir pour renovasyon Praslin, osi non pour *maintenance*. Me selman tousala i santralize dan sa ki dokter fek mansyonnen nou annan, pour *maintenance*.

An term si nou bezwen pe regarde kan mannyer nou kapab adres bann *emergency* Praslin, La Digue e lezot zil ? Wi i keksoz ki *part of* nou stratezi pour regarde ki mannyer nou kapab fer sa. I enn bann opsyon ki nou pe regarde.

Par egzant se ler i annan sa bann kalite *emergency* ki pasyan pa pe kapab bouze, ki nou, nou bouze avek tim, pour al dan sa landrwa pour fer bann tretman neseser. Pour stabiliz pasyan avan ler pasyan i kapab ganny evakye pour al pli lwen. E sa i *part of* nou stratezi pour Praslin.

Praslin i annan parey ou konnen en lasal kot *emergency*, kot *theatre*. Kot i annan serten keksoz i kapab ganny fer. Me pour le moman i bezwen en pe travay avan ler

nou kapab fer keksoz plis.  
Mersi.

### **MR SPEAKER**

*Thank you.* Onorab Adelaide.

### **HON FRANCOIS ADELAIDE**

Mersi Mr Chair. Bonn apre midi tou dimoun. Dabor Minis avek ou lekip mon le felisit zot pour sa bon travay ki zot in fer. Nou fek sorti dan *Covid* e zot in montre zot rezilyan. E osi mon war zot tou pe riye savedir zot in fer en travay formidab.

E mwan konman sa reprezantan pour distrik Baie Lazare, mon anvi lo lapar tou dimoun Baie Lazare, eksprim nou lapresyasyon. E dir zot mersi pour sa bon travay ki zot in fer pour nou pei.

Prezan sa ki fer mwan pli kontan ankor Mr Speaker. Mon war R9milyon in ganny mete pour *Health Centre* Baie Lazare. So sa ou konnen apre en bon pe letan nou pe lager. E la nou war pou dir Gouvernman Sesel in *committed* pour donn 9milyon. Petet eksplik nou en pti gin ki mannyer sa 9milyon pour ganny depanse.

Eski zot in konmans diskite lokasyon? Akoz annan en pe konsern ek lokasyon. Apre petet kan ki nou pou petet koup riban. Kantite letan pour nou kapab koup sa riban

e met sa latansyon a laporte dimoun Baie Lazare ? Mersi.

### **MR SPEAKER**

*Thank you.* Dr Louange.

### **CEO HCA DANNY LOUANGE**

Mersi Mr Chair. Mersi Onorab pour ou kestyon. Lo kote Baie Lazare, premyerman mersi Onorab pour bann mo tre ankourazan. Mersi e lo la par tou bann *staff* Lasante, mon dir ou en gro mersi.

Me lo kote sa lokasyon ki'n mete osi nou kontan. Akoz sa 2023 nou ava fer sir ki sa i ava konmanse. E nou'n fini annan en plan. Sa plan nou'n – mon krwar nou pa ankor ganny sans diskit ek ou akoz i ankor bann *internal discussion* ki nou le fer en fasilite pour Baie Lazare, pour popilasyon Baie Lazare. Ki kapab deservi tou sa bezwen Baie Lazare.

E i osi bezwen anliny avek Polisi Minister Lasante. E i annan en plan ki'n – en *design*. Pa menm en plan - en *design* ki'n fini ganny fer avek sa travay ki nou pe fer an kolaborasyon avek SIA. I zis reste pour revize, konfirmen apre move nou bann *step BOQ and so on*. Apre *tender*, apre konmans konstriksyon. So i en keksoz pozitiv pour nou osi. Mersi Onorab.

### **MR SPEAKER**

Wi, klarifikasyon Onorab?

**HON FRANCOIS ADELAIDE**

Wi, wi. Petet Mr Louange *at least* dir nou petet – si ou kapab - petet bann servis. *At least* bann servis ki pou annan ladan. Pour ki nou dimoun deza i konmans prepar zot pour dir sa pou ariv a zot laporte. Mersi.

**MR SPEAKER**

*Thank you. Yes Doctor?*

**CEO HCA DANNY LOUANGE**

Mersi Mr Chair. Mersi Onorab pour demann sa klarifikasyon. Mon krwar i enportan pour zabitan Baie Lazare i konnen. E menm nou'n fer 2, 3 vizit kot sa sant. Nou vvar ki i annan en pe defi. I annan landrwa i sere. Sirtou lo kote dokter, farmasi. Sa *emergency dressing*, tousala i pou ganny adrese.

So servis ki nou pou donnen – ki nou pou mete Baie Lazare, dan nouvo facilite, pou annan dokter konsiltasyon, farmasi, *dressing, emergency*. Pour bann programm parey; *antenatal, postnatal, child health, family planning*. Nou pou osi annan *nursing. Nursing facility. School health*. Apre osi nou pe entrodwir osi *domiciliary care* lannen prosen. E dantis osi nou pou mete.

E sa nou pou servi menm landrwa ki bor nou ete. Ki bor

sa facilite i *locate right now*. Mersi Onorab.

**MR SPEAKER**

*Thank you. Onorab Aglae.*

**HON EGBERT AGLAE**

Mersi Mr Chair. Bonn apre midi ankor - *Panel*. CEO mon'n tann ou dir poudir – si mon korek ou a dir mwan. Ou annan 20 lanbilans. Mon ti a kontan konnen ladan, eski tou sa lanbilans i fonksyonnel? Akoz nou ankor pe tann dir napa lanbilans ler dimoun pe demande? Sa i enn.

Dezyenmman mon ti a kontan ou ekliersi nou, si dan sa Bidze, an vi ki i annan lanons ki'n fer dan *speech* Bidze Minis, ki kot i konsern *Cleaners Corporative*, ki *by next year* i annan bokou bann *non-core* ki sa i bann *cleaners*, ki sipoze pou ganny anploye anba zot bann Departman. E vi ki Minister Lasante i enn sa bann Departman ki anploy en kantite.

Eski provizyon in fer dan Bidze, pou kapab abzorb ouswa petet, Finans i la. Si pou annan transfer finansyel ki pou ganny transfer pour Minister Lasante kapab abzorb sa bann travayer? Mersi.

**MR SPEAKER**

*Thank you. Onorab.*

### **MINISTER PEGGY VIDOT**

Mersi Onorab pour ou kestyon. Kestyon lo kantite lanbilans ki annan e ki kantite ki pe marse, Dr Louange i ava donn sa repons. Me zis pou dir par egzanp letan nou pe regard nou statistik, an mwayenn nou pe ganny aprosan 77 *calls* pour lanbilans par zour dan sa dernyen mwan - 2 mwan ki'n pase. So i zis montre lakantite *runs* ki lanbilans i bezwen pe fer. Me an term sa nou ava pe kapab fer.

Lo kote ki pou arrive avek *cleaners* pour Minister Lasante, an vi nou en gran organizasyon ki pran bann *cleaners from Cleaners Corporative*, mon ti ava demann Miss Tamatave pour reponn sa kestyon, an vi sa i en keksoz ki Finans pe travay lo la. Me zis pou dir konbyen lanbilans ou annan, CEO.

### **MR SPEAKER**

Dr Louange ou a konmanse?

### **CEO HCA DANNY LOUANGE**

Mersi Mr Chair. Mersi Minister. Mersi Onorab pour ou kestyon. Pour lanbilans nou annan nou 24 lanbilans. Me dan sa 24 lanbilans en kantite zot in vyei. In deservi nou ase. I annan 6 ki par lao 10an. E plis ki 10 par lao 7an. E menm nou annan en group TATA, lanbilans TATA ki osi pa

kapab fer travay lo sa teren ki nou annan Sessel.

So i fer ki i reste nou zis apepre en 6enn - mwens ki 10 lanbilans ki fonksyonnen. Now ki nou pe fer. Lo Mahe nou annan nou 5 lanbilans ki *fully operational*. I annan nou 3 lanbilans santral ki travay closely avek *Seychelles Hospital*; enn Anse Boileau, enn Anse Royale. Apre i annan enn ki Anse Aux Pins i dan garaz pe sorti lafen lasemenn.

Me ki nou'n vwar - parey Minis in dir - ki nou'n vwar resaman la i annan en logmantasyon bann *calls* ki nou'n gannyen dan lanbilans, ki plis ki par ler 50poursan ki nou ti pe vwar dan 2021-2020. E nou pa konnen akoz.

Me ki nou pe vwar selman zis 44poursan sa bann *calls*, oubyen sa bann *dispatchment* ki nou'n fer, i bann *acute cases* oubyen bann *emergency* bann aksidan. Zis 44poursan. Lezot 66poursan i bann dimoun ki pe demann *back home*, oubyen pe demann pour zot al dan klinik. So nou pe osi re aranze.

Nou pa kapab anpes dimoun *call* lanbilans. Me selman nou pe demann manm piblik pour si zot kapab, si i pa en *acute illness* oubyen en aksidan, sey demann dan kominate. E nou tou nou reste

dan en kominote. Si nou kapab ed kanmarad pour anmenn zot kot SOPD, oubyen si zot pe ganny desarze. Si i annan en *neighbour* i kapab ede, pour zot kapab fer *back home* pour zot *neighbours*, ti ava ed nou tir sa *work load* lo lanbilans.

Me sanmenm sa ki Minister Finans pe travay ek nou *closely*, pour nou kapab ranplas nou lanbilans *over time*. So the next 3 years nou pou'n ganny nou 15 lanbilans, avek sa enn ki nou pe gannyen avek Gouvernman Zapon.

### **MR SPEAKER**

Thank you. Lo *Cleaners Corporative*. Minister Finans, Ms Tamatave ou ti'n ganny demande pour adrese.

### **COMPTROLLER GENERAL ASTRIDE TAMATAVE**

Mersi Mr Chair. Mersi Onorab pour ou kestyon. Mr Chair pour *Cleaners Corporative* pour 2024, Lasante i annan sa bann travayer ki *currently* anploye anba *Health Care Agency*, ki pour ganny transfer anba the *Health Care Agency* an 2024. E le neseser in ganny fer pour zot provizyon saler, ki entegre zot *salary review* e osi zot *13th month*.

E pour 2024 en total 89milyon i dan Bidze *HCA* pour bann *Cleaners Corporative*. Mersi Mr Chair.

### **MR SPEAKER**

Yes klarifikasiyon, Onorab?

### **HON EGBERT AGLAE**

Yes. Mersi Ms Tamatave. Apre CEO. CEO lo size lanbilans petet parey dan lepase nou konnen sekter prive ti antre osi, ti ede avek bann NGOs. Eski in annan en lantant la petet in ganny lapros, pour osi kapab donn en koudmen si zot kapab. Parey ti annan programm CSR avan? Kot ti annan bann *sponsorship* ki ti vini?

An vi ki i annan serten dimoun la par egzanp, mon pou donn en senp legzanp ;-kot dyaliz. Zot pe demande ki zot ti a kontan zot prop lanbilans, ki zis pour zot servi. So si i annan petet ladan ki pare pou donnen, i ava dir "be sa mwan mon pe *sponsor lanbilans* pour dyaliz." Ouswa pour en lot servis.

Akoz ler ou pe tro melanz servis ansanm – zot konn byen zot dan Lasante, i annan bann lefe negativ osi ki atase avek. Mersi.

### **MR SPEAKER**

Byen CEO ou kapab eklersi sa dan 1, 2 fraz *please*.

### **CEO HCA DANNY LOUANGE**

Mersi Mr Chair. Mersi Msye Onorab. I en propozisyon ki nou kapab eksplorie. Mersi.

Yes klarifye please.

### **MR SPEAKER**

*Thank you.* Onorab Hoareau.

### **HON JOHN HOAREAU**

Mersi Mr Chair. Mr Chair mon kestyon i baze lo en lanons ki ti pou annan en *Isolation Unit* ki ti pour ganny fer o bor lopital. Eski sa i ankor - oubyen eski sa i dan Bidze ?

Eski osi – mon vwar pou dir i annan 8milyon pour *quality assurance*. Eski lopital zot annan sa bann *staff* pour sa divizyon? Oubyen zot pe panse pour *recruit* nouvo *staff*? Akoz mon pa war nanryen anba ‘*new spending initiative*’ lo sa nivo? E osi Mr Chair.

### **MR SPEAKER**

Onorab ou’n ganny 2 kestyon.  
*Thank you.*

### **HON JOHN HOAREAU**

*All right.*

### **MINISTER PEGGY VIDOT**

Mersi Mr Chair. Mersi Onorab pour ou kestyon. Mon krwar mon’n konpran ou. Ou pe demann nou lo *operating theatre* pour *Eye Clinic*. Is that correct?

### **HON JOHN HOAREAU**

Non mon ti pe demann lo *Isolation Centre*.

### **MR SPEAKER**

### **HON JOHN HOAREAU**

Sant Izolasyon *proper* ki pou fer kot lopital.

### **MINISTER PEGGY VIDOT**

Onorab mersi pour ou kestyon. *Isolation Centre* ti nou programm pou ganny fer avan ler nou ti ganny serten donasyon. Me avek letan *Covid*, nou’n vwar nou pe fer 2 batiman ki nou’n servi koman *isolation centre* pandan *Covid*.

E sa 2 batiman nou’n met an plas bann diferan lekipman. E nou’n *design* li dan en fason, ki pou ed nou pour nou izol dimoun si nou bezwen. Nou annan an tou an se moman 40 lili dan en premye fasilité. E 60 lili dan 2enm fasilité. Ki fer nou ava annan en santenn lili pour izolasyon si nou bezwen.

Pour le moman sa sant izolasyon ki ti pou fer o bor lopital, i pa pou ganny fer akoz nou deza annan en fasilité.

2enm ou’n demann nou lo lefe ki nou anvi fer – nou le konmans *quality assurance*, si nou pe annan Bidze pour sa. Sa nou annan deza 2 dimoun ki’n ganny idantifye ki pe travay dan sa inite. E nou pe fer serten *training* deza. Nou annan - si oule en korperasyon - en diskisyon avek *Oxford University*, ki’n ed

nou avek diferan programm  
*during Covid time.*

E zot, zot enn ki pare pour ed nou pou devlop en pe plis sa *quality assurance - train* nou dimoun. Dan nou Bidze *training*, i annan alokasyon ki nou pe fer pour fer *training* lo *quality assurance*.

I pa pou neseser ki nou-*recruit* novo dimoun pour ladan. Me nou pou *train* dimoun ki dan servis lo laspe *quality assurance*. Mersi.

### **MR SPEAKER**

*Thank you.* Onorab Lemiel

### **HON SYLVIANNE LEMIEL**

Mersi Mr Chair. Bonn apre midi Dr Louange avek novo lekip ki'n antre pour Minister Lasante. Mon kestyon i an term provizyon lekipman pour lanbilans. Par egzanz *suction machine, splint, monitor*. Mon ti pe regarde si petet Bidze *Health Care Agency*, pe fer provizyon pour sa bann lekipman enportan ki merit annan dan lanbilans.

*Emergency and outpatient clinic* Anse Royale, mon pa vvar nanryen sa voyaz dan Bidze e mon ti a kontan ki petet Minis ou ti a donn mwan en pti kontrandi, *or* bann dimoun ki pe ekoute en pti kontrandi. Ki zistans nou ete avek sa? Akoz Bidze 2023 pa'n fer okenn provizyon pour li. So

eski *still* lo plan Minister Lasante pour *go along* ek sa?

Dan bann *maintenance* osi ki CEO in mansyonnen pou dir i pe fer dan bann *Health Centres*, petet mazin byen Lopital Anse Royale akoz i annan en bon pti pe *maintenance* ki merit ganny fer; par egzanz dan *Observation Room* i demann fan, i demann re aranze sa bann *air-condition*. I demann pase pou fer en bon pti pe *maintenance*.

So mon pe mazinen petet dan Bidze 2023 ki'n ganny fer pour *overall maintenance* dan tou sa bann *Health Centres*, mazin Lopital Anse Royale. Mersi.

### **MR SPEAKER**

Mersi.

### **MINISTER PEGGY VIDOT**

Mersi Mr Chair. Mersi Onorab pour ou kestyon lo *out patient* avek *emergency unit* pour Anse royale. Wi i pa dan Bidze ki nou pe diskite ozordi. Me i ankor lo nou *drawing board*. I ankor lo nou plan. I pa dan Bidze akoz i ankor annan diskisyon. Nou ankor an diskisyon avek sa *donor*, pour regarde egzakteman ki kantite keksoz ki nou – ki kantite i pour koute pour diferan laspe.

An vi ki sa i pe fer avek en serten group lopital. Parey mon'n dir oparavan. E ki nou

pou pe annan si oule en servis kot lopital dan Lanmerik ti pe ed nou pour fer serten *monitoring*. Serten *e-consultation* - nou pasyan sirtou dan *emergency*.

Sa i ankor pe an diskisyon pou regarde ki mannyer nou kapab *get the best solution from sa e sa*, sa laspe pa ankor fini ganny kalkile pou enkli dan sa Bidze. Alor lefe ki nou'n napa en kou ki'n ase finalize, i pa'n ganny met dan sa Bidze. Me i ankor an diskisyon.

E Minis Finans in fer resorti pou dir dek ki sa i ava mete – an vi i en don, letan nou pe fer laspe sirtou lo *Mid-year Review*, sa i ava antre. Me i pa en keksoz ki nou – i en keksoz ki nou byen anvi annan. Akoz parey ou konnen pour nou annan en bon *emergency unit* dan sid, i en keksoz – i en stratezi ki nou santi poudir nou bezwen. Akoz nou bezwen annan fasilite dan diferan par nou pei. Mersi.

### **MR SPEAKER**

*Thank you.* Lekipman dan lanbilans lekel ki pou adrese? *Doctor.*

### **CEO HCA DANNY LOUANGE**

Mersi Mr Chair. Mersi Onorab pour sa kestyon. Lekipman dan lanbilans wi Bidze i *provide* pour bann lekipman dan lanbilans. Me letan nou

aste lanbilans, nou aste en lanbilans ki *fully equipped* avek tou son bann lekipman ;

*Monitoring, stretcher.*

Lekipman pour loksizenn. E tou son bann – parey *hard board, soft board*. Tou sa bann lekipman ki devret dan en lanbilans, letan nou aste en lanbilans sa bann spesifikasyon ki nou donnen.

E mon krwar ki en pwen ki ou pe fer sorti, si nou ranplase, si in kase, si in perdi. Wi nou annan provizyon pour nou kapab ranplase. E la ki ou'n mansyonn sa, mon ava tyek ek nou tim pou fer sir ki si i annan lekipman ki manke, zot met en *requisition* pour zot kapab ranplas sa bann lekipman ki manke.

E menm bann lekipman osi *EMT* osi vin avek en sak ki nou'n *provide* zot, ki annan tou bann lekipman pour *resuscitate* en pasyan. So sa osi dek ki ou'n mansyonn sa, mon a fer nou tim gete, fer en *supervisory visit* lo la.

Lo kote *maintenance* pour Anse Royale nou annan en kontrakter Anse Royale pour *maintenance and repairs*. Si i annan keksoz *additional then* sa i a tonm dan en lot kategori.. Me si i annan bann konsern ki ou'n fer sorti ki la ou'n fer leve la, mon ava koz avek nou tim Anse Royale, fer sir ki sa bann i kapab ganny regle par son kontrakter ki

nou annan en Kontra pour li *maintain and repair* Anse Royale. Mersi Onorab.

**MR SPEAKER**

*Thank you.* Wi ou klarifikasyon?

**HON SYLVANNE LEMIEL**

Wi Mr Chair - si zot pe dir mwan zot annan en kontrakter, akoz i en pti pe lontan sa - ki par egzanp *Observation Room* i san *fan*, bann keksoz koumsa. Akoz mon'n al laba ek pasyan, pasyan i vreman enkonfortab.

Apre *CEO* mon pe mazinen letan ou pe koz lo kontrakter ek lopital, mon pe mazinen ou annan kontrakter pour *grounds* tou - an deor lopital ki fer *grounds* deor.

Me an menm tan mon oule *remind* zot i annan sa morso ki nou ti netwaye ki later Minister Lasante menm. Petet fer provizyon dan Bidze 2023, akoz landrwa pe re sal ankor. Pangar bann dimoun i a retourn ankor lo sa *site*. Petet ti a bon Minis provizyon pour dan Bidze 2023 i ganny fer pou kit sa *site* prop - netwaye a toultan. Mersi.

**MR SPEAKER**

Mersi. Dokter ou'n note oubyen ou ti a kontan azout en pti klarifikasyon?

**CEO HCA DANNY LOUANGE**

Mr Chair mon note. Mersi.

**MR SPEAKER**

*Thank you.* Onorab William?

**HON WAVEN WILLIAM**

Mersi Mr Chairman. Mon anvi enport latansyon Minis lo *current challenges*; - *Bullet point* 11 kot zot pe koz retar dan *supply* lokal avek *overseas*, ki pe donn en rezulta deteryorasyon dan relasyon avek sa bann *suppliers*. So pour nou kapab konpran en pti pe bann difikilte, so si Minis i kapab eksplike ; - enn, ki pei nou pe fer vini bann latizann, e konbyen bann *suppliers* ki annan?

Dezyenmman Mr Chairman, mon anvi refer zot avek *strategic priorities* anba *bullet point* '*protect and improve universal health*' 3enm *bullet point* - mon anvi port a latansyon Minis, lo sa size *Alzheimer's Foundation* ki ti pe anvi travay pros avek zot. Pe rod en landrwa North East Point.

So, en bon pe letan depi anba ansyen Gouvernman avek la *the current Government*. So, ki posibilite ki Minister zot kapab aport sa sipor avek *Alzheimer's Foundation*? Akoz i en servis ki neseser e esansyel. Nou konnen pou dir Minister napa ase resours. So la vwala *NGO*

ki anvi ede. So ki zot kapab fer pour zot? Mersi.

### **MR SPEAKER**

*Thank you. Panel?*

### **MINISTER PEGGY VIDOT**

Mersi Onorab. Mersi Chair pour donn nou loportinite pour reponn. *Challenges* ki nou pe rankontre avek diferan *suppliers* lo size *procurement* latizann, i divers e i depan kote *suppliers*. Ou'n demann mwan ki pei? I diferan pei.

Parey mon'n deza dir poudir depi sirtou letan *Covid*, in annan en kantite koupir dan *supply chain*. E serten latizann kot nou ti abitye *order* - dizon dan Lenn, zot nepli pe eksporte pour le moman. Ou sinon letan i eksporte i donn ou en dat arive, ler sa dat arive i pres pou arive, zot donn ou en lot *delivery date* ankor, ki ale pli lwen. E sa nou'n war avek diferan pei pa zis Lenn - avek *L'Angleterre*, avek lezot pei osi.

So sa i depan en pti pe lo kantite ki nou, nou pe *order*. E i annan osi ki vreman akoz nou kantite i pa bokou, zot pa pe vwar li fasil pour zot *honour*, akoz nou pa pe *meet* zot *minimum order* ki ankor zot in sanz en pe sirtou depi linterval *Covid*.

Mon krwar mon bezwen dir osi pou dir, par egzanp nou *quality assurance* laboratwar

parey mon'n dir bomaten, i teste diferan medikaman ki nou, nou enporte. E resaman kan nou'n ganny dir pou dir nou napa *amoxicillin* pour zanfan, nou napa *agmatine* pour zanfan dan pei, i pa akoz ki nou pa'n enporte.

Nou'n enport li a tan, me ler nou *batch* in ariv Sesel, ler nou'n teste i pa *meet* nou *quality*. E pour n ou si pa *meet quality* nou pa pou servi. Alors si in pran nou 3 mwan pour nou ganny li, definitivman nou pou annan en *stock out*. E sa i en pe bann problem ki nou pe rankontre.

Lo size *Alzheimer's Foundation*, wi nou'n zwenn avek zot. E nou'n diskite nou'n al vwar landrwa kot zot oule, North East Point Hospital. Nou pare pour nou met sa facilite a zot dispozisyon. Me selman pour le moman, an vi ki nou, nou ti pe fer renovasyon laba, sa landrwa kot nou pou donn zot, nou ankor pe servi pou tir pasyan lo en kote, pou met li la. Met zot la letan ki nou pe repar lot kote.

Me dek – ki zot konnen dek ki sa travay pour nou i fini, sa landrwa pour ganny met a zot dispozisyon. Akoz nou osi nou kontan travay diferan group. Akoz nou stratezi se pour nou donn swen tou group dimoun dan sosyete. Mersi.

Bon 2 kestyon prezan Onorab?

### **MR SPEAKER**

Mersi Minis. Nou'n depas 3er edmi selman mon pou prolonge. I reste mwan zis 4 Manm lo lalis. Mon a termin mon lalis la. E mon krwar i ava ede pour bann Manm kapab ariv dan lakour en pe pli boner. Onorab Pillay?

### **HON SEBASTIEN PILLAY**

Mersi Mr Chairman. Bonn apre midi Minis. Bonn apre midi Dr Danny Louange avek ou delegasyon. Mr Chair mon kontan Minis in koz lo sa *stockout*, akoz nou ti deza refer ou lo sa size sa *stock-out* e ou *still* annan serten problem vizavi serten medikaman an se ki konsern dyabet e *blood pressure*.

E mon krwar i en portan ki zot adres sa, akoz bokou bann pansiyoner i bezwen sa 2 medikaman. E pour al *purchase* li lo en *private pharmacy*, i bokou pli ser, bokou pli difisil. So mon met sa a ou latansyon ki ou bezwen *handle* sa. Prezan Mr Chairman ...

### **MR SPEAKER**

Anr sa i pa en kestyon sa? Zis ou'n met a son latansyon.

### **HON SEBASTIEN PILLAY**

Mersi.

### **MR SPEAKER**

### **HON SEBASTIEN PILLAY**

Mersi Mr Chairman. Ler nou regard ou Bidze, mon vwar serten gro konponan i al ver *haemodialysis - dialysis*. E ou annan 65mil ki al ver *medical supplies*. E prezan an se ki konsern dializ, in annan pa mal konsern eksprimen par pasyan *regarding post sesyon* pour zot ariv se zot. Nou pe pey R76mil - ki nou pe fer pour asire ki the *quality of servis* ki pe ganny ofer i reste alaoter?

E prezan sa ki vin ansanm ek dializ, se konsernan sa *food ration and supplies*, ki sa 16.5milyon ki nou peye. E la osi nou annan pa mal konsern lo sa 16.5milyon ki nou pe depanse dan *food ration and supplies*, lo kalite manze ki pe ganny ofer.

So ki sistenm ou annan an plas *internally*, pou asire ki ler nou pe depans nou en pti pe plis ki R92milyon, ki sa servis ki nou pe gannyen pour R92milyon i alaoter sa larzan ki nou pe depanse? Premyerman.

Dezyenm konponan; so ou annan en konponan servis ki ganny donneen avek endividé.

2enm konponan enportan dan mon kestyon, se an se ki konsern bann staff

bann dimoun ki travay dan Minister Lasante. Minis ou'n deza konn nou pozisyon lo trezyenm mwan e mon krwar ou dakor ek sa pozisyon. E mon konnen ou pou al koz ek Gouvernman pour sa. Me – (savedir donn tou travayer Minister Lasante zot trezyenm mwan an plen) me selman Minis i annan enn de keksoz mon ti a kontan klarifye;

Mon vwar ki anba *overtime* 2023, an 2022 5.1milyon - 2023 i 3.6milyon. Mon ti a kontan ganny en klarifikasyon, sa bann *allowance excluding PSE, overtime, other allowances* - 15.1milyon. *Allowances including PSE* mon war ankor 52milyon.

Petet si Minister Lasante – Departman Servis Swen Lasante i kapab eksplik nou, eski zot annan problem alor – (prenon kont lakantite larzan ki ganny mete dan sa bann diferan *allowances*) kote ki annan problem kot nou pe *still tann bann konplent* ki, par egzanp *Paramedic* pe ganny R50 *night duty*. Lot pe ganny zis -. *Where is the problem* konmsi?

Kwa ki pa pe ganny adrese? Ki kalite keksoz ki manke ki petet lo en nivo staff, pour fer li ler nou pe met sa bann larzan, nou kapab *adequate* li, fer sir pou dir tou dimoun ki pe donn en servis

Minister Lasante, pe ganny *adequately remunerated* pour sa? Mersi Mr Chairman.

### **MR SPEAKER**

*Thank you. Nou a pran sa bann kestyon. Panel?*

### **MINISTER PEGGY VIDOT**

Mersi Mr Chair. Mersi Onorab. Onorab i annan diferan bout kestyon e nou ava demann diferan dimoun pour reponn. Mon a konmans avek dokter, CEO ki i ava donn nou repons lo bann gran bout. Bann diferan *allowances* ki differan group dimoun i gannyen, mon kapab demann avek *DG HR* pou dir nou.

E si fodre ki *financial controller* I a dir nou kote ki sa bann *allowances* pe ganny peye. Me sa ki mon kapab dir Onorab, se ki wi nou pe regarde pou fer sir. Akoz *welfare* nou *staff* i en keksoz ki nou valorize, ki nou krwar nou anvi fer sir ki i byen. Akoz parey nou'n dir si nou annan *staff* ki *happy*, zot produktivite i ava plis.

I annan serten *allowances* kekfwa ki pa tro konpran. Par egzanp R50 i pa R50 pour akoz i *night duty*. R50 pour *meal allowance*. So sa i ava ganny eksplike en pti kou. Ok? Mersi.

### **MR SPEAKER**

Mersi. Wi Dr Louange ou pou pran premye.

### **CEO HCA DANNY LOUANGE**

Wi. Mersi Mr Chair. Mersi Onorab pour ou kestyon. Mon krwar i enportan ki nou *monitor* servis ki nou pe gannyen avek sa lakonpannyen ki pe *provide* nou avek *haemodialysis*.

*Health Care Agency* menm dan sa lagreman i annan en Komite ki nou nou'n agree ki pou annan, pour get kalite servis ki *haemodialysis* – sa lakonpannyen dyaliz i donn nou. E sa i en Komite ki aktiv.

E zot sa Komite ki *provide* lenformasyon kot pour Lopital Sesel, pou dir si sa servis ki sa lakonpannyen dyaliz pe donnen i bon oubyen non. So i annan en Komite ki annan en manm *Health Care Agency*.

I annan *members* dan *Management of Health Care Agency*. Apre osi i annan osi manm dan sa lakonpannyen. So i annan en Komite ki pe *monitor* servis ki sa lakonpannyen pe *provide*.

Lo kote *food and supplies*; - Wi i annan en kantite larzan ki al ladan. E sa i en servis ki nou bezwen donn nou bann pasyan. Nou bezwen donn zot manze letan zot in *admit*, oubyen letan zot dan nou bann facilite.

E lakonpannyen ki nou pe travay avek pour *provide* sa *supply* i *Skychef*. E nou annan en Komite osi ki lo kalite manze. E dan sa komite i annan *nutritionist*. I annan *staff* ki sorti dan *support services* - that is ki asosye avek donn manze. E zot, zot obzerv kalite manze ki vini.

*Nutritionist* i get sa konponan *diet* dan sa ki zot pe donne. E sa letan nou'n ganny nou bann *finding*, zot rapport tou le *quarter*. E letan i annan bann *issues*, i ganny leve avek sa *supplier*. E sa nou ti a swete ti ava pli aktiv, pli bon. Me zot pe fer zot louvraz e mon apresye ki i annan en serten *monitoring* ek *evaluation* ki pe *go on*.

Apre pour dyaliz mon'n blyie, Minis in fer sorti ki 2019 nou ti rod en tim sorti *Australie* pour fer en *clinical audit* lo dyaliz. E avek sa *clinical audit* in annan bann defi, bann *deficiencies* ki nou'n vvar. E ki nou'n travay avek sa lakonpannyen pour nou adrese. I annan ankor ki *long term*, ki nou bezwen travay avek zot.

Me sa bann mezir ki nou'n mete an plas, pou fer sir ki sa kalite servis ki nou'n gannyen avek sa lakonpannyen dyaliz i bon. Mersi Mr Chair.

### **MR SPEAKER**

Eski ti annan okenn dernyen pwen lo size finans? Yes madanm Louis.

**DG MARIE-JOSETTE LOUIS**

Mersi Onorab. Kot i konsern *allowances* dan *HCA* i annan apepre en 30tenn *Scheme of Service*. E sa bann diferan *Scheme of Service* i annan diferan kalite *allowances*. *Allowances* depandan spesifisite zot travay ki zot fer. E tou travayer ler i antre, zot *letter of appointment* i spesifye lo la ki *allowance* zot pou gannyen.

E dan ka zot sorti dan – petet i annan transfer. Si i sanze zot ganny notifye lo la. Epi i annan bann adisyonnell ki pa neseserman zot ganny tou le mwan. I depan, i vin lo *claim basis*.

Sa ki Minis ti fer referans; - *meal allowance*, apre annan de ler depandan *overtime*. E sa *as long* ki zot *claim* sa, sa ki zot gannyen. I annan bann *code* ki dir ki zot gannyen pour sak kalite travay, ki zot fer depandan lo sa *allowance*.

Si i annan okenn lenstans ki kekfwa i annan travayer, i santi i pa pe ganny son *allowance*, so mon sizere kekfwa zot pas kot nou, nou a kapab eksplik zot e rezourd okenn problem ki egziste. Mersi.

**MR SPEAKER**

Mersi. Onorab ou a terminen silvouple. Ou'n annan plizyer kestyon. E osi ou'n apel pou pey long servis *allowance* ankor, so ou klarifikasiyon silvouple?

**HON SEBASTIEN PILLAY**

Mersi Mr Speaker. Mon kontan ou pe konmans vin lo mon kote pour ou dakor ek sa. Mr Speaker mon ti le fer 2 pwen. Konmsi vreman vitman en, premye pwen se ki i enportan ki zot *take onboard* bann konsern ki ganny eksprimen, pour ki *internally* zot annan en *mechanism* dan plas ki nou, nou bezwen vin an deor.

Akoz mon pe siporte zot Bidze mwan, i enportan zot Bidze. Mon ti a kontan fer sir pou dir mon pe fer mon mye pou fer zot Bidze delivre lo sa ki lo la. Prezan ler mon vin lo delivre lo sa ki lo la Mr Chairman, si nou adres size *staff welfare*, nou adres zot lanvi travay, zot *delivery*, zot *output*.

E si nou adres bann *inputs* ki nou pe mete par egzanp dan dyaliz, nou *increase the quality* e dimoun i pli sa ...

So dernyen pwen ki mon ti oule klarifye. Dan *inputs*, nou'n met 76milyon. Lannen pase nou'n met 50milyon pour *MRI*. So kote zot ete la avek sa

*MRI?* E kan eski nou pe espekte ki i pou ariv dan pei, ganny enstale e konmans rann en servis?

Akoz nou bann servis par egzanp *angiogram* ozordi, ki nou pa pe kapab fer isi. Bokou dimoun i al aletranze pou fer. *And is very costly aletranze.* Swa *Dubai* pou fer *angiogram*, swa *Singapore* pou fer *angiogram*.

So ki nou pe fer? *Angiogram* i enportan akoz lensidan latak leker Sesel, i en keksoz ki ekstrememan o. So petet mon ti a kontan ganny en keksoz lo la. Akoz bokou dimoun ki pe ekout mwan, bokou dimoun la anndan osi i riske - nenport ki dimoun i riske kapab ganny en *stroke*.

So mon ti a kontan konnen ki nou pe fer pour annan en *system* an plas, ki nou kapab *deal* avek sa? Mersi Mr Chairman.

### **MR SPEAKER**

*Thank you.* N ou annan en komanter apre en kestyon lo *MRI*. *Panel?* Dr Louange.

### **CEO HCA DANNY LOUANGE**

Mersi Mr Chair. Mersi Onorab pour demann sa klarifikasyon. Wi lo kote – e nou remersye ou pour sa komanter ki ou'n pase, nou ava *take note*. Lo kote *MRI*, wi i enportan. Parey ou'n fer sorti i enportan ki servis i kontinyen.

So nou *MRI* i fonksyonnel la. *CT scan* e fonksyonnen. Nou annan 2 *CT scan*. Enn *state of the art*. En lot osi pli pti pou fer bann *scan* dan bann sityasyon aksidan. *MRI* i fonksyonnen sa ki nou annan.

Me akoz nou pe rod en lot *MRI*, akoz sa enn in depas lo *lifespan*. E si i kase i pou pli difisil pour nou kapab soz. Alor sanmenm sa ki nou'n demann Gouvernman e nou *happy* ki zot osi zot in siport nou, pou sa 50milyon pou nou kapab aste en *MIR*.

E enn bann pli- *most expensive equipment* dan Minister Lasante. E sa *MIR* pou koz *Angiograph* - *angiogram* - *CT angiogram* sa nou ankor pe fer. I ankor fonksyonnel. E resaman ti annan en *issue software*, me sa nou pe rezourd.

Me lo kote *MIR* akoz nou bezwen fer sir ki sa *MIR* ki nou pe anmennen avek sa 50milyon, i *the right* lekipman pou nou. Sirtou lo kote akoz nou'n realize ki nou bezwen *MIR* ki – I annan detrwa *specification* ki nou le, ki nou napa ek sa *MIR* ki nou annan la. Ki'n ek nou plis ki 10an. Groser e son rezolisyon i devret pli bon. Son *speed* i devret pli bon. Apre osi i annan en deba lo si nou

bezwen *lithium* oubyen pa *lithium*.

I annan bann lezot *technical specifications* ki nou pe get ladan. E nou'n fini fer en papye lo la. Nou'n envoye kot *POU* pou *vet*. Pou nou kapab *sent out for tender*. Nou pe demann *POU for selective tender*, akoz i annan zis detrwa mark, *brand* ki akseptab. Lezot i pou en pe pli difisil pou *Maintain*. So dek ki nou *selective bidding* i *approve* la nou pou *tender* li *out and all*.

Me selman pou kapab *MIR* enstale Sesel, i annan ki pran *at least 6 mwan*. Akoz i annan son *manufacturer* i bezwen *set up* sa masin. Letan i vini nou bezwen prepar landrwa pou enstale.

I pran en pe letan osi pou *commission* sa masin. So mwan - avek sa bann teknisyen in *advise* mwan ki i pou pran apepre 6mwan pou *commission* en *MIR*. Mersi Mr Chairman.

### **MR SPEAKER**

Mersi Dr Louange. Onorab Henrie.

### **HON GERVAIS HENRIE**

Mersi Mr Chair. Bonn apre midi tou dimoun. Mr Chair mon konsyan ki bokou keksoz in ganny dir apre midi. Me lefe

ki mon kestyon i preski dernyen, i ava donn *panel* en loportinite, pou *recap* en pti pe vizyon Minister *Health Care Agency*, atraver sa Bidze pou 2023.

Parski ler nou get son kantite larzan i enportan ki *tax payers* i ganny *value for money*. Donk si zot ti kapab dir nou, ki mannyer zot vwar sa Bidze i kapab fer sa bann keksoz swivan;

Ki pasyan i ganny swen ki pli personalize, pli endividyle;

Nou bann fasilite lasante i a vin pli modern e pli konfortab;

Servis ava pli efektiv;

Lekipman i ava azour;

Bann profesyonnel lasante ava pli motive.

Me pli enportan Minister a regard pasyan avek travayer konman enn son bann priyrite. Ki *at the end of the day* konman Seselwa nou ava regard nou servis lasante. E nou ava santi nou *happy* avek nou servis. Mersi.

### **MR SPEAKER**

Mersi. Minis lo sa bann pwen ki in mete mon krwar ou pou bezwen *summarize*.

### **MINISTER PEGGY VIDOT**

Mersi bokou Mr Chair. Mersi Onorab pou donn nou sa loportinite pou nou anmenn

tou sa bann keksoz ki nou'n diskite ansanm.

Parey ou dir sa Bidze ki nou pe propoze, ki nou pe demann zot, zot sipor i enn pli gran. E i pou nou ti a kontan ki i adres definitivman sa bann kalite keksoz ki ou'n mansyonnen.

Nou oule ki nou donn en swen ki pli *patient-centered*. Ki tou ki sa pasyan i bezwen. E kot landrwa kot i pli konvenab pou sa pasyan, pou sa dimoun e pou popilasyon.

Nou ti a kontan ki lasante lepep Seselwa i amelyore. Pou nou kapab fer sa nou konnen pou dir nou pa zis anmenn tretman. Me nou lanfaz i pou lo prevansyon. As *much as possible* anpes dimoun malad. E pou sa e ler ki zot pou malad esey detekte sa bann maladi bokou pli boner. Pou nou kapab fer sa nou ava annan diferan protokol an plas, Diferan *screening programs* an plas. E annan zofisyel lasante ki konpetan ki pou fer sa bann kalite servis. So nou bi se pou promouwlar lasante nou pep.

Parey nou'n dir pou nou fer sa nou bezwen dimoun pou travayer lasante. E nou bezwen alor fer nou mye pou amelyor sityasyon travay. Par donn zot son konpetans ki bezwen. Par fer sir ki landrwa kot zot pe travay I ase *condusive*, pou zot kapab

delivre sa ki zot bezwen delivre. E an menm tan regarde ki mannyer zot ganny reminere. Tout an fer san.

Nou realize poudir i annan en kantite keksoz ki bezwen met an plas pou fer sir ki nou ganny pli bon valer pou larzan. E ki an vi ki nou en Pti Leta Zil nou bezwen enport en kantite sirtou bann medikaman. E bann *supplies* ki nou annan.

E alor nou pe fer sir ki nou annan an plas sistem striktir, prosedir, ki pou sirmont tou sa bann defi, ki pou fer nou kapab arive. Parey nou'n dir oparavan nou ti annan en stok 3 mwan. Nou'n vwar poudir sa stok 3 mwan i tro pti gin letan. Nou'n fer li al pou 5mwan.

Me pou sa nou osi bezwen sa finansman. Sa larzan ki pou bezwen ganny sorti. Pa zis esper – donn nou sa ki nou bezwen premye *quarter*. Me fer li dan en fason pli byen. E re aranz en pti pe nou fason fer nou *procurement*. Olye fer li sak fwa ki nou bezwen pou pran prosedir fer li en fason bokou pli efikas.

E an menm tan nou bezwen regarde ki mannyer nou servi teknolozi. E ki mannyer nou fer keksoz. Bann problemm ki nou'n dir anmenn pasyan kot nou, servi bokou lanbilans, i pa

neseserman pli bon pou pasyan. I pa neseserman pli bon pou nou. E i pa neseserman kout nou mwens.

Me alor pou nou anmenn nou lasante pli pre posib avek dimoun, i enn bann stratezi ki nou pou pe adopte sa lannen. E an menm tan si dimoun i bezwen ganny vwar dokter, i pa toultan ki konsiltasyon i bezwen fer fizikman. Konsiltasyon i kapab fer a zistans.

E sa i en keksoz ki nou pe entrodwir ki i ava ede ki dimoun i kapab koz plis avek dimoun. E nou lanfaz parey nou'n dir, i pou lo prevansyon. Lo amelyor kalite servis ki dimoun i gannyen. Fer sir ki servis i al anver dimoun. E ki servis ki dimoun i gannyen, i pli endividyalite e pe *meet* zot bezwen. Mersi.

### **MR SPEAKER**

Mersi Minis. Onorab Arissol. Sandy.

### **HON SANDY ARISSOL**

Mersi Mr Chair. Bon apre midi Minis ek tou dimoun ki a lekout. Avek ou delegasyon Minis, bann Manm Onorab e bann zabitan Bel Ombre.

Mr Speaker premyerman mon ti a kontan felisit Minis avek Dokter Gedeon, Dokter Louange. Ek tou *staff* Minister Lasante. Depi sa drayver lanbilans ziska sa enn ki

travay dan lab. Pou sa 2an. Zot in zwenn *Covid*. E tou lasistans sipor ki zot in kapab donne mersi bokou.

Parey nou tou nou konnen letan nou konmanse nou konmans avek en souf lopital parey en pti baba. E parfwa nou dernyen zour osi nou fini li dan lopital. Dan lanmen ners ouswa en dokter. Swa en ners asistan. E nou rann sa dernyen souf.

Alor koumsa mon ti a kontan dir zot mersi pou sa sipor ki zot in fer. Sa bon travay pandan sa 2an. E nou kontinyen prezant zot *full soutyen* e *full* sipor pou sa Bidze ki la.

Mr Speaker mon annan de kestyon. Mon kestyon i baze lo P2; Hospital and specialized services. Mon ti anvi zis demann Minis ek Dokter Louange, *in regards to* sa lokasyon, par egzanp lo televizyon mon ti tann ti annan en seksyon lizye, spesifikman ki ti montre lo televizyon, zot pe al ouver en pti bout somewhere dan lopital.

Mon ti a kontan zisteman demann zot si letan Bidze i ganny prezante avek *Health Care Agency*, par egzanp seksyon lizye li i ganny son Bidze allocate pou li? Oubyen i ganny dir dan sa Bidze pou dir nou annan tan larzan pou ou, ki nou'n gannyen. Sa ou a

gannyen pou *training*. Sa ou a gannyen pou lekipman oubyen sa ou a gannyen pou fer. Oubyen se *Health Care* ki *manage* tou keksoz an konsiltasyon avek zot? Sa mon premye kestyon.

Mon dezyenm kestyon i an relasyon avek zot *mandate*. Ou konnen parey zot konnen mon annan en kantite dokter ki reste dan mon distrik Bel Ombre, espesyalman *Fisherman's Cove Estate* avek *Mount Simpson*. Nou annan en pe dokter ki pe ganny en pe difikilte *in regards* kot zot reste. Parske zot pa asire si zot pe aste kot zot ete. Si i pou zot. Si zot kapab fer.

Me an vi zot manda pe koz lo donn sa servis. Mwan mon pa oule ki bann dokter zot viv dan lensertitud, letan zot pe zisteman pe aprouv oubyen pe onor sa manda ki zot in donne. Pou ki zot osi zot konnen kot zot ete.

So, mon kestyon lo la mon ti a kontan demann Minis. Eski ou Minister avek Minister Later ek Lakaz zot pe koze zisteman pou ki bann dokter i konnen kot zot sitye zot letan zot pe donn lakominote sa servis? Pou zot osi zot lespri kapab an pe? Mersi bokou Mr Speaker.

### **MR SPEAKER**

Mersi Onorab. Minis.

### **MINISTER PEGGY VIDOT**

Mersi Mr Chair. Mersi Onorab pou ou kestyon. Mon ava reponn sa dernyen kestyon apre Dr Louange a reponn en pti pe ki mannyer Bidze i *allocate* pou diferan group.

Onorab pou laspe regard byennet bann dokter sirtou ki konsern lakaz, wi nou Minister i an diskisyon avek Minister ki konsern lakaz pou dokter.

Mwan personnelman mon'n diskit avek Minis pou lakaz pou diferan dokter ki annan problem lakaz, pou vvar ki mannyer nou kapab ed zot. E ki mannyer Minister lakaz i kapab vin pou zot lasistans.

E sa diskisyon i ankor ouver. E a sak fwa ki nou annan en posibilite pou met sa problem lakaz pou bann dokter - sirtou bann zenn dokter ki pe retournen, nou fer li. Mersi.

### **MR SPEAKER**

Dr Louange ti a kontan azoute? Wi.

### **CEO HCA DANNY LOUANGE**

Mersi Mr Chair. Mon pou konmans reponn sa lot kestyon lo kote alokasyon Bidze. Wi nou swe i pou parey ou'n dir Onorab, al ver ki nou apel *cost centre*. Konmsi sa servis i a kapab zer zot prop Bidze.

E sa i ava anliny avek sa *zero based budgeting* ki Gouvernman pe annan plan pou fer. Zot in fini sirtou dan *Health Care Agency*. Mr Chair si ou kapab permet mwan, mon ava pas laparol avek Ms Tamatave, ki ava eksplik en pe *lo cost centres allocation*. Plan Minister Finans. Mersi Mr Speaker.

### **MR SPEAKER**

Mersi Dokter. Ms Tamatave.

### **COMPTOLLER GENERAL ASTRIDE TAMATAVE**

Mersi Mr Chair. Mr Chair *Health Care Agency* lannen pase oubyen 2 an pase ti apres Minister Finans pou zot kapab kas zot Bidze par sak bann *cost centre*. Par egzant ledikasyon nou vvar sak lekol i annan en Bidze.

*Health Care Agency* in met sa *proposal* devan nou pou zot kapab kas zot Bidze. Me par kont Lasante, in ganny li en pe difikilte pou li kapab kas bann laliny depans anba sak *cost centre*.

Pou travayer i fasil akoz nou konnen anba sak *health centre* lekel dimoun ki anploye. E bann lezot laliny ki santralize ki dan *bulk*, par egzant bann *medical supply*. Bann *supplies* ki zot servi menm bann akizisyon in en pe difisil.

Me an 2023 nou ava asiz ankor avek Lasante, pou nou regarde si nou kapab fer sa alokasyon, kot sa *program 2* kekfwa i a kapab ganny kase anba sak bann *Health Centre* ek bann *Health Unit* dan *even headquarters*.

*Mr Chair if you may* an vi ki mon annan laparol mon ti anvi zis fer en koreksyon pou en *figures*, ki mon'n donn Onorab Aglae pli boner, lo *Cleaner's Corporative*. Sa transfer an 2024 i R33.4milyon. Mersi Mr Chair.

### **MR SPEAKER**

Mersi Ms Tamatave pou ou klarifikasiyon. Mon a termin avek dernyen kestyon Onorab Larue?

### **HON FLORY LARUE**

Bonn pare midi Mr Chair. Mersi Mr Chair. Bonn apre midi ankor *panel*. Mr Chair si nou pou get dan Bidze, nou pou vvar ki manda pou *Health Care Agency* i dir nou ki zot lobzektif I pou promet, protez e restor lasante piblik.

E pou pran bann mezir apropriye pou evite ki i annan lanmor an rezulta bann maladi ek lezot koz.

Sif sorti kot *National Bureau of Statistic* i montre ki lanmor mwayenn an 2015/2019 ti 762 lanmor. I osi montre ki an 2020 ti annan

668 lanmor. An 2021 i montre ki ti annan 925 ka lanmor. En logmantasyon 257 ka ouswa 38.5poursan. Prenon kont ki it annan 34 ka ladan ki ti lye avek *Covid* an 2021.

*MBS* i osi montre ki pou lannen 2022 ziska Zen nou annan 492 lanmor. E si i kontinyen koumsa nou pou tap plis ki lannen 2021. Dan sa 492 ka i annan zis 37 ka ki'n sipoze mor ek *Covid*.

Dan *bullet point 7* dan *major achievements in 2021 and 2022*, nou vvar ki enn bann keksoz ki Minister Lasante in mete, i zot lansman programm vaksinasyon an Zanvye 2021. E sa programm i ganny relanse ankor avek bann zenn 12 a 7 Oktob 2021. E en bout ki zot pa'n mete ladan Septam 2022, zot in osi fer sa disponib pou zanfan ziska laz 5an.

Mr Speaker mon ti a kontan demande, dan sa Bidze ki plis ki preski R1.2bilyon, eski I annan sipor spesifik ki dan Bidze lo kote lozistik, ki al direkteman anver trouv bann rezon pou logmantasyon dan lakoz to lanmor Sesel?

Sa i enkli lespas ouswa fasilite, pou fer resers dan popilasyon e dan seksyon *pathologist*, pou fer bann letopsi pli aprofondi. Ki sipor zot annan pou *Health Professional Councils*? Ki zot menm zot, zot in fer *meeting*

an Out 2022, pou koz lo sa konsern lo logmantasyon lanmor dan Sesel.

Akoz to lanmor Sesel Mr Chair i pa balanse avek *Covid deaths* ki ziska preznan i ariv 171 depi lannen 2021-2022? Mersi.

### **MR SPEAKER**

Mersi. Wi *panel*. Si mon'n konpran byen, nou pe rod klarifikasiyon lo ki mannyer pou eksplik to lanmor dan popilasyon? E logmantasyon?

### **MINISTER PEGGY VIDOT**

Mersi Mr Speaker. Mr Speaker wi, Onorab mersi pou ou kestyon. Pou kestyon i en lobzervasyon ki nou osi nou'n remarke. E menm dan nou *annual performance review* nou'n fer resorti, pou dir an mwayenn kantite lanmor ki'n annan dan Sesel dan sa dernyen lannen, i ogmante.

E i en keksoz ki i en pe partou dan diferan pei. Pandan sa dernyen 1an 2an dan letan *Covid*. E i en keksoz ki wi i konsern nou e nou pe fer serten letid. Pli boner mon'n mansyonnen poudir i annan en pti pe diskisyon - i annan en pe letid ki nou pe fer ansanm avek *Oxford University*, e sa i enn. Pou regard ankor ki kantite lanmor. Akoz kantite lanmor. Ki kalite dan sa bann peryod.

E an menm tan i pou nou, nou bezwen konnen si sa *trend* i pou kontinyen. I si sa *trend* i en keksoz – si sa ki'n arrive, i zis en keksoz ki'n arrive dan en serten peryod letan. Me i en konsern e nou pe regard ladan.

Ou pe dir mwan poudir kantite lanmor ki nou'n dir par *Covid* i pa vreman tou bann lanmor kekfwa ki nou vvar. I annan de fason ki lanmor *Covid* i ganny dir. I annan lanmor ki'n ganny byen. Dimoun in mor ki dokter in dir *Covid* i lakoz lanmor.

I annan lanmor ki'n arrive ki sa dimoun ti pozitiv pa neseserman se sa ki'n touy li. Dizon en dimoun i dan en aksidan apre i teste pozitiv. Son koz lanmor se sa *injury* ki in gannyen dan aksidan. Me solman i ti osi *Covid*. I ti teste pozitiv pou *Covid*. Pa neseserman sa *Covid* ki'n touy li.

E alor i annan sa de balans, ki ankor nou dan Lasante nou pe regarde sa bann *figures*. Pe sey fer sans, pou nou vvar e ki nou ti a kontan ki statistik i reflekte larealite.

E alor tousala i keksoz, i travay ki nou pe fer pou fer sir ki nou arrive avek en vre statistik, lo ki kantite lanmor par *Covid*. Ki kantite lanmor ki relye avek *Covid*. E espere ki nou a kapab fer li diran sa

lannen avek bann led ki nou pe gannyen avek nou bann diferan *partner*. Mersi.

### **MR SPEAKER**

Mersi. Ale ou klarifikasyon. Fer li vitman Onorab.

### **HON FLORY LARUE**

Mersi Mr Chair. Mr Chair mon konpran sa ki Minis pe dir. Me selman lo kote *figures Ministry of Health* in dir klerman ki ziska prezan zis 171 dimoun ki'n mor dan popilasyon avek *Covid*. Me solman sa ki mon pe dir i ki ant lannen 2021 ziska la, nou'n ganny nou en logmantasyon lanmor 38.5poursan lannen pase. E la *already* nou'n fini tap 50poursan pou nou *overtake* lannen pase.

So eski i annan keksoz spesifik apard *from light research*, spesyalman lo kote *pathologist*, ki letan en lanmor i *occur* nou kapab pe desifre egzakteman ki konplikasyon? Kanmenm nou napa sa resers statistik, me nou pe konn sa konplikasyon ki pe arrive *on a-case by-case*, pou kapab ede pou gete si i annan en *trend*.

Si sa *trend* i *due to* kek keksoz ki'n ganny azoute dan sa dernyen 2an. Ki nou'n vvar ganny azoute par nou popilasyon. Kekfwa sa i enn bann lakoz ki nou bezwen konmans ouver nou lizye, pou nou regarde si sa nouveau

eleman, i pa pe koz sa lanmor ekse. Mersi.

### **MR SPEAKER**

Mersi. Minis si i annan en leksplikasyon en pe bref pou sa silvouple. En pwen tre zeneral me-

### **MINISTER PEGGY VIDOT**

Wi, zeneralman pou dir ki wi nou pe verifye, nou pe konsernen. E parey ou pe vwar ki resaman menm nou sertifika koz lanmor in ganny sanze.

E ki bann dokter pe ganny plis – sirtou nou *pathologist*, pe ganny plis demande pou met sa vre koz lanmor, *as oppose to* serten koz ki oparavan kan i ti mete, i pa ti tro kler si sa i en fakter ki'n kontribye, si sa sete sa vre koz sa lanmor.

Wi nou konnen poudir i annan *increase death*. E sanmenm sa rezon ki nou pe regarde, nou pe diskite, nou pe fer serten letid, pou nou regarde ki pe arive. Akoz nou anvi in *as much as possible* anpes lanmor ki kapab ganny anpese. Mersi.

### **MR SPEAKER**

Mersi. Bon. Avek sa nou'n pare pou vot lo Bidze pou *Health Care Agency*, ki pou en total 1bilyon 193milyon R496mil. Manm ki an faver lev lanmen silvouple? Mersi.

Madanm Clerk mon vwar tou dimoun in vote.

Lo Bidze pou *Health Care Agency* 29 Manm in vot pour., 0 kont e 0 in *abstain*. Bidze in aprouve Lasanble. E nou annan ankor detrwa vot pou pran.

### **SEYCHELLES NURSES AND MIDWIVES COUNCIL**

### **MR SPEAKER**

Vot lo *Seychelles Nurses and Midwives Council* ki lo paz 394 ziska 398 si zot le fer referans avek. E son total Bidze i 1milyon R752mil. Manm ki vot pour lev lanmen silvouple? Mersi. Vot lo sa Bidze *Seychelles Nurses and Midwives Council* 29 Manm in vot pour, 0 kont, 0 abstansyon.

### **HEALTH PROFESSIONAL COUNCIL**

### **MR SPEAKER**

Next vot lo *Health Professional Council* pou en total 1milyon R355mil. E sa Bidze i lo paz 399 ziska 401. Manm ki vot an faver lev lanmen silvouple? Mersi. Vot lo sa Bidze *Health Professional Council* 28 Manm in vot pour, 0 kont, 0 abstansyon. Korek sa Madanm Clerk? Bon mon a repet sa kont. 28 vot pour, 0 kont e 1 abstansyon. Mersi.

## **NATIONAL AIDS COUNCIL**

### **MR SPEAKER**

Vot lo *National Aids Council*. Lo paz 402 ziska 405 pou en total R4milyon mil. Manm ki an faver lev lanmen silvouple? Mersi. Tou Manm in vote? Okenn Manm ki vot kont? Lo Bidze pou *National Aids Council* 29 Manm in vot pour, 0 kont, 0 abstansyon.

## **SEYCHELLES MEDICAL AND DENTAL COUNCIL**

### **MR SPEAKER**

E ankor enn. *Seychelles Medical and Dental Council*, lo Paz 406 ziska 40, pou R979mil. Manm ki an faver lev lanmen silvouple? Mersi. Lo sa Bidze 29 Manm in vot pour, 0 kont, e 0 abstansyon.

Minis sa Bidze in aprouve. E mon azout mon lankourazman ki Lasanble in donnen par zot vot pou zot travay e sa sipor pou zot Bidze. Bonn nou'n arriv a lafen travay pou ozordi. Mon a remersye Minis ek son delegasyon pou zot partisipasyon. E tou bann repons ki zot in donn nou.

Mon a pas lo antite ki nou pou regarde demen. Nou annan *Ministry of Investment Entrepreneurship and Industry, Seychelles Investment Board, Industrial Estate Authority, Seychelles Licensing Authority*. Sa tou sa

bann antite ki konsernen avek sa Minister Lenvestisman *Entrepreneurship* e Lendistri.

Me osi nou pou annan *Human Rights Commission*. Sa i pou demen. Mersi madanm Clerk pou sa lenformasyon. Bon mon swet zot tou bon depar. Nou a pas dan Staz Lasanble pou nou kapab *adjourn*. E Lasanble a repran demen bomaten 9 er.

### **(ADJOURNMENT)**